

TRACTATVS

# PRO INVOCA-

TIONE SANCTORVM,

contra Ioannē Monhemiū, & eius defen-  
so-rem Henricum Artopæum.

*Autore Ioanne Hessels à Louanio, sacre Theo-  
logie Professore.*

Rom. 15.

Obsecro vos fratres, vt adiuuctis me in orationibus ve-  
stris pro me ad Deum.

Luc. 10.

Deus non est mortuorū, sed viuorum: oēs enim viuunt ei.

Luc. 15.

Gaudium erit coram angelis Dei super vno peccatore po-  
nitentiam agente.

*Huic autem Tractatui præmittitur succincta confutatio  
erroris, quo idē Monbemiū cū Brentio asserit, Deum nihil  
nobis largiri intuitu orationū nostrarū: & nos debere sta-  
tuere Deum nobis esse propitium priusquam eum oremus.*



LOVANI

Apud Ioannem Bogardum, Sub Biblijs  
Aureis. Anno 1562.

PRIVILEGIUM.

**C**Autum est Regiæ Maieſt. Priuilegio, ne quis quatuor proximis annis præter Ioannem Bogardum Imprimat, nec alibi impreſſum diſtrahat Tractatum pro inuocatione Sanctorū, Autore Ioanne Heſſels à Louanio: ſub pœna in Priuilegio contenta.

Datum Bruxellæ 18. Aprilis, Anno 1562.  
Subſig.

Faacuwez.







Ræclare admodum à maiori-  
bus dictum est: Error paruus in  
principio, maximus est in fine.  
Vnde & Christus doctrinā fal-  
sam fermentum vocat: quod vt  
modicum totam massam cor-  
rumpit, ita vnus in religione  
error, sæpe totam quasi sanita-  
tem doctrinæ auferat. Exempli gratia. ex errore ho-  
dierno, quo omnia opera etiam iustorum statuuntur  
esse peccata, natus est & alius, quo peccata remitti  
docetur ea fide, qua quis illa sibi remitti credit. Atq;  
ex his velut fontibus duobus, ferè omnes reliqui  
errores, quos in libello suo habet Monhemius, ori-  
ginem trahunt.

*Non pro eo quod fide accepimus, oramus, sed pro eo,  
quod necdum accepimus.*

CAPVT I.

**P**Rimum enim in Tractatu de oratione, multas  
causas enumerās cur merito Deum orare de-  
beamus, diligentissimè cauet ne potissimam  
adducat: nempe vt à Deo impetremus veniā & bo-  
na opera. Quinimò requirit ad rectè orādū, vt antè  
statuamus & persuadeamus nobis, Deum nobis esse  
propitiū (verbis eius vtor) vt vota nostra exaudiat.  
*Non enim nostras exigit preces, (addit ipse) vt eis ad la-  
giendum moueatur, sed vt fiduciam, spem, atque amorem  
nostrum erga se, tanquam optimiōis & benignissimum pa-  
trem alat, & excolat, dum orantibus ea dat, quæ daturus  
erat aliās, discamusq; nos apud eū omnia posse, aures eius ad  
preces nostras non esse clausas, sed patentes atque apertas.*  
Sanè ex fide, non christiana, sed lutherana, sequitur  
Deum non largiri propter orationē veniā, eò quod  
eiusmodi fides (quæ ordine & tēpore omnes preces  
præcedit) certum facit hominem de remissione pec-  
catorum iam accepta. Vnde Brentius, Lutherane fi-

A ñ      dei non

## ERRORIS CIRCA ORATIONEM,

In cōfess.  
VVirtē-  
bergenfi,  
ca. de ora-  
tione.

Rom. 10.

dei non mediocris assertor: Non (inquit) absurdè quid-  
dem dicitur oratione deleri peccata: non autem hoc sensu,  
quòd ipsum opus orationis sit merito suo satisfactio pro pec-  
catis coram Deo, sed quòd oratione excitetur & accendatur  
fides, qua fide participamus meritum Christi, & habemus  
remissionem peccatorū propter solum Christū. Priusquam  
enim Deum oratione inuocemus, necessarium erit, ut meri-  
tum Christi sit nobis applicatū, & fide acceptum. Item in  
confutatione Apolog. VVirtemb. Qui ex fide orat, &  
Deum pro condonatione peccati inuocat, non assequitur iam  
primū, meritū suae orationis, remissionē peccati, Sed quòd  
iam per fidem accepit & coram Deo habet, petit oratione  
in se manifestius reuelari & cōfirmari. Similis est Mon-  
hemij sententia: Deum videlicet nō moueri preci-  
bus nostris ad largiendum. &, oratibus se dare, quae  
aliās erat daturus. Sed ō portentosam doctrinā, quae  
euertis dominicam orationem: docens nos non de-  
bere dicere, dimitte nobis debita nostra. Quis enim  
planè fatuum non dicat illum, qui orat ut accipiat,  
quòd iam se accepisse nō dubitat? Deridetur Deus,  
cū ei corde dicitur, certus sum quòd accepi veniā:  
et ore, Da mihi veniam. Simulatoris animi est, pete-  
re, quod se scit iā habere. Apostolus dicit: Quomo-  
do inuocabunt in quē non crediderūt? Iuxta Mon-  
hemium autem dicendū erit: Quomodo inuocabūt  
in quem crediderunt? siue: Quomodo à Deo petent  
veniā, qui iam certi sunt ab eo se illam cōsecutos?  
Aperire errorem, refutasse est. Quicquid namq; nu-  
getur Brētius, certē ea petitione: Dimitte nobis de-  
bita nostra: aequē petitur res non habita, sed habenda,  
sicut in illa: Ne nos inducas in tentationem, sed  
libera nos à malo, & quatuor prioribus petiti-  
onibus.

Ex scripturis reijcitur Monhemij sententia: Deus  
dat orationibus, quae aliās esset daturus. CAP. II.

Dat

**D***icit* (inquit Monhemius) *Deus orantibus se, quæ daturus erat aliis. Ut igitur accipiã, ô Monhe-*  
*mi, nõ necesse est orare. At aliter August. ca-*  
*tholicus doctor. Constat (inquit) Deũ alia dãda etiã*  
*non orantibus, sicut initium fidei, alia nõ nisi oran-*  
*tibus præparasse, sicut vsq; in finem perseverãtiã.*  
*Aliter & Iacobus Apostolus: Nõ habetis propterea*  
*quod nõ postulatis. Aliter itẽ Dominus, ad Moysen*  
*dicens: Dimitte me vt irascatur furor meus contra*  
*eos. Vnde Psalmista canit: Dixit vt disperderet eos,*  
*si non Moyses electus eius stetisset in cõfractiõne in*  
*cõspectu eius, vt auerteret iram eius ne disperderet*  
*eos. Hinc & dominus amicis Iob: Ite (inquit) ad ser-*  
*uum meum Iob. Faciẽ eius suscipiam, vt non vobis*  
*imputetur stultitia. Ezechias rex, cũ audisset se mo-*  
*riturũ ex morbo quo laborabat, oratione & lachry-*  
*mis impetrauit quindecim annos vitæ. Hieremias*  
*commemorat se stetisse in conspectu domini, vt lo-*  
*queretur pro Iudæis bonũ, & auerteret indignatio-*  
*nẽ Dei ab eis. Sicut Dominus Ezechielis 22. dicit se*  
*quæsiuisse virum, qui interponeret sepem, & staret*  
*oppositus contra Deũ pro terra, ne dissiparet eam.*  
*Certẽ hæc significãt Deũ multa largiri orãtib; quæ*  
*aliis largiturus nõ esset. Et fortẽ hæc, quæ tot scri-*  
*pturæ significant, ad temporalia referas, allam di-*  
*cens de æternis esse rationem, vt quæ sic det Deus*  
*orãtib; vt etiam aliis eadẽ esset largiturus. Quasi*  
*verò nõ multo magis fideles sint solliciti, tũ pro se,*  
*tũ pro alijs petere à Domino spiritualia & æterna,*  
*quàm corporalia & caduca. Præcipiente Domino vt*  
*quereremus primũ regnum Dei & iustitiã eius:*  
*&, diceremus: Fiat voluntas tua. Dimitte nobis de-*  
*bita nostra: Ne nos inducas in tẽtationem. Idq; non*  
*solum pro nobis & fratribus, verũ etiã pro inimi-*  
*cis nostris. Quando (inquit Augustinus) nõ oratum*  
*est in ecclesia pro infidelibus atq; inimicis eius vt*

Lib. 2. de  
bono per-  
seue. c. 16

Iaco. 4.

Exod. 32.

Psal. 105.

Iob. 42. b

Esa. 38.

Cap. 18.

Math. 6.

Lib. 3. de  
bono per-  
seue. c. 23.

A iij cre-



## ERRORIS CIRCA ORATIONEM,

Serm. 1. et  
4. de S.  
Stepha-  
no.  
Libr. 1. de  
pœnitent.  
cap. 9.  
Matth. 5.  
Ioelis 2.

Gen. 19.  
Matth. 18.

Psal. 30.  
Philip. 1.

crederent? Quando fidelis quisquam amicū, proximum, coniugem habuit infidelem, & non ei petiuit à Domino mētem obediētem in christianam fidem? Certè si persuasum sit Deum largiri hæc spiritualia orantibus, ita tamen vt & aliās eadē esset largiturus, omne studium orandi infringitur, atq; omnino frigescit. Audi igitur rursus Augustinum hæretice, eiq; crede: Si sanctus Stephanus sic non orasset, ecclesia Paulum non haberet. Item Ambrosium: Precationis Stephani effectum in Apostolo Paulo videmus. Quid opus multis? Christus quoque dicit de venia peccatorum: Petite & accipietis. nimirū post & propter petitionem. Rursus: Omnis, inquit, qui inuocauerit nomen domini saluus erit. Si largitur orantibus quæ aliās esset largiturus: adhuc oportebit verbis Domini: Etiam si quis nō inuocauerit nomen Domini, saluus erit: etiam si nō petierit, accipiet. Si ad largiendū petita nō mouetur precibus, delendum erit illud: In hoc suscepi preces tuas, vt non subuertam urbem, pro qua locutus es, &: Omne debitum dimisi tibi, quoniam rogasti me, &: Domine non confundar quoniam inuocaui te, &: Hoc mihi proueniet ad salutem per vestram orationem: multaque similia. Quæ vniuersa absurda ex eo deducuntur, quod Monhemius & alij eiusdem farinae, putant, fide omnia haberi à Deo: tantūque orationem adhibendam vt excitetur fides, cum potius fides iustificet, & impetret à Deo veniam Spiritūque sanctum per orationem, non autem oratio per fidem.

*Orationem propinquiorem esse causam salutis fide.*

CAPUT III.

**Q**Uod satis euidenter Apostolus, epistola ad Romanos explicuit. Dum enim doceret corde credi ad iustitiam, oreq; confessionem



tionem fieri ad salutem, & hoc Esaiæ confirmasset testimonio, probationem adiunxit: Quia Deus diues est in omnes qui inuocant illum, iuxta Ioelis vaticinium: Omnis qui inuocauerit nomen Domini, saluus erit. Credens ergo in Christum ideo non confundetur, quia credendo, diuitem Deum inuocat. ac proinde causa salutis proximior est inuocatio quam fides. Et sanè hoc ipsum astruit, quod Apostolus explicans quomodo Spiritus adiuuet infirmitatem nostram, dicat eum postulare pro nobis gemitibus inenarrabilibus, faciens scilicet nos clamare, Abba, pater. Nec etiam alia ratione illa superna Hierusalem, mater est omnium filiorum promissionis, quam quod dono sancti spiritus gemitibus postulet inenarrabilibus pro omnibus filiis suis. Nam ministeriū verbi ac sacramentorū, etiam per Agar & terrenum Hysmaelem ministrat. preces autem Deo placentes & gratas, ipsa sola veluti maternos enixus habet. Deniq, Christus non per fidē, sed per preces impetrauit nobis fidem, vnitatem & cōcordiā inter nos & cum Deo patre, sicut Ioan. 17. legitur. Per orationē impetrauit nobis mortuis vt Lazaro vitam, vt crucifixoribus suis veniam. Nunē quoq, iugiter interpellat pro nobis, & implet Dominus omnes petitiones eius. Ecclesia igitur agni sponsa, per orationes similis est sponso suo magis quam per fidē. Vnde & orationes sanctorum, in reuelatione beati Ioannis, aureo thuribulo oblatas Deo legimus: Quemadmodum confessionem fidei nostrae, pontificem nostrum Deo offerre testatur Apostolus in epistola ad Hebræos. Nam fidei confessio vel in primis comprehendit orationem, gratiarūque actionem. Preces & gratiarum actio, ea sunt quibus maximè filij noui testamenti Deum accedunt, iuxta Dauidis & Esaiæ prædictionem: Confitemini domino, & inuocate nomen eius.

Rom. 10.

Cap. 2.

Rom. 8.

Heb. 7.

Psal. 19.

Apoc. 5.

Cap. 13.

Psal. 104.

Esa. 12.

A iij Non

# ERRORIS CIRCA ORATIONEM,

Non debere quemlibet tertium esse, quod exaudietur

sua oratio: CAPVT IIII.

**C**onneſtit Monhemius ex eadē ſua fide, aliud  
abſurdum. Poſtulatur (inquit) atq; adeo flagita-  
tur, vt certa impetrandi fiducia ad orandum accin-  
gamur. Abſque omni dubitatione ſit perſuaſum, nobis pro-  
pitiū eſſe Deū, vt vota noſtra exaudiat. Inanis eſt enim pre-  
catio omnis ſine fide. Irritatur certe Dominus, ſi petamus  
ab eo gratiam quam nō certo expectemus. Dicit propheta  
Iob: Cum inuocantem me exaudierit, non credo  
quod audierit vocē meam. Hic eſt exauditus à Do-  
mino, & tamen non fuit certus ſe exauditum eſſe:  
multo minus ergo antea, ſe exaudiendum. Cui ta-  
men Dominus non fuit iratus, ſed verò exaudiuit  
eū. Dauid propheta orabat pro vita pueri ex adul-  
terio nati, dicens: Quis ſcit ſi fortè donet eum mihi  
Deus? Nō certo ſtatuebat, ſed ſperabat ſe exaudien-  
dum: quia nihil ei de contrario conſtabat. Sic Nini-  
uitæ orabant, dicente rege: Quis ſcit ſi conuertatur  
& ignoſcat Deus? Perinde ac ſi dicat. Cū nemo  
certus ſit, cū nemo ſciat quod non conuertetur,  
quod non ignoſcet Dominus, ſperemus potiore  
partem, quod ignoſcet & conuertetur. Simili ratio-  
ne Ioel homines hortatur ad pœnitentiam. Ad in-  
certum (inquit Auguſtinus) Niniuitæ pœniten-  
tiam egerunt. Dixerunt enim, quanuiſ poſt minas  
prophetæ, quanuiſ poſt illam vocem: Triduo, &  
Niniue euertetur, dixerunt apud ſe, petendam eſſe  
miſericordiam, dixerunt ita apud ſe diſceptantes:  
Quis nouit ſi Deus ſeſcat in melius ſententiam  
ſuam, & miſeretur? Incertum erat; cū dicitur:  
Quis nouit? De incerto pœnitentiam egerunt, cer-  
tam miſericordiam meruerunt. Proſtrauerunt ſe in  
lachrymis, in ieiunijs, in cilicio, & in cinere, Pro-  
ſtrauerunt ſe, genuerunt, fleuerunt: Pepercis  
Deus.

Iob 9.

2. Reg. 12.

Ionæ 3.

In Pſal.  
59.

Deus. Alius spiritus erat in his prophetis quàm in Monhemio. Audi & Apostolicum spiritum: Si quis viderit fratrem suum peccare peccatum non ad mortem (hoc est: quod non daret usque ad corporis mortem) petat, & dabitur ei vita, peccanti non ad mortem, (hoc est: modò ille talis sit, qui non sit peccaturus usque ad mortem). Quidam enim perseverant in peccato usque ad mortem. Pro illis prohibet Ioannes orare: Vt scilicet Christum imitemur, qui pro mundo orare nolebat, sed tantum pro his qui ei dati erant, qui credebant vel credituri erant. Quæ sententia Ioannis expressius in Matthæo reperitur. Intrantes (inquit Dominus Apostolis) domum, salutate eam, dicentes: Pax huic domui. Et si quidem fuerit domus illa digna, veniet pax vestra super eam. Si autem non fuerit digna, pax vestra reuertetur ad vos. Et apud Lucam, In quamcunque domum intraueritis, primum dicite: Pax huic domui. Et si ibi fuerit filius pacis, requiescet super illum pax vestra. Sin autem, ad vos reuertetur. Vbi docet Dominus, omnibus quidem prædicandam precandamque esse pacem: at non omnibus profuturam orationem pro quibus deprecamur, sed ipsi tantum qui filii sunt pacis & Dei electione pace digni: Attamen fructum nostræ orationis ad nos reuersurum, non minus quàm si pacem illis impetrassemus. Vbi igitur est Monhemii dictum: *Abſq; omni dubitatione ſit perſuaſum, nobis propitium eſſe Deum, vt vota noſtra exaudiat.* Insuper, iubet Christus oremus pro calumniantibus & persequētibus nos. & Apostolus, pro omnibus hominibus: quod præceptum sedulo Christi ecclesia obseruat, & tamen non pro omnibus indubiè exauditur. Denique Christus Petro & Apostolis mādabat vt pro seipsis orarent, ne intrarent in tentationem: non autem vt firmiter statuerent se non superandos à tentatione. quandoquidem sciebat, imò eis prædixerat, eos ea-

1. Ioan. 5.

Ioan. 17.

Matth. 10.

Luc. 10.

Matth. 5.

1. Tim. 2.

Matth. 26



## ERRORIS CIRCA ORATIONEM,

dem nocte scandalizādos. Orant omnes sancti quotidie vt non inducantur in tētationē. Orant vt perueniant ad vitam æternam: multi tamen ex bene orantibus nec exaudiūtur, nec obtinēt quod petūt. Stultē igitur certō statuat orans se exaudiendum, cum orantes multos constet non exaudiri. & contra apertam veritatem est, quod dicit Monhemius, orantes certos esse debere, quōd à Deo exaudientur. Nostrium est seruare præcepta Domini, & orationes nostras illi committere, vt prout ei placuerit, eas suscipiat. Verissimē quidem dicis Monhemi: *Inanis est precatio sine fide*: Cæterū, inanis non erat Apostolorum pro iis quos salutabāt, dicentes: Pax huic domui, vel, vbi nullus erat filius pacis. Reuertebatur enim (teste domino) ad eos. Igitur, etsi sine illa certa persuasione pacis obtinendæ illis pro quibus orabāt, esset, non tamē sine fide erat. ac proinde satis liquet, certam illam persuasionem obtinendi quod petitur, non esse veram fidem.

*Quos promiserit Dominus exaudire. CAP. V.*

**N**unc videamus, quibus scripturis, eiusmodi vanā suam certitudinē firmet Monhemius. *Postulet in fide (inquit Apostolus) nihil hesitans. Qui enim hesitat, similis est fluctui maris qui à vento agitur atq; excitatur. Non enim potest is homo se quicquā à Domino impetraturū. Et Christus inquit. Omnia quaecumq; orantes petitis credite vos accepturos, & euenient vobis.* Fides ex qua iustificamur inuocantes Deum, est fides in fidem, teste Apostolo, hoc est, in fidelitatem Dei: qua nimirū credimus in promissis suis Deum esse veracem. Qualis erat fides Abrahæ, qui in promissione Dei non hæsitauit diffidentia, nec cōfiderauit corpus suū emortuū, nec emortuam vuluam Saræ, plenissimē sciens, quia quaecumque promisit Deus, potens est & facere. Consideremus itaque quos

Vide cap.  
4. lib. 1. de  
voca. gen-  
tium.

Iac. 1.

Rom. 4.



quos promiserit Deus exaudire, & tum videbimus non aliam quàm huius promissionis fidem, exigi ab orante. In primis ergo manifestum est quòd in hac promissione: Si quid petieritis patrem in nomine meo, dabit vobis, & similibus, ea beneficia inuocantibus promittuntur, quæ ad eos peculiariter qui petunt pertinent. vt rectè Augustinus exponit 102. tractatu in Ioannem. Deinde quòd nec omnibus pro se petētibus, Deus det postulata quàm primum petierint. Vnde Augustinus: Admonemur (inquit) à Deo petere sapientiam. (qua scilicet quid ipse fieri velit, intelligamus) qui dat omnibus affluenter: Vtique his omnibus qui sic petunt, & tantum petunt, quantum res tanta petenda est. Non enim est promissa exauditiō ijs qui in sceleribus suis permanet: teste Psalmista: Iniquitatem si aspexi in corde meo (inquit) non exaudiet Dominus. Et Salomon: Qui declinat aurem suam ne audiat legem, oratio eius erit execrabilis. Et Esaias: Cum, inquit, multiplicaueritis orationem, nō exaudiam. Manus enim vestræ sanguine plenæ sunt. Rursus nec ille à Domino exauditur, qui proximo in se peccanti ignoscere non vult. Quamobrem mandatum dat Dominus: Cum stabitis ad orandum, dimittite si quid habetis aduersus aliquem: vt & pater vester qui in cœlis est, dimittat vobis peccata vestra. Quod si nō dimiseritis, nec pater vester q in cœlis est, dimittet vobis peccata vestra. Itē, vt certò semper exaudiat dñs inuocātes se, requiritur perseuerātia in oratione. Sicut docetur parabola perseuerantis pulsare ostiū amici in lecto quiescētis, & parabola viduæ iniquū iudicem molestantis, exemploq; ipsius Chananeæ, & Christi: qui sæpe in oratione pernoctauit, atque vnam eandem orationem frequenter iterauit. Deinde etiam humilitas magna in orante esse debet: Quemadmodum & ipse Christus, procidēs in faciē ante pa-

Ioan. 16.

Lib. de natura & gra. ca. 17.

Psal. 64.

Prou. 23.

Cap. 1.

Marci 11.

Luc. 18.

# ERRORIS CIRCA ORATIONEM,

Ibidem.

Ecclesi 18.

ante patrem, & publicanus, non audens oculos ad  
 cœlum leuare, ostendunt: imò sicut ipse Christus  
 dicit: Qui se humiliat exaltabitur, & qui se exaltat  
 humiliabitur. Deus superbis resistit, humilibus autē  
 dat gratiam. Porro ex his nonnulla, & præter hæc  
 quoque alia rectè exigit Monhemius: Vt (exempli  
 gratia) animum liberum à curis extraneis. Verū  
 hæc omnia, aliquid velut fundamētum debet præ-  
 cedere, vt homo per orationem suam impetret sibi  
 aliquid à Domino. Quidnam quæso illud? Vt, si hæc  
 omnia habuerit, nempe si verè dereliquerit impius  
 viam suam, & ignouerit proximo in se peccanti, si  
 humiliauerit se multū, & perseueranter orauerit,  
 & alia in scripturis requisita nō neglexerit, firmiter  
 credat se impetraturū quod petit. Ab hac enim fi-  
 de contingit quosdam deficere, cogitando, vel tur-  
 pitudinem & magnitudinem peccatorum suorum,  
 Deiq; iustitiam & seueritatem: ac ideo hæsitando,  
 ne etiam omnibus illis adhibitis, ob sua scelera ni-  
 hilominus damnentur, vel magnitudinem & excel-  
 lentiam gloriæ quam Deus parauit hominibus mi-  
 seris, Ideoq; similiter hæsitando ne fortè vana sint  
 promissa illa magnifica, nève hæ Dei promissiones  
 similes sint dictis hominum; sæpenumerò fallaciū,  
 aut non potentium, aut nolentium præstare quæ  
 promiserint. Qui enim sic in fide hæsitat, orare qui-  
 dem voce potest, sed nihil oratione impetra-  
 re. Cogitat enim: Valeat oratio quātū valere po-  
 test. Fortè ipse audiet, fortè non audiet. Qualis est  
 illorum oratio qui tentant Deum: propterea scili-  
 cet orantes, vt explorent num præstare possit aut  
 velit petita. Contra quos ait Sapiēs: Ante orationē  
 præpara animam tuam, & noli esse quasi homo qui  
 tentat Deum. Contra quam infidelitatē Dominus  
 varijs parabolis, tū viduæ ab iniquo iudice impor-  
 tunis molestisq; suis precibus tandem impetrantis  
 vindictam

vindictā: tum amici intempestiuè noctu hominem  
 è cubili, longa molestāq; prece educentis: Denique  
 patris hominis mali, filio suo bona data largientis,  
 nos munit. vt sciremus nos multo magis à patre  
 nostro coelesti, qui summè bonus est, qui dormire  
 non nouit aut dormire, qui iustissimus est iudex,  
 cui orando nec molesti nec importuni esse possu-  
 mus, petita accepturos, si rectè ac perseueranter eū  
 inuocemus: non tam pro vindicta quàm pro nostra  
 nostrorumq; inimicorum salute.

Lucæ 11.

Ibidem.

*Quis sensus illius: Quæcunque orantes petitis, credite  
 quia accipietis.*

CAPVT VI.

**Q**Væ cū ita se habeant, clarū est quid Dñs  
 in euangelio dixerit: nēpe, in oratione regri  
 fidem, qua credamus Deum exauditurum  
 debitè inuocantes, & reuera euenturum illis quod  
 petunt: nobisq; donandum quicquid ab eo peti-  
 mus eo modo, quo ipse præscripsit. Ad hunc intel-  
 lectum inuitant nos dominica verba: Habete fidem  
 Dei. quia quicumque dixerit huic monti: Tollere &  
 mittere in mare, & nō hæsitauerit in corde suo, sed  
 crediderit, quia quodcumque dixerit, fiat, fiet ei.  
 Nunquid enim putabimus Dominum hīc sensisse,  
 omnes fideles, si statuāt firmiter in corde suo quod  
 montes transferent, montes esse translaturus? ne-  
 quaquam. Ipse Apostolus 1. ad Corinth. 12. docet  
 diuisiones gratiarum esse in Ecclesiæ membris: nec  
 vnum membrum debere alterius occupare officiū,  
 seu gratiam. Nunquid (ait) omnes, virtutes? Nunqd  
 omnes gratiam habent curationum? Nunquid om-  
 nes linguis loquuntur? Sentit itaq; Dominus, cum  
 qui gratia virtutum à Deo donatus fuerit, vbi in rē  
 religionis fuerit vel montis translatio, debere indu-  
 bitanter sua vti gratia, nec deterreri rei iuxta natu-  
 ram impossibilitate: sed sibi firmiter persuadere ita  
 futurū:

Marci 11.



# ERRORIS CIRCA ORATIONEM,

futurū: quātum est ex Dei parte, si id debito modo à Deo petat. Vnde Apostolis hoc dicit (sicut clariùs Matthæus, cap. 21. explicat) quibus potestātē dederat curandi omnem infirmitatem, eijciendi Dæmonia, mortuos suscitandi: sub quibus intelligēda venit & potestas transferendi corpora, quæ iuxta naturam transferri nequeunt (quæ nomine montium intelliguntur). Qua potestate Philippus diaconus, ardore euangeliū propagandi accensus, dum probè diuinæ legis studiosum Eunuchū Candaces instruxisset, se subito transtulit, aut potius transferri iussit ad Azotios, vt eis vicinisq; ciuitatibus euangelizaret. Vnde Lucas dicit Spiritū Dñi eum rapuisse. quia dono Spiritus sic trāsłatus fuit, sicut & Heliam rapi metuebat Abdias. Porro quòd eiusmodi conditio debeat in verbis Dñi iam ex Marco citatis intelligi, satis ex simili loco colligere licet. Matthæi 17. dicuntur Apostoli nō valuisse Dæmoniū eijcere duabus de causis. tum quia quum haberent à Dño gratiam eijcendi Dæmones, nō tamen satis fixè crederent Deum sibi, etiā debito modo inuocantibus affuturū, parum expēdentes eius omnipotentiam, bonitātē & promissa: tum etiā quòd modo decenti, oratione videlicet atq; ieiunio sese nō parassent ad eiusce Dæmonis eiectionē. Quare (aiunt) nos non potuimus eijcere illū? Respondet Christus: Propter incredulitatē vestram. Amen quippe dico vobis: Si habueritis fidem sicut granū sinapis, dicetis monti huic: transi hinc illuc, & transibit: & nihil impossibile erit vobis. Quando itaq; dicit Deū affore illi qui statuit futurū quicquid dixerit, intelligit, modò orationem & ieiunium (exempli gratia) adijciat, in eijciendo hoc genere dæmonum. Tali incredulitate Moyse & Aaron fortè peccarunt ad aquas cōtradictionis, dum turbati populi malicia & infidelitate nō satis accuratè expēdentes diuinā omnipotētiā & pro-

Matth. 10

Act. 3.

Matth. 17.

Aug. questio. 19. sūper Num.



& promissum, nō ita firmiter atq; ardentē crediderunt, vt verbis suis sanctificaret Dñm corā populo: asserendo scilicet ei quod Dñs daret certō aquā etiā rebellibus: Sed veluti dubitans Moyses sic locutus est: Audite rebelles, Experiamini an dabimus vobis de hac petra aquā. Vnde māsit populus veluti Dñm tentās, an daret aquā, donec aqua ex petra proflueret. Porro licet qui gratiā curationū & miraculorū à Deo habent, sciant sese eā habere, sicut qui donū linguarū vel interpretationis sermonū, aut sermonē sapientiæ vel scientiæ, aut gubernandi gratiā habent, vel discretionē spiritūū & somniorū (quod in matre sua Monica fuisse testatur Augustinus): Nilominus sicut contingit hos cūm quippiā eis, vel per somnium, vel per angelum reuelatur, ei nō credere (vt in Zacharia ostēsū est): Ita quoq; contingit habentes gratiā miraculorū à Deo, nō credere q; Deus per eos etiā oīa præscripta seruātes, miracula sit factururus. Contra hanc infidelitatē agit Dñs apud Marcū. Et deinde generali sentētia docet necessariū esse, vt orātes credāt firmiter Dei promissis, de rite atq; modo præscripto inuocātibus eū, exaudiendis. Et pronūciat q; hanc fidē habens oīa impetrabit, si scilicet alia requisita ei nō desint. sicut alibi dicit: Si dimiseritis hoībus, dimittet vobis pater vester cælestis peccata vestra: Vtiq; si cætera quæ requirūtur ad obtentū veniæ curetis. Exempla sanctorū miracula quondā facientiū, declarāt similiter quomodo intelligātur hę scripturę. siquidē priusquā miracula facerent, sæpe ieiunasse & orasse legūtur. Cæterū quia etiā oramus pro ijs quę nō certō promisit Dñs tribuere: (exēpli gratia) pro aliorū salute: ideo aut locus illē Marci de ijs non intelligitur, aut intelligendus est Christus præcipere, vt certō statuamus per nostras præces alios cōuertendos, si filij sint pacis & electi à Deo, quēadmodū Matthęus & Lucas expli-

Num. 20.

Lib. con-  
fess. ca. 13.

Luc. 1.

Cap. 11.

Mat. 10.  
Luc. 10.

## ERRORIS CIRCA ORATIONEM,

explicat. Interi nō debet studiū postulādi à Deo ea, quę etiā ritē poscētibus certō nō pmissit, tepescere, quōd fide certi non simus nos hęc impetraturos. Nam non sola fides in oratione exercenda est, sed etiam spes, quę fundata in fide omnipotētiæ & misericordiæ Dei, etiam circa illa versatur, quę non constat debitē poscētibus certō donanda. Exempli gratia, Qui desiderium habet derelinquēdi scelera sua, statuens tamen adhuc aliquandiu ea exercere, exhortandus est prædicatione omnipotētiæ & misericordiæ Dei, non vanæ alicuius promissionis, vt oret, quō sanctum eius desiderium tantas vires accipiat, quibus non solum quandoq; , sed iam statim scelera sua derelinquere statuat.

*Explicatur locus Iacobi: Postulet in fide, nihil etc.*

### CAPVT VII.

**H**Atenus de euangelij loco. Ex quo facilē intelligas, quid Iacobus velit, dum iubet in fide postulare absq; hæsitatione. Agit enim (Augustino teste) de fide ad quam præcepta compellūt, vt lex imperet & fides impetret: agit contra eos qui de promissis christianæ religionis dubitāt, cupiūtq; intelligentes & sapientes esse diuinarum rerum, antequam eas firmiter credant. contra illud, Nisi credideritis non intelligetis, & contra Apostolum, qui primū lac fidei, deinde solidum sapientiæ cibum tradi voluit. Docet autem Iacobus, dubios in fidei doctrina, similes esse fluctui maris, qui à vento agitur, nec stabiliter ad vnum locum semper decurrit: quia quolibet vento falsæ doctrinæ mouentur, nec recta fidei via currunt ad brauium supernę vocationis, & cū Deum accedant corde duplici, hoc est, nutate & in vtramuis partem ambigūe sese vertere, ideo in omnibus vijs suis, ac proinde & in ipsa oratione inconstātes sunt, nec in ea perseuerant:

vio-

De natura & gratia cap. 16

1. Cor. 3.

violantibus illud Sapientis præceptum: Ante orationem præpara animam tuam, & noli esse quasi homo qui tentat Deum. Ac proinde existimare non debent dubij hi homines, quod aliquid sapientiæ christianæ accipient à Domino. Quid hæc igitur loca scripturæ faciunt ad certitudinem Monhemij? pernitus nihil. Merito enim sæpè timet homo, ne peccatis occultis subiaceat, & non in precibus perseueret. Merito formidat, ne competens sibi oranti humilitas desit. Conueniat vnusquisq; cor suum (ait Hieronymus) & in omni vita inueniet quàm rarum sit perfectè fidelè animam inueniri: vt nihil ob gloriæ cupiditatem, nihil ob rumusculos hominū faciat. Difficile est Deo tantum iudice esse contentū. Infidiatur superbia bonis operibus. Cæterum, cum Mōhemius dicat (ex Caluini institut. cap. 15. parag. 5): si vel minimum quid arrogemus nobis, nos à facie Domini repellendos, qua fronte, quæso, audet interim de se statuere quod non repellatur, nisi vnà simul statuatur, se nec minimum quid sibi arrogare? Sed certè si id faceret, non tam audacter ab ecclesiæ Christi doctrina declinaret.

Ecclesi. 18.

Cōtra Luciferianos.

*Rursus explicatur promissio de exaudiendis orantibus.*

CAP. VIII.

**R**eliquæ scripturæ à Monhemio citatæ, & desumptæ ex cap. 15. parag. 11. Institutionis Caluini: nihil amplius cōuincunt, quàm quæ supra ex Marci 11. allata est. Admonet tamen parabola illi scripturæ: Petite, & accipietis: quærite, & inuenietis etc. adiuncta à Domino, perseuerantibus precibus promissam esse exauditionem. Et si, inquit, ille perseuerauerit pulsans, dico vobis, & si non dabit illi surgens eo quod amicus eius sit, propter improbitatem tamen eius surget, & dabit illi. Scriptura

Luc. 11.

B. autem



# ERRORIS CIRCA ORATIONEM,

- autem ex cap. 29. Hieremiæ adducta, aliquid habet consideratione dignum, quod Monhemius omisit. Post hæc enim verba: Orabitis me, & exaudiā vos, quæretis me & inuenietis, addit Propheta: Cū quæsieritis me in toto corde vestro. Sicut etiā Moyses
- Deut. 4. ad hanc similem sententiam: Quum quæsieris Dominum Deum tuum, inuenies eum, subiūgit: Si tamen toto corde quæsieris, & tota tribulatione animæ tuæ: Vt videlicet sciamus illius promissi: Quærite & inuenietis etē sensum nō esse, q. oēs, quocūq; modo quæsierint, inueniēt: sed demū qui toto corde quæsierint. Qualiter sanè rarus est qui se soiat quærere. Item illa Esaia, sentētia: Anteq̃ clamēt ad me, exaudiā eos: nō iuxta Brentij dogma designat Deū iam dedisse id, pro quo postea orandus est: sed Deū exaudire iustorū desideria internasq; preces, etiam priusquā eū labijs inuocēt: & iustos exauditos, etiā dū se exauditos nō putāt. Quēadmodū Dñs Moyse super mare rubrū dicit: Quid clamas ad me? hoc est, Quid oras cū iā obtinueris quod petijsti? Huic Esaia
- Exod. 14. loco conformis est ille: Frange esurienti panē tuū, & egenos vagosq; induc in domū tuā. Cūm videris nudum, operi eū, & carnē tuā ne despexeris. Tunc erumpet quasi manē lumē tuū, & sanitas tua citius orietur, & anteibit faciē tuam iustitia tua, & gloria Dñi colliget te. Tunc inuocabis, & Dñs exaudiet:
- Esaia 58. clamabis, & dicet, Ecce adsū. Itē ille, Filios aduenæ qui adhærent Dño vt colant eū, & diligant nomen eius, vt sint ei in seruos: omnē custodientē sabbatum ne polluat illud, & tenentem fœdus meū: adducam eum in montem sanctū meū, & lætificabo eos in domo orationis meæ: holocausta eorū, & victimæ eorū placebūt mihi super altari meo. Ita vt ex tribus prophetis, Moyse, Esaia, & Hieremia constet, Dñm orationis precium etiā ex personæ dignitate estimare: & nō tantūm (vt mentitur Calvinus) propter fidem, sed etiam ob hominū bona opera. Id
- Esaia 56.



quod & illa Psalmistę verba satis indicāt: Aures dñi in preces iustorū : Deprecationē timentū se exaudiet, & illud Iacobi : Multū valet deprecatio iusti assidua: Apertissimē verō quod ait Dñs: Si manseritis in me, & verba mea invobis māserit: quodcūq; volueritis, petetis, & fiet vobis. Vbi vt Itelligas qd sit: Manere in Christo, & qd verba eius in aliquibus manere, subiūgit: Si pcepta mea seruaueritis, manebitis in dilectione mea. Quę verō illa sint pcepta, explicat quod cōnectit: Hoc est pceptū meū vt diligatis inuicē sicut dilexi vos. Vnde etiā ipse Ioānes in epist. sua ait: Charissimi, si cor nostrū nō reprehenderit nos, fiduciā habemus ad Deū: & quicquid petierimus, accipiemus ab eo: quoniā mādata eius custodimus, & ea quę sunt placita corā eo, facimus. Et hoc est mādatū eius, vt credam⁹ in nosse filiū eius Iesu Christi: & diligamus alterutrū. Nā q; Caluinus conat vniuersa hęc scripturę loca eludere, quasi in eis nō diceretur orationē nostrā ab operibus bonis subleuari vt exaudiat, sed tantū ei annexa esse: & particulā: quia: apud Ioannē, nō causam sed accidēs inseparabile designare, puto sincero lectori magis esse ridiculū, q̄ vt in eo refutando nos velit hīc morari. maximē cū in ipsa prima pte Decalogi misericordiā polliceatur Dñs seruātū pcepta: & exēplū Ezechie regis, petētis orationē Esaie (q; ceteris iustior habebatur) siue alligātis inter orādū antea actę vitę suę merita, satis aliud sonet: Ipsęq; Christ⁹, nō soli⁹ fidei, sed & ieiunij rationē haberi voluerit, vbi eñciēdus est Demō: & Iosaphat dictū sit, Irā dñi mereraris, sed bona opera inuēta sunt in te: Deniq; de tribu Iuda scriptū reperiāt, ideo nō totā fuisse deletā, qā i ea sūt inēta opa bona. Nā dubiū nō est quin ob ea exaudiat oratio, ob quę cetero scitur de⁹ pccere nobis. Quare longē aliter, meliusq; q̄ Caluinus ait Ambrosius: Perfecti precatōres in delictis maximis sunt requirendi. Nam si quicunque de populo

Psal. 35.

Psal. 143.

Iac. 5.

Ioan. 15.

1. Ioan. 3.

Deut. 5.

Esaie 38.

Matth. 17

2. Para. 19

2. Para. 15

Lib. 10. de

pomi. c. 9.

## ERRORIS CIRCA ORATIONEM,

**1. Ioan. 5.** orant, nō exaudiuntur. Vnde Ioannes: Qui scit fratrem suum peccare peccatum non ad mortem, peccat, & dabit illi vitā De⁹, qā nō peccat ad mortē. Est peccatū ad mortē, nō de illo dico vt oret. Nō enim ad Moysen & Heliam loquebatur, sed ad populum qui suorum peccatorum alium peccatorem deberet exhibere. Cui satis est si pro leuioribus delictis Deū precetur: grauiorum veniam iustorum orationibus referuādum putans. Idem alibi: Si grauium (inquit) peccatorum diffidis veniam, adhibe precatores, adhibe Ecclesiam quæ pro te precetur: cuius contemplatione quod tibi Dominus negare possit, ignoscat. Sed pauca hæc nunc sufficiant. amplius infrā ostendemus omnium Sanctorum Patrū dictis contrarium esse, solam fidem respici à Deo in exaudienda oratione.

In 5. cap.  
Lucæ,

*Non omnes, qui ignota sibi lingua Deum precantur, hypocritas esse.*

CAP. IX.

**A**ddit deinde Monhemius: Requiritur vt non oremus eo sermone quem non intelligamus: nec orē tantū, sed animo & corde. Iram enim Dei aduersus nos prouocamus, cū summis dūtaxat labris precamur. Hoc etenim est sacrosancto eius nomine abuti, eiusq; maiestatem ludibrio habere. Nam sic per Dauidem dicit: Populus iste me ore accedit, & labris suis honorat: animus autē eo rē procul abest à me. Non dubiū est quin orandus sit De⁹, iuxta Apostolū, & spiritu, hoc est, pia volūtate & mēte, hoc est, intelligēdo qd petatur. Si orē (inquit) līgua, spūs meus orat: mēs autē mea sine fructu est. Quid ergo est? Orabo spiritu, orabo & mente: psallam spiritu, psallām & mente. Attamen, qui verbis quæ pia esse nouit, sed non intelligit, orat Deum, verē orat, Nā, vt dicit Apostolus, spiritus eius orat.

Quem-

Quemadmodum tempore veteris legis fructuosè offerebant sacrificia, qui duntaxat nouerant ipsa sacrificia esse signa sancta: non intelligentes quid significarent. Fructuosè item in templo veteri affuit populus, cum sacerdos intraret sancta sanctorum, tamethi foris existens non videret nec intelligeret, quid ibi ille ageret. Nec illi, de quibus scriptum est: Populus hic labijs me honorat, cor autè eorū longè est à me, redarguuntur quòd verba quæ non intelligerent, recitarent: sed quòd non amarent quæ intelligebant, corde amoreq; alijs intenti. Plærique sunt christiani, nec ipsam orationem dominicam, etiam si vernacula lingua eam recitent, omnino intelligentes. Absit tamen vt eos hypocritas, vel hoc modo orantes, Deum offendere dicamus. Si fortè Monhemius, quod ait, eos iram Dei prouocare, qui summis duntaxat labris precantur, non ad eos retulit qui inter orandum sermone sibiipfis ignoto vtùtur, sed ad eos tantùm, qui ore & non corde precantur: non contra eum erit hæc annotatiuncula.

Aug. li. 3.  
de doctr.  
christ. c. 8.

Esa. 29.

# De inuocatione

## SANCTORVM.

*Eos aduersari communioni Sanctorū, qui Sanctos inuocandos esse negant.* CAPVT I.

**I**N eodem dialogo hebetibus argumentis oppugnat Monhemius fundatissimū catholicæ ecclesiæ ritum, quo sanctos cū Christo in cælo agentes inuocat, vt pro se orēt. Vnde clarè ostēdit quomodo sanctā ecclesiam scindere, & Sanctorū communionem velut disrumpere nitatur. Quæ enim maior Ecclesiæ disruptio esse potest, quàm eā quæ

B iij

in ter-



# PRO INVOCATIONE

in terris peregrinatur, separare ab ea quę cum spon-  
 so suo supernę securę iam viuunt (sicut Abraham,  
 Isaac, Iacob & Lazarus): hęc militantem, ę regnāte  
 cum Christo: homines fideles, ę societate angelorū  
 sanctorū: vsq; adeo vt nec miseri foelicibus sese iam  
 commendare queant? Credamus, iuxta Apostolicū  
 Symbolū, Ecclesiam esse sanctorū communionem.  
 Non dubitemus quin ad eam pertineant angeli san-  
 cti, Apostolo dicente: Accessistis ad Sion montem,  
 & ciuitatem Dei viuentis, Hierusalem cōlestem, &  
 multorum milium angelorum frequentiam, & Ec-  
 clesiam primitiuorum qui conscripti sunt in cōlis,  
 & iudicem omnium Deum, & spiritus iustorū per-  
 fectorum, & testamenti noui mediatorem Iesum,  
 Non ambigamus, eos quoq; esse membra Christi,  
 qui peregrinantur ę corpore & pręsentes sunt ad  
 Dominum. Et proinde magna cum fiducia ab eis  
 membrorum officium, vt pro nobis orent, posca-  
 mus: more omnium sanctorum Patrum qui nos  
 pręcesserunt ad Dominū. Surdisq; auribus ad Cal-  
 uini ( Monhemij magistri) blasphemias pręterea-  
 mus, vbi ait: Dum mortuos ę nostro contubernio  
 subduxit Dominus, nullum nobis cum illis reliquit  
 commercium, ac ne illis quidem nobiscum, quan-  
 tum assequi licet coniecturis. Augustinum verō au-  
 diamus pię veretq; dicentem: Hoc bonum (Deo vi-  
 delicet adhærere) quibus commune est, habent &  
 cum illo, cui adhærēt, & inter se societatem san-  
 ctam, & sunt vna ciuitas Dei, eademq; viuum sacri-  
 ficiū eius, viuūq; templū eius. Cuius pars  
 coniungenda immortalibus angelis ex mortalibus  
 hominibus congregatur, & nūc mortaliter peregri-  
 natur in terris: vel in eis, qui morte obierūt, secretis  
 animarū receptaculis, sedibusq; regescit. Rursum:  
 Regnauerūt cū Iesu mille annis (aīę scilicet mar-  
 tyrum) nondū sibi corporibus suis redditis. Neque  
 enim

Heb. 12.

Institut.  
 cap. 15. pa-  
 ragr. 18.

Li. 20. de  
 ciuit. Dei  
 cap. 9.

Idem lib.  
 20. cap. 9.

enim piorū animæ mortuorū separantur ab Ecclesia, quæ etiā nūc est regnū Christi. Alioquin nec ad altare Dei fieret eorū memoria in cōmunionē corporis Christi: nec aliqd prodesset ad eius in periculis baptismum currere, ne sine illo finiatur hæc vita: nec ad recōciliationē, si fortè per pœnitentiā malamve cōscientiā quisquā ab eodē corpore separatus est. Cur enī sūt ista, nisi q̃a fideles etiā defuncti mēbra eius sunt? Quamuis ergo cū suis corporibus nondū sunt, iam tamē eorū animæ regnāt cū illo, dū isti mille anni decurrūt. Vnde in hoc eodem (scilicet Apocalypsis) libro & alibi legitur: Beati mortui qui in Dño moriūtur, amodo iam etiā dicit spiritus, vt requiescāt à laboribus suis: nā opera eorū sequūtur illos. Regnat itaq; cū Christo nūc primū Ecclesia in viuis & mortuis. Propterea enī, sicut dicit Apostolus, mortuus est Christus, vt & viuorū & mortuorū dominetur. Sed ideo tātūmodò martyriū animas cōmemorauit, quia ipsi præcipuè regnāt mortui, qui vsq; ad mortē pro veritate certauerūt. Sed à parte totū, etiā cæteros mortuos intelligimus pertinentes ad Ecclesiā, quod est regnum Christi. Hæc August. Ipsa quoq; beneficia, quæ viuis præstant gloriosi martyres, attendamus. Equidē satis cōuincunt esse falsum (quod affirmat Calvinus), nullum eis nobiscum esse commercium. Scriptura denique aliud docet, dicens: Qui vicerit, faciā illum columnam in templo Dei mei: & foras nō egredietur amplius. (Tantum quippe de ijs hoc dicit, qui vsq; in finem vitæ perseuerauerint: sicut antea præmittit: Tene quod habes, ne alius accipiat coronā tuam.) Quomodo enim Sancti post hanc vitam columnæ sunt in tēplo Dei, nisi q̃a p̃cibus suis ac meritis posterorū fideles sustētant? Sicut à Dño eis promissum est in Decalogo. Faciā, inq̃t, misericordiā in multa milia his q̃ diligūt me, & custodiūt præcepta mea.

Apoca. 14

Rom. 14

Apoca. 3.

Deute. 5.

PRO INVOCATIONE

*Inuocationem Sanctorum non aduersari cultui Dei: & friuola esse Monhemij argumenta, quæ contrarium nuntantur asserere.* CAP. II.

**S**ed ad Monhemium accedamus. Quærit pater: Num beati qui vitam agunt in cælo, sunt inuocandi? Respondet filius. Inuocatio nõ potest sine fide fieri. Fides autem non aliò tendit quàm in patrẽ cælestem per Christum Iesum Saluatorem nostrum, & vnicum mediatorem. Apostolus enim dicit, Quicumq; inuocauerit nomen Domini, saluus erit. Quomodo inuocabunt eum in quem nõ credunt? Respondemus totidem verbis dici posse: Inuocatio non potest sine fide fieri. Fides non aliò tendit q̃ in Deum per Christum, Igitur nec viui homines sunt inuocandi vt pro nobis orẽt. Cui tamen sententiæ apertè scriptura sacra repugnat, dũ Apostolus eos ad quos scribit, obnixè rogat vt pro se orent: et si splendide mentiri non vereatur Artopæus, dicens Apostolum tantum Deum per Christum inuocasse. Sicut igitur in his viuis hominibus friuola est Monhemij ratiocinatio, ita & in sanctis iã cũ Christo in cælo regnantibus. Fides non tendit necessariò in eum cuius homo orationẽ implorat. Homo enim in seipso nõ ponit fidem suam, dũ ipse orat. Ac ex consequẽti nec in alio, cuius preces suis cupit adiungi. Illud verò apostolicum, Quomodo inuocabunt eũ in quem non credũt? nequaquã significat eũ solũ inuocandũ in quẽ fide christiana creditur. Ex eo enim quod præcedit, Omnis qui inuocauerit nomen Domini saluus erit: repetendum est Domini: vt sit sensus, Quomodo inuocabunt eũ Dominũ, cui nõ crediderũt? Sicut in sequẽtibus: Quõ credet ei quẽ non audierunt? Quõ verò audient sine prædicatẽ? Quõ verò prædicabũt nisi mittatũr? Non enim significatur, q̃ nemo credat proximo, vel audiat proximum absq; prædicatione legatorũ Dei, sed quòd

Rom. 15.  
Heb. 13.

Rom. 10.



sed quòd nemo credat in aliquem velut in Dominum suum & saluatorem, nec audiat eum legitime annūciari, nisi per prædicationem missorum à Deo. Sentit itaq; Apostolus nō posse eum vt Dominum & Saluatorem inuocari: in quem prius non creditur. Secunda ratio Monhemij hæc est; *Deinde pater noster celestis quia nos diligit, vult & exigit, vt se in nostris necessitatibus inuocemus, nec ferre potest vt se neglecto alios imploremus, cum nemo sit qui melius nobis velit, & salutem nostram propensius curet.* Vera sunt hæc Monhemi. Et ideo quisquis sanctus inuocetur Deo neglecto, prorsus est detestabilis inuocatio. Cæterū qui sanctū orat, vt pro se apud Deū intercedat, Deum non negligit. Quinimò, eo ipso, quo id fieri exoptat, Deum orat: tātumq; abest vt Deum negligat, vt etiam secum alium Dei precatorem imploret. Sicut enim is Deum non negligit, qui solito feruentius orare vult. Imò verò quo feruentius orat, eò magis diuinam gratiam ambit: Ita etiam Deum non negligit, qui eum sua oratione & alienam Deo offerri vult. quin potius feruentius & maiori cū reuerentia eum inuocat. Narrat Lucas Centurionem Capharnaitam misisse ad Christum amicos, & seipsum non æstimasse dignum qui ad Christum ipse accederet. An ergo putabimus eum Christū neglexisse? Minimè. Christus hanc erga se reuerentiā, hanc humilitatem, qua Centurio sese Christi conspectu iudicabat indignū, qua alios mittēbat ad Christum (Christo, vt arbitrabatur, gratiores) tātī fecit, vt diceret: Nec in Israel tātā fidem inueni. Vnde Matthæus audacter dixit, Centurionem accessisse ad Christum. quia scilicet (interprete Augustino) fidelissima humilitate ipse magis accessit quā illi quos misit. Hinc illud propheticum: Excelsus Dominus & humilia respicit, Vtiq; tanquam accedentia. Non igitur Deum negligere dicendus est qui à sanctis

Luc. 7.

Matth. 8.  
De sancta  
virginit.  
cap. 32.  
Plal. 112.

# PRO INVOCATIONE

1. Reg. 7.

Iob 42.

petit vt pro se orent Dominum . An Deum negligebant Israelite, quando dicebāt Samueli: Ne cesses pro seruis tuis clamare ad Dominum? An Deum negligebant amici Iob, dum Iob orabant vt pro se oraret Dominum? Imò verò hoc agentes, Dei exequiebantur praeceptum . Pulcherrimè venerabilis Beda, quod de Centurione Capharnaita Lucas habet, mysticè tractans : Et nos (inquit) qui de gentibus credimus, nō ipsi ad dominū venire possumus quem nunc in carne videre nequaquam valemus, Sed quicūq; passionēs nostrae seruitutis agnouim⁹, ad residētem in dextera patris iam per fidem accedere debemus, iam seniores Iudaeorū mittere, hoc est, summos ecclesiae viros, qui nos ad Dominū precesserunt, suppliciter obsecrando patronos acquirere: Qui nobis testimonium reddentes quòd diligamusecclesiam, & quantum in nobis est aedificare curemus, pro nobis apud Dominum nostrorūq; peccatis intercedant. Tertia ratio Monhemij.

*Præterea nos si illum dilexerimus, non poterimus præter ipsum innocare quenquam, vel angelorum vel hominum. Cum quo enim potius de rebus nostris adflictis conquiremur quàm cum patre nostro quem vnicè diligimus? Quid est quod ais Monhemi? Si cum nullo liceat conquiri de rebus afflictis nisi cum patre nostro, certè communicationem sanctorū, qua sese mutuò consolantur, suasq; misérias sibi mutuò exponunt, planè tollimus . Si dilectio Dei requirit, vt à nullo præterquam à Deo auxilium petamus, vbi est officium membrorum sibi mutuò succurrentium? Vbi est oratio Apostoli Romanos obsecrantis & alios christianos, vt pro se orarent? Quarta Monhemij ratio. Ad hæc potissima pars cultus Dei est innocatio; igitur soli Deo debetur, Iuxta illud dictum Christi: Dominum Deum tuum adorabis & illum solum coles.*

Rom. 15.

Hebr. 13.

Math. 4.

In hoc scripturæ loco non dicitur: Solum Deum inuoca-

inuocabis. Nec honorem soli Deo debitum ad homines transtulit Apostolus Romanos orans. Cæterum, si nomen, Inuocatio, putes Monhemi in solum Deum competere, de voce non contendimus. Tantum cupimus non neges, sanctos cum Christo agentes orandos. Tametsi etiam ipse Cicero dixerit: Sociorum subsidium inuoco, Et in scriptura nostra (iuxta 70. interpretes & Hieronymum) dicatur nomen patriarcharum inuocatum super posteros eorum, & nomen mariti super vxorē. Hinc Augustinus, tractans illa verba Iacob: Et inuocabitur in eis nomen meum & nomen patrum meorum: Vnde (inquit) notandum est, non solum exauditionem, sed etiam inuocationem dici aliquando quæ non Dei, sed hominum sunt. Vnde certè constare potest, non solum Deum inuocari posse iuxta scripturas. Nobis interim (qui de verbis non agimus) suffecerit, bene & creaturas à nobis orari. Illud verò: Soli Deo seruias: quod Monhemius vertit, Solum Deum coles: de ea seruitute & cultu, qui soli Deo debetur, intelligitur. Quauis enim nomen, seruitus, & ei seruituti qua hominibus seruitur, & ei qua Deo famulamur, conueniat, ratione tamen plurimum differunt vna ab altera: sicut & cultus honorque parentum, à cultu & honore Dei, tametsi nomine vno ac eodem nuncupentur, diuersissimi sunt. Vsu autem sanctorum doctorum, gratiæque distinctionis, Latria seruitutem soli Deo debitam designat. quanquam non negārim, quin interdum æquè sit generalis, vt latina vox, seruitus. Hinc clarum est, cum scriptura dicit, Soli Deo seruias, non de quauis seruitute mentionem fieri (cum & à Spiritu sancto, in scriptura nobis iubeatur, vt dominis atq; parētibus nostris seruiamus) sed de peculiari aliqua, quā nefas sit alicui alij deferre; Vt nō magis hīc tollatur cultus sanctorum

Rom. 15.

Esaiæ 4.

Lib. 1. locutionum  
de Genesi  
circa cap.  
48. Gen.



## P R O   I N V O C A T I O N E

rum cum Christo uiuentium, quàm parentum cul-  
tus & seruitus dominorum.

*Sanctos non inuocari velut Christi patrociniū non su-  
ficiat, sed vt patrociniū Christi debitè imitāmur.*

### C A P V T   I I I .

Cap. 12.

**O** Bicit pater: Sed quid faciendum, cum nemo ho-  
minū dignus sit qui se Deo representet, ac in eius  
conspēctum sine patrono & aduocato prodeat, ip-  
sumq; corā appellet? Respondet filius: Ipse cælestis pa-  
ter, vt ab hac perturbatione nos liberaret, quæ alioquin ani-  
mos nostros sollicitaret, filium suum Iesum Christum nobis  
impertiuit, qui apud ipsum nobis sit aduocatus et mediator,  
vt tali patrono nixi, ad ipsius thronū tutò accedere liceat.  
Nec nos dubitamus quin per Christum, patronum,  
aduocatū, & mediatorē, accessum habeamus ad pa-  
trem. Per eum enim spiritum precum, iuxta Zacha-  
riam, accipimus: Per eū nostra incredulitas adiuua-  
tur: & nostræ preces, tum ob tepiditatem, tum ob  
orationis indignitatem dignæ repelli, ad Deum ad-  
ducuntur, atq; exaudiuntur. Deniq; per eum, quod  
petimus, obtinemus. Non nisi per Christi gratiam  
orationem habemus. Non nisi per eum debitè ora-  
mus. Per eum solum, quod in oratione per distracti-  
onem & frigiditatem peccati committitur, ignosci-  
tur. Per eum vnum, quod oratione petitur, oranti  
donatur. Per mediatorem Christum datur oratio:  
per aduocatum Christum ipsa patri commendatur,  
eiusque interpellatione imperfectio eius aboletur.  
Sed sicuti nos oramus pro nobis, vt quod petimus,  
obtineamus per Christum, & vt per eum nostra te-  
pida oratio, ex se indigna exaudiri, exaudiat (sicut  
Cyprianus lib. 4. epistol. 4. ait: Primò, inquit, ip-  
sum Dominum orare, tum per ipsum Deo patri sa-  
tisfacere debemus) nullo tamen pacto volentes no-  
bis ven-

bis vindicare officium Christi aduocati vel mediatoris, sed duntaxat eius officij fieri participes: Ita cū more Apostoli, pro Corinthijs, vt nihil mali facerent, orantis, pro fratribus nostris oramus, nō prætendimus vt Christi aduocati mediatorisve officiū, nobis vel ex parte vendicemus, sed cupimus eos pro quibus precamur, huius officij Christi fieri participes. Ergo similiter, dum aliorū, vel angelorum, vel sanctorum hominum, siue in cœlis, siue in terris agentium, preces pro nobis Deo fundi postulamus, hoc tantū ideō petimus, vt ipsi agant pro nobis quod nos ipsi pro nobis rectē agimus: nempe vt rogent Christum, quō nostras preces, imperfectas & frigidas, sua eis adiuncta interpellatione à tepore liberet, Deoq; acceptas reddat, & quod petimus impetret. Quemadmodū (exempli causa) paralyticus, qui à quatuor hominibus gestabatur, credebat in Christum, sed fortasse frigidius quā vt Christus eam eius fidem fuisset respecturus. Accessit autem & portantium fides. Horum quinque fidem vidit Christus. Quid opus pluribus? Nonne & ipse Christus dixit: Si duo consenserint super terram, de omni re quam petierint, fiet illis à patre meo? Si adeo insignem facit promissionem duorum dūtaxat orationi, quid non largietur vbi multi consenserint? vbi pro ratione addit, quōd in medio eorum sit, qui in nomine suo congregati sunt. Ergo dum sancti in cœlo agentes, preces simul fundūt cum hominibus pœnitentibus, Christus est in medio eorum, ac preces exaudit. Atq; hæc est promissio quam quærit Artopæus: qua promittit Deus exaudire, dum sanctos comprecatores adhibemus. Studium itaq; nostrum in hoc est, cū alterius preces flagitamus, vt plurium vnā orantium preces exaudiat Dominus. Propheta Hælianus interpellatus à tribus regibus, Iosaphat, Ioram, & rege Edom, dicit se non fuisse

Math. 18.

4. Reg. 3.

respon-

# PRO INVOCATIONE

- responsurum nisi affuisset Iosaphat. Dominus amicis Iob dixit se exauditorium Iob pro eis orantem.
- Cap. 149. Hinc Augustinus, tractans illud Exodi: Sine me ut irascatur furor meus: Ille (inquit) ibi sensus in promptu est, quod his verbis significat Deus plurimum apud se prodesse illi populo, quia sic ab illo viro diligebatur, quem sic Dominus diligebat: Ut eo modo admoneremur, cum merita nostra nos grauassent ne diligamur à Deo, releuari nos apud eum illorum meritis posse, quos Deus diligit. Nam cum ab omnipotente dicitur homini: sine me, & contera eos, quid aliud dicitur quam contererem eos nisi diligerentur abs te? Ita ergo dictum est, sine me, ac si diceret: Noli eos diligere & conteram eos. quia ne id faciam, dilectio tua in illos intercedit mihi. Obtemperandum autem esset Domino dicenti, Noli eos diligere, si hoc iubendo dixisset, & non potius admonendo & exprimendo quid illum ab eorum supplicio reuocaret. Et cap. 108: Iubet Dominus (inquit) ea vela cooperiri pellibus arietinis rubricatis. Aries autem rubricatus cui non occurrat Christus passione cruentatus? Significantur his etiam martyres sancti, quorum orationibus propitiatur Deus peccatis populi sui. Hæc Augustinus. Et antiquitus sanctis semper moris fuit, dum orarent, allegare merita sanctorum præcessorum suorum: quia suis orationibus non fidentes, orationem meliorem dignioremque fore reputabant, si per aliorum merita Christus rogaretur, ut suo merito eam subleuaret. Recordare (inquit orans Moyses) Abraham, Isaac, & Iacob seruorum tuorum, quibus iurasti per te ipsum etc. Non enim habetur ab orante solummodo ratio diuinæ promissionis, verum etiam obedientiæ pietatisque personarum. Sicut & Abraham propter obedientiam eius, facta est promissio. Per me ipsum iuraui (ait Dominus) quia fe-
- Idem.
- Exod. 32.
- Genes. 22.



quia fecisti hanc rem, et non pepercisti filio tuo unigenito propter me, benedicam tibi, & multiplicabo semen tuum sicut stellas coeli, & veluti arenam quae est in littore maris: possidebit semē tuū portas inimicorū suorū, & benedicetur in semine tuo omnes gētes terrae, quia obedisti voci meae Rursum, Num celare potero Abraham quae gesturus sum, cum futurus sit in gētem magnam & robustissimam, & benedicendae sint in illo omnes nationes terrae? Scio enim quod praeepturus sit filiis suis & domui suae post se, ut custodiant viam Domini, & faciant iudiciū & iustitiā: ut adducat Dominus propter Abraham omnia quae locutus est ad eum. Quid apertius dici potuit, ad docēdum propter pietatē Abraham, complenda fuisse quae ei locutus fuerat Dominus? (Tametsi pactum hoc, de mittendo semine Eug quod caput antiqui serpentis contereret, omnem obedientiam ac omnia pacta postea cum Abraham vel Davide inita praecesserit: nec ob cuiusquā meritum in oculis Dei praecedens, Deus homo factus sit.) Rectē igitur cum causam assignat scriptura cur Deus noluit disperdere posteros David, nunc pactū cū Davide initū cōmemorat: Noluit (inquiēs) Dñs disperdere domum David propter pactū quod inierat cū eo: & quia promiserat ut daret ei lucernā & filiis suis omni tempore: nunc verò obedientiam eiusdē Davidis: Propter David dedit illi Dominus Deus suus lucernā in Hierusalē, ut suscitaret filios eius post eum, & statueret Hierusalem: eo quod fecisset David rectū in oculis domini, & non declinasset ab omnibus quae praeeperat ei, cunctis diebus vitae suae, excepto sermone Vriæ Hethei: Aliās verò vtrunq; simul, & Dei pactum, & Davidis meritum commemorat. ut Esaias 19. cap. 4. Reg: Protegam, inquit, urbē hāc, & saluabo eam propter me & David seruum meum. Commemorant, inquam,

Genes. 18.

Genes. 3.

2. Paral. 21

3. Reg. 15.

Sancti

# PRO INVOCATIONE

Sancti peculiare hoc Dei pactum, quod cum Abraham & David initum est, nec hoc quidem tantum, sed etiam, idque frequenter, promissionem illam Deuter. 5. calogo annexam, qua pollicetur Deus se facturum misericordiam in multa milia, siue in mille generationes, his qui seruant praecepta sua. Moyses Exod. 34. Salomon 3. Reg. 8. Ieremias 32. Daniel. 9. Nehemias 2. Esdrae 1. & 9: Vbi intelliguntur, cum hoc pacto allegare simul obedientiam, & pietatem patrum piorum, ut illorum intuitu parcere velit Dominus peccatis eorum & patrum impiorum. An autem putarunt hi sancti viri, sese hac ratione derogare gloriae venturi seminis Abraham, a quo omnis benedictio expectabatur? Non puto. Hos imitatur ecclesia Christi, cum sanctorum precibus ac meritis petit a Deo iuari. Non igitur putandum est Christi Ecclesiam adhibere sanctos patronos, veluti Christi patrocinium & intercessio insufficiens esset ijs, qui per Christum patrem accedunt, vel quasi sancti sint mediatores aut aduocati Christo subsidiarij, & partem aliquam officij eius occupantes: sed potius, ut se ex parte nostri, qui conciliadi sumus, teneant, quod sic faciliorem per Christum ad patrem accessum nostrum sentiamus: & ut Christus per eos & nos simul, inuocatus, facilius nostras preces, frigidas nimium, dignetur sua comendatione acceptas Deo patri reddere. Nam quemadmodum propriam humilitatem, fidem, & orationem adhibemus, ita & alienam. Porro, si re penitus velimus intelligere, magnum hic est ecclesiae catholicae mysterium: quae veluti columba vna, & vidua vna, gemitibus inenarrabilibus postulat pro sanctis, hoc est christianis: Non quod vnus oratio sit inenarrabilis gemitus, sed quia ex omnibus omnium gemitibus efficitur vnum veluti corpus orationum, quod ascendat ad Deum. Hac ratione ecclesia, mater nostra Hierusalem, ve-

sem, veluti altera Sara parit Deo filios promissionis. Sola quippe est per quam sacrificium Dominus libenter accipit, sola quæ pro errantibus fiducialiter intercedit. Hæc ecclesiasticæ vnionis mysteria tollit, quisquis sanctos siue hic, siue cū Christo viuentes implorare, vt ipsi quoq; pro nobis orent, malū esse asserit: Sicut sanctorū pro se mutuò orationē tollit, quisquis putat Christi aduocati & mediatoris gloriæ ab eis detrahi, qui sanctos cōprecatores sibi adhibent. Detrahit enī æquē Christo, is qui pro alio orat, si ille detrahit qui alium pro se orare cupit.

Greg. lib.  
35. moral.  
cap. 6.

*Sanctorum inuocationem non aduersari vnico mediatori Christo.*

## CAPVT IIII.

**S**exta ratio Monhemij: Cum Christus vnicus sit constitutus à Deo patre mediator, cuius intercessionē vult nobis esse propitiū & exorabilis, profectō qui hunc deserunt, ijs nullus accessus ad Deum superest. Nec quicquā à Deo præter inam, iudiciū, ac terrōrē cōsequētur. Fatemur & nos graue esse peccatū, relicto Christo mediatore velle ad patrē accedere. Oratio enim (inquit Aug.) quæ nō fit per Christū, non solū nō potest delere peccatū, sed etiā ipsa fit in peccatū. Cæterū, qui sanctos implorāt, vt pro se orent, Christū nō magis derelinquunt, quā Centurio orās amicos vt Christum pro se adirent: Non magis quā Paulus, dū precaretur Romanos vt pro se orarent. Animaduertendū itaq; est, quōd si Paulus hoc sensu Christum diceret vnicū mediatorē, quasi nullius intercessio, nullius oratio pro altero apud Deū reciperetur nisi Christi (sicut argumentatio Monhemij pretendit,) consequēs erit, nec sanctos angelos, nec hic viuentē pro alijs posse orare, ac proinde, nec ipsum, pro alijs debuisse orare ne Christi mediatoris officium inuaderet, Quod vtrumq; etiam Monhemio fatente, contrariū est scripturæ. Quapropter

In Psal.  
mū 108.

C non hoc



PRO INVOCATIONE

non hoc sensu dicitur Christus vnicus mediator, tanquam vnicus ipse esset pro alijs orator. quo autem, ex Apostolo videamus.

*Explicatur germanus sensus illius : Vnus mediator Dei etc.* CAPVT V.

Act. 19.

Colof. 2.

In eundē locum.

Cap. 19. & 22.

Quæstioe 61. super Genes.

**D**icit Apostolus (in epistola ad Timotheū episcopum Ephesiorum, qui in Actis leguntur dediti fuisse Magiæ) vnicum esse mediatorē, omnium redemptorem : Confutans eos qui apud Ephesios magica sectabantur, & docebāt angelos esse mediatores & recōciliatores ad Deū, nō autem Christū. De qualibus et ad Colossenses (qui etiam Asiani erant) mētionem facit. Nemo (inquiens) vos seducat, volens in humilitate et religione angelorū. Vnde Chrysost. Sunt, inquit, nonnulli qui dicunt non oportere per Christū reconciliari, & ad patrem accedere, sed per angelos. Et hęc est causa, cur Apostolus, peculiariter in epistola ad Ephes. tam diligēter inculcet accessum ad patrem per Christū. Vnde etiam Ioannes in Apocalypsi, Asianis scripta, velut induens, & in se facto atq; opere transfigurans personam eorū, qui putabant dēmones adorādos, eisq; sacrificandum, quia quædam nuncia suis cultoribus à summo Deo, tanquā mediatores sese afferre persuadebant, bis voluit angelū, qui ei mysteria ostendebat, adorare, sed statim prohibitus est. Ac ita, more prophetarū, ipso opere docuit Ioannes, solū Deū summo hoc honore colēdū. Subiicitq; Ioānes, Christum sequi omnes exercitus cœlorū, & mittere angelos cui voluerit. (Quanquā Augustinus putet talem apparuisse angelum, vt pro Deo posset adorari, ideoq; corrigendū fuisse adoratorē.) Hunc autē angelorū cultū propagārat Simon Magus : teste Epiphanio. Simon, inquit, nomina quædam supponit  
princi-

principatuum & potestatum, cœlosq; diuersos tradit: & in vnoquoq; cœlo virtutes quasdam exponit, & nomina barbarica his indit. Nō posse verō aliter seruari aliquem, nisi hunc mysticum ductū didicerit, & alia sacrificia patri vniuersorum per eos principatus ac potestates offerre. Sumpsit autem Simon hæc ex Platonis, tradentibus demones esse colendos tanquam mediatores ad Deum. Quod patet ex Augustino, latè ideo contra eos differente, lib. 9. & 10. de ciuit. Dei, & epist. 21. & 22. ad Longinianum. Hæc est igitur causa, cur vnicum mediatorē tradat Apostolus. Porro in ipsa particula, Mediator Dei & hominum, valde notatos fuisse iudaizantes, infra patebit: si primū admonuerimus quōd hoc nomen, Mediator, ab Apostolo sumptum sit, & Christo tributū, ex historia Exod. 20. & 24. & Deuter. 5. & 19. descripta. Cum enim populus Israel ex terribilibus, iisq; conspicuis signis diuinæ præsentiae in monte Sina, prorsus esset perterritus, omninoq; pauore concussus, dixerūt Moyse: Loquere tu nobis, & audiemus: nō loquatur nobis Dominus, ne forte moriamur. Tunc dixit Dominus ad Moysen: Audiui vocem verborum populi huius quæ locuti sunt tibi: bene omnia sunt locuti. Quis det eos talem habere mentem: siue (vt 70. legunt) quis dabit sic esse cor illorum in ipsis, vt timeant me, & custodiant vniuersa mandata mea in omni tempore? quasi diceret Dominus: Maiestatem meam non ferunt, Te intermediū inter se & me cupiunt: & promittūt se omnia facturos quæ tu ex me annunciaueris. Bene quidem loquuntur: bona & pulchra sunt verba, sed cor non respondet. Verè nullus est vel angelorum, vel hominum, qui sic queat inter me & homines medius esse, vt det eis tale cor, vel talem mentem, qua faciant mandata mea. Tunc adiecit Dominus, promittens talem mediatorem:

Exod. 20.  
Deut. 5.

Deut. 18.

PRO INVOCATIONE

**Deut. 18.** Prophetā suscitabo eis de medio fratrum suorum, similem tui, & ponā verba mea in ore eius, loqueturq; ad eos omnia quæ præcepero illi, hoc est, sic eis loquetur vt timeant me, & obseruent præcepta mea. Hic videre licet manifestam promissionem, quòd Christus futurus esset mediator inter Deum & homines: qui homines rebelles, Deo subiectos & obsequentes redderet, Deumq; propitium ex irato, & quòd nullus hominum vel angelorum id posset. Cyrillus de hac re agens, lib. 1. dialogorum, aliam adducit mediatoris figuram, nempe Aaron orātem pro populo intereunte. Et hoc consonat nono capiti epistolæ ad Hebræos, vbi dicitur Christus noui testamenti mediator in redemptionem præuocationum: Vt Aaron fuerit figura Christi peccata commissa remittentis per mediationem suam, Moyses verò figura Christi prout mediat ad hoc vt legem impleamus. sicut in epistola ad Galatas dicitur lex ordinata per angelos in manu mediatoris: vt scilicet auxilio mediatoris impleatur, non auxilio angelorū. Igitur in epistola ad Timotheum, mediator Christus dicitur inter Deum & homines, quia Deo homines reconciliat: eum placando super peccatis cōmissis, & promerendo hominibus spiritum quo Deo deinceps obediāt. Tangit ergo Apostolus eos, qui propria peccata & infirmitatem non agnoscetes, Deum audent sine vllō mediatore accedere, confidentes in externa quarūdam cæremoniārum obseruatione, per eas putantes se Deum placare: sicuti legem iam cognitā se arbitrabantur suis viribus posse implere. Ex dictis iam manifestum est, sanctos angelos atq; homines, dū pro alijs orant non esse mediatores eo modo quo Christus: tum quia non placant Deum per semetipsos, tum etiam quòd non promereātur nobis spiritum obedientię per seipsos. Si verò quia pro nobis orāt dicantur



dicantur mediatores, non tamen dicendi sunt mediatores Dei & hominum, sed potius (si sic loquendum sit) mediatores ad mediatorē. Quicquid enim petit angelus sanctus vel homo, id à Deo per mediatorem Christum petit, non per semetipsum: vti Christus. Vnde Bernardus: Opus est (inquit) mediatore ad mediatorem Christum. Nec alter nobis utilior quàm Maria. Et Cyrillus similiter, Prophetas & Apostolos mediatores vocat. Deinde nemo est præter Christum, qui pro omnibus Deo conciliandis mediet. Nemo ergo præter Christum est mediator Dei & hominū, omnium scilicet qui mediatore egent. Ex his duabus rationibus: nempe quòd mediator ad Deū, immediatè Deum debeat accedere, & pro omnibus intercedere, docet Augustinus solum Christum esse mediatorem. Pro quo (inquit) nullus interpellat, sed ipse pro omnibus, hic vnus verusq; mediator est. Rursum: Oratio pro inuicem membrorum omnium adhuc in terra laborantium, ascendat ad caput quod præcessit in cælum: in quo est propitiatio pro peccatis nostris. Nam si Paulus esset mediator, utiq; & coapostoli eius, ac sic multi mediatores essent, nec ipsi Paulo constaret ratio qua dixerat: Vnus mediator Dei & hominū. Si autem nomine mediatoris intelligas intercessorem qualemcunq;, manifestum est plurimos esse mediatores. Deinde & hoc notandum, In voce mediatoris duo cōtineri. Primum est officium mediationis, quod est reconciliare discordes: ac iusti quidem mediatoris est ita reconciliare, vt qui causam iustam fouebat, à iure suo non decidat: qui verò iniquam, ad iustitiam redigatur. Sic Dominus Christus inter patrem suum & humanum genus intercessit, pacemq; composuit: vt & diuinæ iustitiæ sit satisfactum, & iniquus homo ad iustitiam sit conuersus. Secundo inuoluitur in voce mediatoris, quòd vtriq;

C iij

discor-

Ser. vii. de  
assumpt.  
B. Marię.  
Lib. 12.  
thezauri  
cap. 10.

Lib. 1. cō-  
tra epist.  
Parmenia  
ni cap. 8.

discordantium sit propinquus, similis, & aliquantulum distet. Si enim omnino vnum sit cum altero, tenet se tantum ex parte illius, nec mediat. Si verò omnino ab utroque distet, iam non poterit coniungere discordes. In quibus verò Christus cum hominibus conveniat, & distet à Deo: & in quibus item ab hominibus distet conveniens cum Deo, post Hilarium, Ambrosium, Augustinum, Cyrillum, Leonem, luculenter explicat Fulgentius. Idcirco (inquit) mediator, quia idem Deus atque homo verus, habes unam cum patre divinitatis substantiam, & humanitatis unam cum matre substantiam. Habes ex nobis usque ad mortem iniquitatis nostrae poenam, habes incommutabile de Deo patre iustitiam. Propter iniquitatem nostram temporaliter mortuus, propter iustitiam suam & ipse vivus semper, & immortalitatem mortalibus largiturus. Qui perfectam quidem humanitatem suam in ipsa divinitatis suae perfectione servavit, veritatem verò mortalitatis nostrae per susceptionem mortis veritate atque incommutabilitate suae immortalitatis absorbit. Hec Fulgentius. Dicta sint haec pro intellectu scripturae Paulinae, ex qua falso statuunt haeretici sanctos cum Christo agentes non orare pro nobis.

*Impertinentia allegare Monhemium: Et sanctos, ea parte qua sancti sunt, non opus habere intercessionem Christi.*

C A P V T V I.

**A**llegat Mōhemius verba Ambrosii. Ipse Christus est os nostrum per quod patri loquimur, Oculus noster per quem patrem videmus: dextera nostra per quam nos patri offerimus: Quae nos gratissimè confitemur. Sed et si Christus os nostrum sit, per quod patri loquimur, tamē Apostolus absque iniuria Christi cupiebat, ut Romani pro se orarent: ut videlicet ipse & Romani unam orantes, per Christum veluti os suum patri loqueretur. Et si, inquā, Christus oculus,

& os,

Cap. 2. II.  
de fide ad  
Petrum.

Lib. de  
Isaac &  
anima c. 8

Rom. 15.

& os, & dextera nostra rectè dicatur ab Ambrosio: audet tamen Apostolus etiā mēbris ecclesię officiū oculi & manus tribuere, nulla cum Christi iniuria. Imò in eodē libro ipsemet Ambros. nō veritus est dicere, etiā per angelos nos Deo loqui, siue orationes nostras per eos recitari ipsi Christo. In Apocal. (inquit) legimus, quod ascēdit fumus incensōrū ex orationibus sanctorū, quæ incensa referuntur per angelū, Sanctorū orationes .s. super altare illud aureū, quod est antē sedē. Sed q̄ disertē Monhemij sententiā euertat Ambros. infrā manifestū euadet. Addit deinde Monhemius: *Nisi Christo intercedente, nec nobis, nec sanctis quicq̄ cum Deo est.* (Et hoc ex Caluini Institut. cap. 15. para. 15. hausit.) Quis autē hoc neget? Clarū est, q̄ nunc nemo hominū, vel angelorū Deū oret nisi per Christū, caput hominū, & angelorum: & q̄ absq̄ mediatore nullus hominū Deo gratus effectus sit. Verūtāme sancti angeli Deo placēt, etiā absq̄ Christi intercessionē, nec (vt delirat Artopæus) Christo patrono nobiscū opus habēt. Non enim angelos apprehendit Christus (inquit Apost.) sed semen Abrahę: nec pro eis qui nō peccauerunt se redēptorē dedit, sed pro impijs: nec Dei & angelorū, sed Dei & hominū est mediator: nec angeli in Apocalypsi, hominū more, agnū vt redēptorē suū glorificāt. Ad hęc, viderūt faciē Dei, priusquā Christus mortuus esset. Non enim pro eis mortuus est Christus, inquit, Aug. quāquā & eorū secundū humanā naturā caput sit ac rector. Et cum animę sanctorū iā plenē iustę sint, etiā citra Christi intercessionē eas Deo placere fatēdū est: sicut & bona opera nostra quæ ex Christo habemus, Deo placēt citra aliquā intercessionē. Vnde Christus dicebat Apost. suis (dū de ijs loqueretur ex ea parte, qua per spiritū sanctū iustificati erāt, ampliūsq̄ in die Penthecostes iustificādi): Et nō dico vobis, quōd ego rogabo pa-

1. Cor. 12.

De Isaac  
& anima.

Apoc. 8.

Hebr. 2.

Enchir.  
cap. 61.

Ioan. 16.



Aug. de  
spiritu &  
lu. ca. 25.

trem de vobis. Ipse enim pater amat vos, quia vos  
me amastis, & credidistis; quia à Deo exiui. Inter  
Deum enim & homines nil nisi peccata separât. Iu-  
stitia ergo mediatore & intercessore nō indiget, sed  
ea tātū ratione homo intercessione opus habet, quā  
vel peccatū habet, vel peccati effectū. Obijcit sibi  
Monhemius id, quo certē omnia priora eius argu-  
menta euincūtur: Viuos scilicet in hoc mūdo rectē  
orare pro viuis, absq; iniuria vnici mediatoris: vnde  
nimirum manifestē cōsequitur nec iniuriā esse me-  
diatoris, si angeli, & Sanctorū spiritus Deū precētur  
pro nobis. Ita verō respondet ad hoc argumentum,  
vt dicat orare quidē debere viuos pro viuis, tanquā  
pro mēbris suis, & sese mutuis orationib; cōmēda-  
re: ac ideo id mediatoris vnici officio nō aduersari,  
quia orationes hominū hīc viuētū ad caput Chri-  
stū ascendūt: hāc autē omnia non cōpetere sanctis,  
in cōelo iam cū Christo agentibus nō ostēdit. Quos  
tamē esse etiam cōmembra nostra, pro nobis solici-  
ta, & orationes eorū vnā cū nostris ad caput Chri-  
stum ascendere, nemo pius dubitauerit

*Augustinū docuisse, inuocandos esse sanctos. CAP. VII.*

**C**Itat Augustinū Monhemius, dicētē Christū  
esse vniciū mediatorē dei et hominū, quia ip-  
se pro omnibus, & nullus pro ipso orat. At  
nec id negamus. Verū eodē loco Aug. docet petere  
orationes hominū hīc viuētū: nec per hoc putat  
inuadi officiū mediatoris Christi. Ergo similiter ni-  
hil vnici mediatoris officio aduersatur oratio, seu  
inuocatio, sanctorū in cōelo cū Christo agentium.  
Quia verō Parmenianus Donatista (contra quē agit  
Augustinus) putabat sacerdotē bonum cōferre gra-  
tiam sacramentorum, malū autē, quos baptizaret,  
polluere: ostendit Augustinus, plebem securam esse  
per Christū aduocatū et mediatorē, etiā si episcop⁹,  
vel sacerdos, malus sit. An inquit, propterea dicunt

Donati

Donatistæ: Deus peccatores non audit: sed si quis Deū colit, & volūtatē eius facit, hūc audit, vt intelligatur malus episcop⁹ nō exaudiri, cū pro populo rogat? Quod etsi ita esset, nō ideo tamē popul⁹, si bonus atq; fidelis est, sollicit⁹ esse deberet. Securos enī illos facit illa scriptura, quæ ait: Fratres hæc scribo vobis, vt nō peccetis. Et si qs peccauerit, aduocatū habemus apud Patrem, Iesum Christum iustum: & ipse est propitiatio pro peccatis nostris. Sed, Monhemi, quid tibi cum Augustino, qui eius auctoritatem omnibus modis niteris infringere? Vtinam pro sua dignitate abs te reciperetur: qui sic in libro, quem de cura pro mortuis gerenda vocauit, scribit: Non video quod sit adiumentum mortuorum prouisus sepeliendis corporibus apud memoriam Sanctorum locus, nisi ad hoc, vt dum recolunt vbi sint reposita eorum quos diligunt corpora, eisdem Sanctis illos tanquam patronis susceptos apud Dominum adiuuandos orando commendent. Et infra: Cū recolit animus, vbi sepultum sit charissimi corpus, & occurrit locus nomine martyris venerabilis, eidem martyri animam dilectam commendat recordantis & precantis affectus. Qui cū defunctis à fidelibus charissimis exhibetur, eum prodesse non dubium est his, qui cū in corpore viuerent, talia sibi post hanc vitam prodesse meruerunt. Et alibi: Beatus Cyprianus (inquit) iam corpore quod corrumpitur non aggraunte animam, nec depri-mēte terrena in habitatione sensum multa cogitantem, serenius perspicit veritatem, quam meruit adipisci per charitatem. Adiuuet itaque nos orationibus suis, in istius carnis mortalitate tanquam in caliginosa nube laborantes, vt donante Domino, quantum possumus, bona eius imitemur. Et in 17. sermone de verbis Apostoli: Habet (inquit) Ecclesiastica disciplina, quod fideles nouerunt, cum mar-

Cap. 8. libri 2. contra Parmenianū.

1. Ioan. 3.

Cap. 4.

Idem.

Lib. 7. de bapt. cōtra Donat. cap. 1.

Idem.

Cap. 8.

Phollis e-  
rat genus  
nummi.

Lib. 22. de  
ciuit. dei,  
cap. 10.

tyres eo loco recitantur ad altare Dei, vbi non pro  
ipsis oretur, pro cæteris autem commemoratis de-  
functis oretur. Iniuria est enim pro martyre orare,  
cuius nos debemus orationibus commendari. Item  
lib. 22. de ciuit. Dei: Florentius (inquit) ad viginti  
martyres clara voce vt vestiretur orauit. Audierūt  
eū adolefcētes, qui fortē aderāt irrisores, eūq; disce-  
dentem exagitātes prosequēbātur, quasi qui à mar-  
tyribus quinquagenos pholles, vnde vestimentū e-  
meret, petiuisset. Ecce loci ex libris qui certō sunt  
Augustini: vbi docet, & approbat, compellare san-  
ctos in cœlo cū Christo agentes, vt nos Deo orādo  
commendent: quales Artopæus (vt est temerarius)  
dicebat in Augustino non reperiri. At Artopæus  
obijcit, Augustinum dicere, quōd martyres à sacri-  
ficante non inuocantur: ac proinde, cū sacerdotis  
precatio sit totius populi precatio, (vnde & colle-  
ctæ nomen accepit) neminem tempore Augustini  
solitum inuocare Sanctos. Respondeo. Dum sa-  
crificat sacerdos, neminem in ipso sacrificio præter  
vnū deū, cui soli debetur sacrificiū, inuocat. Interim  
dū sese vnā cū populo ad sacrificium parat, tunc &  
mutuis orationibus, & cœlestibus ciuibus se com-  
mendant. Non enim tantū tunc orabatur, quādo  
à sacerdote Collecta legebatur: cū oratio fiat circa  
Offertorium, nulla sequente Collecta. Quid ergo  
aduersarijs in hac re cū Augustino? Quid prætextu  
authoritatis viri catholici atq; doctissimi, ita hoībus  
fucum pro suo errore faciunt?

*Explicantur Chrysostomi verba, peruersè à Monbemo  
allegata: quōd ipse docuerit Sanctos cum Christo agen-  
tes inuocandos.* CAP. VIII.

**S**imilis farine est, quōd Chrysostomū allegat ex  
sermone de profectu Euāgelij. Ibi Chrysost. de  
ijs agit, qui dū diuitijs nō affluunt, per quas di-  
uitum more alios ad orandū pro se inducāt, despe-  
rare inci-



rare incipiūt. Vnde inferiūs dicit: Licet soli sumus,  
 & intercessoribus careamus: ne deficiamus orādo:  
 ne despōdeamus animū. Et in ipsismet verbis quæ  
 citat Monhemius, Nō opus, inqt, tibi discursu mul-  
 to, vt blandiāre alijs. Quæ verba manifestè cōpetūt  
 in hoīes mortales: quos vt nobis conciliemus, vel  
 discursu, vel blādimētis sepe opus est. Dū verò adij-  
 cit, deū nō tā facile audire, cū aliq̃ pro nobis orāt, vt  
 cū ipsimet orāmus: cōparat eos qui pro seipsis soli-  
 citi nō sunt, & alios interim pro se precatores adhi-  
 bēt, cū ijs qui soli pro se orāt. Hi utiq̃ Deo lōgē il-  
 lis sunt gratiores, faciliūsq̃ exaudiuntur. Porro  
 quō ea quæ citasti, dicat Chrysostomus, ex alijs locis  
 didicisses, Monhemi, si ei aliqd tribueres. Homilia  
 enim 5. in Matthæū sic scribit: Etiā si Abrahā patri-  
 archa pro his supplicet, qui in suis vitijs permanēdo  
 immedicabiliter egrotāt, abibit Deus, relinqūes ro-  
 gantē, ne vocē pro talibus interuenientis exaudiat.  
 Nō igitur quasi oscitātes & desides ex aliorū meri-  
 tis pēdeamus. Habēt enī vim pro nobis, & qdē ma-  
 ximā, orationes supplicationesq̃ Sanctorū: sed tunc  
 profectō, cū nos quoq̃ idipsum per pœnitentiā po-  
 stulamus, & ad studia meliora confugimus. Similia  
 habet & i Genesim. Apertissimā verò (sup Sāctorū  
 inuocatiōe) sentētiā suā, pfert populo Antiocheno.  
 \* Et Christus, inqt, discipulos suos etiā tūc postq̃  
 obierūt, effulgere fecit. Quid dico discipulos? Nā &  
 eorū loca & sepulchra, simul & tēpora perenni me-  
 moria celebrari curauit. Tu verò mihi sepulchrū o-  
 stendas Alexātri, & profer diē, quo vitā finiuit. Sed  
 nihil horū insigne. Sed oīa destructa sūt, & extermi-  
 nata. Christi verò seruorū & sepulchra clara sunt,  
 regiā affecuta ciuitatē, & dies notissimi, mundo fe-  
 stam afferētes lētitiā: Et illius (Alexandri) quidē lo-  
 culū & ppriū nesciūt. Horū autē sciūt & barbari. Et  
 seruorū crucifixi sepulchra regijs aulis sūt clariora:  
 non

In 1. cap.  
Matth.,

Hom. 43.  
in cap. 19.  
Genes.  
• Ho. 66

## PRO INVOCATIONE

non magnitudine, & ædificiorum pulchritudine, (nam & in hoc quidam superant), sed quod multo maius est, conuenientium studio. Nam & ipse, qui purpuram indutus est, accedit illa complexurus sepulchra, & fastu deposito stat Sanctis supplicaturus, ut pro se apud Deum intercedant, & scenarum fabrum, & piscatorem, etiam mortuos, ut protectores orat, qui diademate redimitus incedit. Hæc ille. Viden Artopee hic à Chrysostomo plusquam: græci: de Sanctorum, non mortuorum, sed cum Christo in cœlis uiuentium inuocatione dici. Quæ & ipsi Theologi Colonienses fol. 212. adduxerant, sed (ut perfrictæ frontis es) ausus es dicere, ne græci quidem de hac re ab eo dici.

*Explicatur Ambrosij sententia: quidq; clarè docuerit,  
inuocandos esse martyres.* CAP. IX.

**S**imili artificio adducitur Ambrosio inscriptus commentarius, in caput primum epistolæ ad Romanos, contra ipsiusmet loci sententiam. Agit enim apertè de idololatriis, de quibus & Apostolus. Solent (inquit) pudorem passi neglecti Dei, misera uti excusatione, dicentes, per istos posse ire ad Deum, sicut per comites peruenitur ad regem. Agè, nunquid tam demens est aliquis, aut salutis suæ immemor, ut honorificentiam regis vendicet comiti, cum de hac re, si qui etiam tractare fuerint inuenti, iure ut rei damnentur maiestatis? Et isti se non putant reos, qui honorè nominis Dei deferunt creaturæ, & relicto Domino conseruos adorant, quasi sit aliquid plus quod reseruetur Deo. Nam ideo ad regem per tribunos aut comites itur, quia homo utique est rex, & nescit, quibus debeat Rempublicam credere. Ad Deum autem (quem utiq; nihil latet, omnia enim merita nouit) promerendum, suffra-

suffragatore non opus est, sed mente deuota. Hæc cōmentarius. Quod si eam rationem cōmentarij illius contra Sanctorum cum Christo agentium inuocationem detorqueas, cur non & contra orationes hominum adhuc hīc viuentium, quas à se mutuò postulant, quasq; pro se mutuò fundunt? Audi ergo verba, quæ certò constat esse Ambrosij: Rogauerunt (inquit) pro vidua Petrus & Andreas. Vtinam existat aliquis, qui tam citò possit rogare pro nobis, vel certè iste, qui pro socru rogat Petrus, & Andreas frater eius. Tunc enim pro affinitate poterant, nunc iam possunt pro nobis, & pro omnibus impetrare. Videtis enim, quod magno peccato obnoxia minus idonea sit, quæ pro se precetur, certè quæ pro se impetret. Adhibeat igitur ad medicum alios precatores. Ægri enim, nisi ad eos aliorum precibus medicus fuerit inuitatus, pro se rogare nō possunt. Infirma est caro. Mens ægra est, & peccatorum vinculis impedita: ad medici illius sedem debile non potest explicare vestigiū. Obsecrandi sunt angeli pro nobis, qui nobis ad præsidium dati sunt: martyres obsecrandi, quorum videmur nobis quodam corporis pignore patrociniū vendicare. Possunt pro peccatis rogare nostros, qui proprio sanguine, etiam si qua habuerunt peccata, lauerunt. Isti enim sunt Dei martyres, nostri præsules, speculatores vitæ actuumq; nostrorū. Non erubescamus eos intercessores nostræ infirmitatis adhibere, qui & ipsi infirmitatem corporis etiā cūm vincerent cognouerunt. Et in Lucam: Mortuis regibus (inquit) in perpetuum martyres regnū, cœlestis gratiæ honore succedūt: & illi sūt supplices, hi patroni. Rursum: Vnde (inquit) te euocem Petre, vt doceas me quid flens cogitaueris: Vnde, inquā te euocem? De cœlo, vbi iam choro insertus es angelorū: an etiam de tumulo? Quia non putas iniuriā & ibi esse, vnde Dominus

Libr. de  
viduis.

Lib. 10. in  
Lucam in  
cap. 21.  
Lib. 10. in  
Lucam in  
cap. 22.



PRO INVOCATIONE

Dñs resurrexit. En aperta verba, quibus Ambrosius Sanctos & docet inuocandos, & ipsemet inuocat. Tametsi enim priora ex lib. de viduis, etiam ipsi Colonienses citassent, fol. 216: nō veretur tamē impudenter & mendacissimē exclamare Artopæus fol. 133: *Quosnam inuocandos docuit Ambrosius? Quibus verbis? Ecquid pudet?* Prudentij Christiani poetæ verba adijcienda sunt: quia luculenter & iucundē admodū indicant, quid eius tēpore (qui Ambrosio synchronos fuit, floruitq; circa annum Dñi 370) de hac re senserit tota Ecclesia: cuius ritum describebat.

In hymno martyri Hemiterii & Cheledonii Calaguritani.

Sic autem scribit in libro de coronis Martyrum:

*Illitas cruore sancto  
Nunc arenas incole  
Confrequentant obseruantes  
Voce, votis munere.  
Exteri necnon & orbis  
Huc colonus aduenit.  
Fama nam terras in omnes  
Præcucurrit proditrix.  
Hic patronos esse mundi,  
Quos precantes ambiant.  
Nemo puras hinc rogando  
Frustra concessit preces,  
Letus hinc ter sis reuertit  
Supplicator fletibus:  
Omne quod iustum poposcit  
Impetratum sentiens.  
Tanta pro nostris periculis  
Cura suffragantium est,  
Non sinant inane ut ullus  
Voce murmur fuderit,  
Audiunt statimq; ad aurem  
Regis æterni ferunt.*

Inde

Inde larga fonte ab ipso  
 Dona terris influunt,  
 Supplicum causas petitis  
 Quae medelis inrigant.

Nil suis bonus negauit  
 Christus vnquam testibus.

Et i fine hymni de s. Laurétio, sic martyre alloquitur:

Quae sit potestas credita,  
 Et muneris quantum datum,  
 Probant Quiritum gaudia,  
 Quibus rogatus annuis.

Quod quisque supplex postulat,  
 Fert impetratum prosperè,  
 Poscunt, litantur, indicant,  
 Et tristis baud vllus redit.  
 Ceu praesto semper adsies,  
 Tuosq; alumnos vrbicos  
 Lactante complexus sinu  
 Paterno amore nutrias.

Hos inter ô Christi decus  
 Audi & poëtam rusticum,  
 Cordis fatentem crimina,  
 Et facta prodentem sua.

Indignus (agnosco, & scio)  
 Quem Christus ipse exaudiat,  
 Sed per patronos martyres  
 Potest medelam consequi.  
 Audi benignus supplicem  
 Christi reum Prudentium,  
 Et seruientem corpori  
 Ablue vinclis seculi.

Item in fine hymni de martyre Eulalia:

Ista comantibus è folijs  
 Munera virgo, puerq; date,  
 Ast ego ferta cboro in medio

Nota.

Texta se-

PRO INVOCATIONE

Texta feram pede dactilo,  
Vilia, marcida, festatamen.  
Sic venerarier ossa libet,  
Ossibus altar & impositum,  
Illa Dei sita sub pedibus  
Prospicit hæc, populosq; suos  
Carmine propitiata fouet.

Insuper & in fine hymni de sancto Vincentio:

Adesto nunc, & percipe  
Voces precantum supplices,  
Nostri reatus efficax  
Orator ad thronum patris.  
Per te, per illum carcerem  
Honoris augmentum tui,  
Per vincla, flammæ ungulas,  
Per carceralem stipitem.  
Per fragmen illud testæum,  
Quo parta creuit gloria,  
Per quem tremantes posteri  
Exosculamur lectulum.  
Misereve nostrarum precum,  
Placatus ut Christus suis  
Inclinet aurem prosperam,  
Noxas nec omnes imputet.  
Si ritè solennem diem  
Veneramur ore, & pectore,  
Si sub tuorum gaudio  
Vestigiorum sternimur.  
Paulisper huc tu inlabere  
Christi fauorem deferens:  
Sensu grauati ut sentiamus  
Lenamen indulgentiæ.

In hymno quoque de martyre Cassiano, sic sibi  
ædituum



redituum loquentem inducit:

*Suggerere si quod habes iustum, vel amabile votum,  
 Spes si qua tibi est, si quid intus aestuas.  
 Audit, crede, preces martyr prosperrimus omnes,  
 Ratasq; reddit, quas videt probabiles.  
 Pareo, complector tumulum, lachrymas quoq; fundo,  
 Altar te pescit ore, saxum pectore.  
 Tunc arcana mei percenseo cuncta laboris,  
 Tunc quod petebam, quod timebam murmuro,  
 Et post terga domum dubia sub sorte relictam,  
 Et spem futuri fortè nutantem boni.  
 Audior, urbem adeò, dextris successibus utor:  
 Domum reuertor, Cassianum prædico.*

*Itē in descriptione passionis Hippolyti martyris:  
 Mira loci pietas, & prompta precantibus ara,  
 Spes hominum placida prosperitate iuuat.  
 Hic corruptelis, animiq; & corporis aeger  
 Oraui quoties, stratus opem merui,  
 Quòd letor reditu, quòd te venerande sacerdos  
 Complecti licitum est, scribo quòd hæc eadem,  
 Hippolyto scio me debere, Deus cui Christus  
 Posse dedit, quod quis postulet, annuere.*

Hæc Prudentius. Alia plura (quæ habet in carmine de martyribus Cæsaraugustanis: in carmine de martyribus Tarraconensibus: & cùm de sancta Agnete scribit) hic recensere omitto, ne æquò prolixior videar. Ad Paulinum, Nolanum Episcopum, veniam, qui Prudentio contemporaneus fuit, eademq; quæ ille, de hac re scripsit, tam carmine, q̃ prosa. Sic enim suo Seuero scribēs de quodā sancto presbytero, nomine Claro, dixit:

*Clare sub æterna pace beatus agis.*

*Hæc peccatorum bonus accipe vota rogantum.*

D

*Vt scis*

## PRO INVOCATIONE

*Vt sis Paulini Therasiæq; memor.  
 Dilige mandatos interueniente Seuero:  
 Quos ignorasti corpore sic meritos.  
 Vnanimi communis amor sit fomes vtriusq;  
 Perpetui summo fœderis in domino.  
 Non potes implicitos diuellere, si trabis vnum,  
 Vnus adhaerentem quò rapitur rapiet.  
 Ergo indiuiduos pariter complectere fratres,  
 Vtq; sumus sic nos dilige participans.  
 Sic Deus acciuit: sic nos Martinus amauit:  
 Sic & tu pariter Clare tuere pares.  
 Non meritis sed amore pares, tu sancte valebis,  
 Exorare pares & meritis fieri.  
 Si cum Martino socia pietate labores:  
 Vt vincant vestra crimina nostra preces.  
 Et simul in vestri ducamur sorte, Seueri,  
 Vestraq; nos semper protegat ala sinu.*

Et epistola 13. ad eundem: Salutamur, inquit, te tantum, quantum diligimus in Domino, & adhuc desideramus. Nam reuellere de animis nostris spem istam necdū possumus, qua præsumimus te videndum amplectendumq; nobis, dono Domini, in sede ac sinu domini mei communis patroni Felicis, cui vota tua totiens contestatus sum, & promissa recitavi, quotiens à te mihi cauta reminisceris. Si fefellimus martyrem veritatis, non opiner me solū statuendum huius culpæ reum, qui spopodi quod credidi. Tu queso mi frater vnanimè & dilectissime, dū tempus est videas, ne tanto confessori tam potentis gratiæ apud Christum sancto isse videaris inficias.

Si cui hæc nō sufficiāt, plura q̄rat apud eundē in panegyrico de puero Celso: & in carminib<sup>9</sup> de Felice.

*Idem ex Irenæo, Hilario, Basilio, & Nazianzeno.*

CAPUT X.

Et ne

**E**T ne fortè paucorū doctōrū putes esse sententiā,  
 Sanctos vt pro nobis orent esse inuocandos,  
 his adiungam & alios . Irinæus martyr Episcopus  
 Lugdunensis, scriptor celebris, & peruetustus, libro  
 5. contra hæreses sic dicit: Sicut Eua seducta est, vt  
 effugeret Deū: sic Maria suasa est obedire Deo, vt  
 virginis Euæ Maria virgo fieret aduocata. Hila-  
 rius: Sed neq; desunt (ait) stare volentibus Sanctorū  
 custodiæ, neq; angelorum munitiones. Et infra: Ac  
 ne leue præsidium in Apostolis vel patriarchis ac  
 prophetis, vel potius in angelis, qui Ecclesiam qua-  
 dam custodia circumsepiunt, crederemus, adiectum  
 est: & Dominus in circuitu populi sui ex hoc & vsq;  
 in seculū. Sed fortè Apostolorū vel angelorū cu-  
 stodia sufficiens existimetur. Verū id qdē est: Sed &  
 Moysen audiam°. Nāq; cū ei Dñs dixisset: Ecce an-  
 gelus me<sup>o</sup> antecedit te, & ille respōdit: Nisi tu me-  
 cū ambulaturus es, ne me expellas hinc. Bonū qdē  
 p̄sidiū angeli, sed melius Dñi. Floruit autē Irenæus,  
 nōdū à Christi incarnatione lapsis ducētis annis, q  
 dicit Deiparam esse Euæ aduocatam: & Cyprianus  
 (cuius tempore, dicit Nazianzenus, deiparam fuisse  
 inuocatam) circa annum ducentefimum quinquā-  
 gesimum. Quod ideo annotandum duxi, vt lectōri  
 pateat, impudens Brentij mendacium, dicentis:  
*Manifestum est, quod post Christum natum nec Apostolorū  
 temporibus, nec annis post plusquā trecentis, inuoca-  
 ti sint mortui in Ecclesia: Cū Basilus, Hilarius, Na-  
 zianzenus, Hieronymus, Chrysostomus, intra tre-  
 centos annos ab Apostolorum temporibus vixe-  
 rint. Basilus inquit: Beneficium hoc, fratres dile-  
 ctissimi, gratiam hanc minimè deficientem, ex Deo  
 obtinemus. Paratum est hic Christianis auxilium,  
 Ecclesia videlicet martyrum, exercitus triumphan-  
 tium, chorus laudantiū Deū. Sæpè operā dedistis,  
 sæpè laborastis, vt vnū p̄ vobis orantē inueniretis.*  
 Quadraginta sunt hi, vnā orationis emittētes vocē.

In psal.  
124.

Exod. 32.

Serm. in  
40. mar-  
tyres.



PRO INVOCATIONE

Matth. 18

In ferm.  
f Maman-  
tem mar-  
tyrem.

Gregori<sup>9</sup>  
Nazian-  
zenus.

Vbi enim sunt duo vel tres in nomine Domini con-  
gregati, ibi Deus est. Vbi verò quadraginta fuerint,  
quis dubitet Deum esse præsentē? Qui aliqua pre-  
mitur angustia, ad hos confugiat: Qui rursus læta-  
tur, hos oret. ille vt à malis liberetur, hic vt duret  
in rebus lætis. Et alibi: Memores estote martyris,  
quotquot illo per somnia potiti estis, quotquot in  
hoc loco constituti adiutorem ipsum ad precandū  
habuistis, quibuscunq; ex nomine aduocatus ipsis  
adfuit operibus, quotquot aberrantes ad viam re-  
duxit, quoscūq; sanitate restituit, quibuscunq; pue-  
ros iam mortuos ad vitā reductos reddidit, quot-  
quot vitæ terminos prorogauit. Collectis in vnum  
his omnibus ex communi symbolo, martyri enco-  
mium construite. Accedat his Gregorius Nazi-  
anzenus theologus, ex oratione 14 in Cyprianum:  
Virgo, inquit, quædam ad stuprum sollicitabatur,  
virginem Mariam rogauit, vt periclitanti virgini  
opem ferret, vicitq; virgo. In fine quoq; orationis  
ipse Cyprianum inuocans: Tu verò, inquit, nos ab  
alto propitius respice, nostrumq; sermonem ac vi-  
tam dirige, & sanctum ouile hoc pasce, aut vnā  
rege, ac reliqua quantū possibile est, ad meliora di-  
spone, molestosq; lupos syllabarum, & verborū ve-  
natores illos abige: ac sanctæ trinitatis, cui nunc  
astas, splendorem, nobis perfectiorem & clariorem  
gratificare. Similiter & in alijs orationibus Athana-  
sium atque Basilium inuocat.

al. m. 2

etiam qd

1773

*Nazianzenum citra tropum inuocasse sanctos: & non  
dubitaſſe, quin noſtras preces cognoſcant. CAP. XI.*

**R**idiculum autem est quod comminiscitur in  
confessione VVirtenberg. cap. de inuocatio-  
ne sanctorum Brentius, per prosopopeiam  
ab eo hæc dici: (qua possemus etiam cælum & ter-  
ram, cæ-

ram, cæterasq; omnes creaturas alloqui: quasi videlicet significarit, non se colere & precari sanctū Basilium, sed tantū exprimere inenarrabilem illum gemitum omnium creaturarum pro nostra salute): Sicut satis euidenter cōstat ex fine orationis, quam habuit in funere sororis suæ Gorgoniæ, vbi ait: Si tibi aliqua nostri sermonis est ratio, & hoc sanctis animis à Deo munus vt talia resciscant, suscipe nostrum sermonem multorum epitaphiorū loco, quē prius Cæsario, & tibi post illum persoluimus. Hæc enim verba significant, non propter illū gemitum, quem omnis creatura habeat, sanctos inuocari: sed ob peculiare donum quod à Deo habent, per gratiā eius. Non enim natura sua possunt animæ defunctorum preces nostras nosse: vti Gregorio Nazianzeno consonus Augustinus bene monstrat lib. de cura pro mortuis gerenda. Neq; verò dubitantis sunt hæc Nazianzeni verba, vbi vtitur vōcula: Si: sed maximè asserentis & vrgentis: Qualia illa Pauli ad Philemonē: Si habes me sociū, suscipe illū: Qualia itē illa: Si iudicatis me fidelē Dño esse, introite in domū meā, & manete, Et illa Pauli ad Thessalonicenses: Si tamen iustū est apud Deū retribuere et c, Vt interī mittā, grēcā vōculā *ei*, pro *o* *ti*, sēpe vsurpari à Græcis (si linguæ Græcæ peritissimo Guilhelmo Budæo credimus) sicut Latina, si, pro quia. Ipse Nazianzenus docet, & pronunciat audacter, in oratione 23. Sanctos nosse res mortalium. Athasius (inquit) in senectute bonā vitā finiuit, postquā multa certamina exantlauit, ab alto (rectē noui) res inspiciens nostras, manūq; porrigens ihs qui laborat pro bono: & tanto plus, quāto magis à vinculis est liberatus. Dubiumne remanebit post hæc verba, an Nazianzeni fuerit sentētia, q, Sancti cū Christo agētes noscāt nostras preces, nobisq; manū multo plus q̄ dum adhuc in corpore essent, porrigant?

*Nazianzenus.*

*Act. 16.*

*2. Thes. 1.*

*Idē ex Hieronymo & ex alijs mōstratur. CAP. XII*

**O**Rdine sequatur presbyter Hieronymus, Nazianzeni discipulus, in epistola quā cōtra Vigilantium hæreticū scripsit, dicens: Si viuunt Sancti, honesto iuxta te carcere non clauduntur. Ais enim vel in sinu Abrahamæ, vel in loco refrigerij, vel subter arā Dei animas Apostolorum & martyrum consedisse, nec posse suis tumultis, & vbi voluerint adesse præsentes. Senatoriæ videlicet dignitatis sunt, & non inter homicidas teterrimo carcere, sed in libera honestatē custodia, in fortunatorum insulis, & in campis Elysijs recludūtur. Tu Deo leges pones? tu Apostolis vincula iniicies, vt vsq; ad diem iudicij teneantur custodia, nec sint cum domino suo, de quibus scriptum est: Sequuntur agnum quocunq; ierit? Si agnus vbiq;, ergo & hi qui cū agno sunt, vbiq; esse credendi sunt. Et cū diabolus & dæmones toto vagentur in orbe, & celeritate nimia, vbiq; præsentes sint, martyres post effusionē sanguinis sui arca operientur inclusi, & inde exire non poterunt? Et infrā: De barathro pectoris tui cænosa spurcitiam euomens audes dicere: Ergo cineres suos amant anime martyrum, & circumuolāt eos, semperq; præsentes sunt, ne fortē si aliquis precator aduenerit, absentes audire non possint. O portentum in terras vltimas deportādum. Rides de reliquijs martyrum, & cum authore huius hereseos Eunomio Ecclesijs Christi calumniam struis, nec tali societate terreris, vt eadē contra nos loquaris, quæ ille contra Ecclesiam loquitur. Oēs enim sectatores eius basilicas Apostolorū & Martyrū nō ingrediūtur: vt scilicet mortuū adorēt Eunomiū. Hec scripsit Hieronymus, qui Vigilantiū blasphemiā, putantis nō posse ideo Sanctos inuocari, quia præsentes nō sunt inuocantibus, rectissimē refutat ex eo, quōd sancti, agni Christi potentia, etiā præsentes oratibus adesse possint: multo autē magis nosse preces ad se directas. Multū à Hie-

Apoc. 14

Idem.



ronymo laudatus ille Ephraem, sit & ipse nobis hac in re arbiter. Precamur (inquit) beatissimi martyres, qui pro Dño saluatore proq; illius charitate spöte & impigrè tormenta sensistis, atq; ideo familiaris Dño coniuncti estis, vt pro nobis miseris & peccatoribus & negligētiae squalore sordētibus, Dominū interpellare dignemini, vt superueniat in nos gratia Christi, quę corda nostra radio sanctę charitatis illu-  
stret, vt ipsum toto corde diligere possimus. Rursum eod. serm: Nūc ō beatissimi viri, ō gloriosissimi martyres Dei, me miserū vestris iuuante precibus vt in illa hora misericordiā consequar, quādo manifesta erūt occulta hominū. Et infra: Ego item imbecillis, accepto vestris meritis & precibus robore, cecini tota deuotione animi ante sanctas reliquias vestras, hymnū vestrę laudis & glorię. Pro me igitur misero āte thronū maiestatis assistite, vt vestris precibus saluari merear, ac vobiscū ęterna beatitudini perfrui. Sic ille. Maximus in natali sanctorum Nazarij & Celsi: Licet hic (Nazarius) Mediolanensiu peculiaris putetur priuilegio sepulchri, sed omnium est communione suffragij. Neque enim istius vrbs charitas proflua & fides auara tantum huic martyri derogauerit, dum sibi arrogat vt solūm erga menia sua patrociniū illius beneficia affutura esse crediderit. Non clauditur locis quod diffunditur meritis. Inuocasti vbiq; Martyrem, vbiq; te exaudit ille qui honoratur in martyre. Moderante itaq; eo qui pensat vota tua & dispēsat munera sua, intantū vicina p̄sentia efficacis p̄bebitur aduocati, inquātū fuerit fides deuota suscepti. Oratio enī quę castitatis, iustitię, eleemosynarū operib<sup>9</sup> adiuuatur, excedit mundū, penetrat paradysum, euolat vsq; ad ipsum summę maiestatis angelo conferente conspectum. Sicut quodam loco vox testatur angelica: Et cū tu (inquit) orares, ego obtuli

*Epbraē.*  
Serm. de  
laudibus  
S. Marty-  
rum.

*Maxim<sup>9</sup>*  
*episcopus*  
*Taurin*  
*ensis.*

*Tob. 12.*

D iij

oratio-

# PRO INVOCATIONE

- Fulgent.* orationem tuam in conspectu claritatis Dei. Hæc ille. Fulgentius sermone de laudibus Mariæ ex partu Saluatoris: Venite virgines, inquit, ad virginem, venite concipientes ad cōcipientem, venite parturientes ad parturientem, venite matres ad matrem, venite lactantes ad lactantem, venite iuenculæ ad iuenculam. Ideo omnes istos cursus naturæ virgo Maria in Domino nostro Iesu Christo suscepit, vt omnibus ad se confugientibus fœminis subueniret, Et sic restauraret omne genus fœminarū ad se venientiū noua Eva seruando virginitatē, sicut omne genus virorum Adam nouus recuperat Dominus Iesus. Similiter Gregorius lib. 3. Dialogorū cap. 24: Qua in re, inquit (hoc est, in apparitione B. Petri) qd idem B. Apostolus Petrus seruientibus sibi voluit, nisi præsentiā sui respectus ostendere? Qui quicquid pro eius veneratione agerent, ipse hoc pro mercede retributionis sine intermissione semper haberet. Et cap. sequenti: Quædā puella, inquit, paralytica in Petri Ecclesia permanens manibus repebat, & dissolutis renibus corpus per terram trahebatur. Petijt autem diu ab eo vt sanari mereretur, & sanata est. Hæc Gregorius. Bernardus, similis in hac re omnibus reliquis, postquam dixit hæreticos sui temporis, mortuos viuentium fraudare auxilijs, & viuentes sanctorū, qui decesserunt suffragijs spoliare, sic subdit: Viuetium preces & hostias, mortui, qui opus habebunt, & digni erunt, mediātibus percipient angelis, & eorum qui iam peruenerunt, viuētibz solatia nequaquā deerūt per Deū, qui vbiq; est, & in Deo nusquā charitatis affectu absentium.
- Cap. 7.* Postremò vniuersalis synodus sexta sic dicit: Solo Deo creatore adorato, inuocet christianus sanctos, vt pro se intercedere apud maiestatem diuinam dignentur. Hæc faciant quibus Basilicæ locus est in Basilica: qui verò in itinere, aut pro qualibet occasione
- Serm. 66. in cantic.*
- Bernar.*
- Dux vniuersales Synodi.*

fione in syluis aut agris est, vbicunq; eum ipsa hora matutina vel vespertina inuenerit. Item 7. Synodus: Cum Dei timore (inquit) omnia agamus, postulantes intercessionem incontaminatæ Deiparæ & semper virginis domine nostræ Mariæ, item sanctorum angelorum omniumq; sanctorum.

Aetione  
6. in fine.

*Sanctorum animas in cælo cum Christo agentes, nosse nostras preces ad se directas.* CAPVT XIII.

**S**ed contra hunc concordem patrum atq; adeo ipsius ecclesiæ christianæ consensum, obijciunt: Sanctorum animæ cum Christo agentes non nouerūt nostras preces, igitur non sunt inuocandæ. Si firma est hæc consequentia, cur non æquè ista: Sanctorum animæ rectè inuocantur à fidelibus, ergo fidelium preces noscunt. Antecedens suprà non tantum per Augustinum, verum etià per totius ecclesiæ consensum probauimus. Imò & eas audire nostras preces, non vnus inter eos asseruit. Cæterum videamus an ex scripturis id etiam queat deduci, sanctorum animas nosse preces ad se directas. Facile autem id persuaferimus, si primū ostenderimus ex scripturis, eas super homines hic viuētes iam accepisse potestatem, præfecturam, & regimen. Quæ enim, nisi ridicula, est præfectura, potestas aut regimē eius, qui subditos suos eorumq; negotia non nouerit? Sic autem scriptum est Apoc. 2. Qui vicerit, & custodierit vsq; in finem opera mea, dabo illi potestatem super gentes, & reget eas in virga ferrea, & tanquam vas figuli confringentur, sicut & ego accepi à patre meo. Hic Christus pollicetur vincēti falsam doctrinā & pseuerāti in bono ad vitæ finē vsq; potestatem super gētes, qua eas regat in virga ferrea, & velut fictilia vasa confringat, Qualem potestatem se accepisse dicit à patre suo. Quia verò Christus hic Psalmum secundum allegat, ad eum recurramus, videamúsq; quænam sit ista potestas.

Obiectio  
aduersa-  
riorum.

Respon-  
sio.

Postula



PRO INVOCATIONE

**Pſalm.2.** Postula (ait Pater ad filium) à me, & dabo tibi gētes  
hæreditatem tuam, & possessionem tuam terminos  
terræ. Reges eos in virga ferrea, & tanquam vas fi-  
guli confringes eos. En hîc dicitur, Christus dono  
patris, gentes suam hæreditatem, & possessionem,  
siue peculium pasturus, hoc est (vt rectè annotauit  
Hilarius) pastoraliter rectorus in virga firma, vel  
stabili sceptro, & eorū impietatem veluti fictile vas  
cōfracturus. Hoc & Apocalypſis 12. repetit Ioānes:  
verba secundi pſalmi cum verbis Danielis in prima  
visione de Christo prophetātis, cōiungens: vt vide-  
licet idē esse intelligamus illud: Rectorus erat om-  
nes gentes et c. cum eo quod habet Daniel: Omnes  
populi, tribus, & linguæ ipsi seruiant. Cap. 19. Apo-  
calypſis eadem verba eiusdem pſalmi cōiunguntur  
cum verbis Esaia ex cap. 63. desumptis: Vt illud re-  
gimen gentium intelligatur, quod Christus, dæmo-  
nibus superatis, & extinctis impijs, per suū sangui-  
nem in pijs gentibus obtinet. Cum ergo & sanctis  
vincentibus profunditates Sathanæ malæq; doctri-  
næ, & perseuerantibus in Christi fide & pietate, ta-  
le regimen sit promissum, idq; tunc concedendum,  
quando gentes pastoraliter regi possunt, & eorum  
prauitas confringi, ante resurrectionem nimirum &  
extremum iudicium: Cum item eis sit promissum,  
quod in regeneratione cū sederit filius hominis  
in sede maiestatis suæ, sedebunt super sedes iudican-  
tes duodecim tribus Israel: deniq; quod angelos &  
hunc mundum iudicabunt: mirum si nulla est eis  
iam cum Christo in cœlo agentibus potestas, iudi-  
cio misericordiæ nunc eos iudicandi, qui ad chri-  
stianam regulam, vitam suā instituere cupiunt: cū  
potestas eorū sit (iuxta verbum Christi) similis po-  
testati ipsius Christi saluatoris, qui lōgè pronior est  
in iudiciū misericordiæ, quàm iustitiæ. Adde quod  
(vt in scripturis exercitati nōrūt) iam animæ à cor-  
pore

In eum  
locum.

pore seiunctæ, tempore hoc intermedio, mercedem à iusto iudicē Deo recipiant : quemadmodum ipse totus homo in die iudicij pro meritis suis est recepturus. Hinc animæ immisericordis epulonis, iā in flamma cruciatur, tunc verò ipse totus in ignē mittetur: Nunc animæ sanctorum requiescūt, quia eorū opera sequuntur illos, tūc autē totus homo erit in requie: Nunc animæ sanctorum corpore solutæ præsentēs sunt ad Dominū & per fidē non ampliū ambulāt, sed per speciē, & regnant cū Christo mille annis : tūc autē totus homo videbit eū & regnabit. Tunc qui inuenientur ædificasse ligna, fœnū, stipulam super fundamentū Christū, salui erunt, detrimentum tamen passuri per ignē: nunc animæ eorū simile detrimētū patiuntur. Igitur cū similiter promittatur sanctis in extremo iudicio potestas iudiciaria, & regimē, quòdq; super omnia bona Domini constituentur: consequens est, vt & nunc eā habeāt, & exerceant aliquousq; animæ eorum. Vnde rectē Ambros. Ciuitates (inquit) decem esse quę possunt, nisi fortē animæ, quibus iure præponitur qui pecuniā Domini, & illa eloquia casta probata sicut argētum mētibus hominū fœnerauit? Nā sicut Hierusalē dicitur ædificata sicut ciuitas, ita sunt animę pacificæ. Et sicut angeli præsunt, ita & hi qui vitā meruerint angelorū. Hæc ille. Et Arethas in eadē verba Apocalypsis: His, inquit, qui ob simplicitatē sunt expertes pugnæ, satis erit obseruatio præceptorum, vt mihi placeāt: Ei verò qui ex pugna & lucta præmiū retulerit, dabo ad triumphū victoriæ potestatē super gentes: Siue, quemadmodū ait Dñs in euāgelij illi qui mnas & talenta rectē dispēsauerat, Præsis decē ciuitatibus, & alij, quinque ciuitatibus: quendā enim principatū ac potestatē hæc significāt sanctis datā super infirmiores & eos quib⁹ dirigi opus est. Ideo quoq; scriptum est: Virga directionis virga regni

Lib. 8. in  
Lucā cap.  
ultimo.

# PRO INVOCATIONE

De cōsec.  
dist. 1. cap.  
Inueni-  
mus.

*Leo papa*

Idem.

Idem.

regni tui. Solet enim quod dictum est, per virgam directionis designari velut indicando quod punitivam correctionem non inducat, sed quæ emendet. Ad hæc, in præfatione missæ de Apostolis (quam reperit Gelasius inter antiquas missæ præfationes) confitemur sanctorum animas, etiam iam regimen in homines habere. Sic enim ibi dicimus: Æquum est & salutare, te Domine suppliciter exorare, ut gregem tuum pastor æterne non deseras, sed per beatos apostolos tuos continua protectione custodias: ut eisdem rectoribus gubernetur, quos operis tui vicarios eidem contulisti præesse pastores. Leo quoque sermone 1. de anniuersario pontificatus sui: Nec abest (ait) ut confido ab hoc cœtu etiam beatissimi Apostoli Petri pia dignatio, & fida dilectio: Nec vestram deuotionem ille deseruit, cuius nos reuerentia congregauit. De vestro quoque & ipse gaudet affectu, & in consortibus honoris sui obseruantiam dominicæ cōstitutionis amplectitur, probans ordinatissimā totius ecclesiæ charitatem, quæ in Petri sede Petrum suscipit, & à tanti amore pastoris nec in persona tam imparis tepescit hæredis. Et in ser. 2. Petrus (inquit) nunc plenius & potētius ea quæ sibi commissa sunt, peragit, & omnes partes officiorum atque curarum, in ipso per quem est glorificatus, exequitur: Si quid itaque à nobis rectè agitur, rectèque discernitur, si quid à misericordia Dei quotidianis supplicationibus obtinetur, illius est operum atque meritorum, cuius in sede sua viuit potestas, & excellit autoritas. Rursum ser. 3. Quauis (inquit) in populo Dei multi sacerdotes sint multique pastores, omnes tamen propriè regit Petrus, quos principaliter regit & Christus. Et infra: Si quid etiam nostris temporibus rectè per nos agitur rectèque disponitur, illius operibus, illius sit gubernaculis deputandum, cui dictum est: Et tu conuersus



uerfus confirma fratres tuos, & cui post resurrectionem suā Dominus, ad trinam æterni amoris professionē, mystica insinuatione ter dixit: Pasce oues meas. Quod nunc quoq; procul dubio facit, & mandatum Domini pius pastor exequitur, confirmans nos cohortationibus suis, & pro nobis orare non cessans vt nulla tentatione superemur. Si autē hanc pietatis suæ curam omni populo Dei, sicut credendum est, vbiq; præstendit, quāto magis nobis alumnis suis opem suam dignatur impēdere, apud quos in sacro beatæ dormitionis thoro, eadem qua præfedit carne, requiescit? Deniq; in sermone de Petro & Paulo: Sicut, inquit, nos experti sumus, & nostri probauēre maiores, credimus atq; cōfidimus, inter omnes labores istius vitæ, ad obtinendam misericordiam Dei semper nos specialium patronorum orationibus adiuuandos: vt quantum proprijs peccatis deprimimur, tātum apostolicis meritis erigamur, per Dominum nostrum Iesum Christum.

Idem.

Ecce expertus erat Leo quam curam Romanorum gererent Apostoli, quando ipse supplex Athilæ regi Hunorum factus, placauit barbarum, non tam oratione, quā per dextra leuati cōspiciē sibi astātes Petrum & Paulum, minantes Athilæ mortem, nisi dictis pōtificis paruisset: vt ipsemet Athila suis postea retulit, teste Eutropio. Idipsum experti sunt etiam gentiles Romani (quam nimirum curam ad se confugientium gererent apostoli & martyres) dum in illa memorabili vrbis per Gothos & Alaricum regem euerfione, illis omnibus pepercerunt crudeles barbari, qui ad loca martyrum, & basilicas apostolorum se cōtulerant: Quemadmodum narrat D. August. 1. de ciuit. Dei cap. 1. Ad eundem modum Fœlix confessor suis Nolanis, cū a barbaris Nola oppugnaretur, non solum beneficijs, quę multa eis conferebat, sed etiam conspectui eorum se obijciens,

Aug. li. de  
cura pro  
mortuis  
cap. 16

## PRO INVOCATIONE

obſciens, veluti defenſor eorundem & propugna-  
tor, aſtitit. Vnde de eo, veluti Nolanorum cuſtode  
atq; patrono, hos verſus ſcripſit Paulinus Nolanus  
ad Cytherium: ei narrans vt per eum quidam Mar-  
tinianus à graui periculo euafiſſet:

*In ora lapſus ora non ledit ſua,*

*In ſaxa fuſus & rubos,*

*Nec ſente vultum nec lapide artus contudit*

*Felicis exceptus manu:*

*Qui iam propinquantem ædibus fratrem ſuis*

*Non paſſus occurſu mali*

*Suis periculum in finibus capeſſere,*

*Hoſtem remouit inuidum:*

*Et hunc fidelis compotem voti ſuis*

*Confeſſor induxit locis.*

*Noſtrisq; iuxta ſedibus gratum intulit.*

*Felix patronus hoſpitem.*

De Oſta-  
nio, Ad-  
uentitio,  
& Solu-  
tore.

Et ſimiliter Maximus epiſcopus Taurinenſis, de  
martyribus Tauricis loquens: Cum omniũ (inquit)  
ſanctorũ martyrum, fratres, deuotiſſimè natalem  
celebrare debemus, tum præcipuè eorum ſolénitas  
tota nobis veneratione curanda eſt, qui in noſtris  
domicilijs proprium ſanguinem fuderunt. Nam li-  
cet vniuerſi ſancti vbiq; ſint, & omnibus profint,  
ſpecialiter illi tamen pro nobis interueniunt, qui &  
ſupplicia pertulère pro nobis. Et paulò poſt: Cum  
martyres (inquit) deuotiſſimè percolendi ſunt, ſed  
ſpecialiter ñ venerandi ſunt à nobis, quorum re-  
liquias poſſidemus. Illi enim nos orationibus ad-  
iuuāt, iſti etiam adiuvant paſſione. Cum his autem  
nobis familiaritas eſt, ſemper enim nobiſcum ſunt,  
nobis cum morantur, hoc eſt, & in corpore nos vi-  
uentes cuſtodiant, & de corpore recedentes exci-  
piunt: Hic, ne peccatorum nos labes aſſumat, ibi, ne  
inferni horror inuadat. Nam ideo hoc à maiori-  
bus pro-

bus prouisum est vt sanctorum ossibus nostra corpora sociemus, vt dum illos tartarus metuit, nos poena non tangat, Dum illis Christus illuminat, nobis tenebrarum caligo diffugiat. Cum sanctis ergo martyribus quiescentes euadimus inferni tenebras: eorum proprijs meritis, attamen consocij sanctitate. Sic & Basilius homil. 20. de 40. martyribus: Hi sunt (inquit) qui nostram obtinentes regionem, quasi quædam turres contra aduersariorum incursum, refugium exhibent. Nec vno in loco sese clauferunt, sed in multis locis hospitio recepti, multorum patrias ornauerunt. Similia antè ex Prudentio citauimus. Ex quibus omnibus clarum euadit, sanctorum apostolorum & martyrum animas, nostri curam gerere, & super nos potestatem & regimen habere, ac insuper eas preces nostras nosse. Sed obijciunt nobis verba Augustini ex libro de cura pro mortuis. Atqui vtinam ipsi doctrinâ Augustini vel eo vno libro pro sanctorum inuocatione traditam, recipere dignarentur. Inde enim discere possent tam certum fuisse Augustino rectè inuocari sanctos cum Christo agentes, vt ipse hoc velut fundamento constituto, progressus sit ad explicandum (quod velut obscurum inuestigabatur): An proficit cuique post mortem, quod corpus eius apud sancti alicuius memoriam sepeliatur: vt supra recensuimus. Ad hæc in Psalmum 80. scribens, audacter dicit populo suo: sanctorum animas gaudere, cum christiani sobriè & piè colunt eorum natalitia. Quid igitur ad ea quæ ex libro de cura pro mortuis gerenda citantur, respondebimus? Nempe eo libro disputare Augustinum, An aliquid intersit ad miseriam vel augendam vel inferendam post hanc vitam, spiritibus hominum, si corpora eorum sepulta non fuerint, vel etiam dilaniata à feris. Demonstrat autem quod nihil omnino intersit,

*Basilius.*

Obiectio  
ex Auguf.

Cap. 7.



# PRO INVOCATIONE

Li. de cu-  
ra p mor-  
tuis ca. 13.

Psal. 16.

Esa. 63.

interfit, eò quòd hæc non perueniant ad sensum ip-  
sius spirit⁹, qui rebus humanis ampli⁹ nō interest:  
Nihil item huic cōtrariari, quòd interdum in som-  
nijs videantur mortui petere sepulturam : quia hæc  
per angelos fieri possunt, ipsis mortuis nescienti-  
bus. Vt volet, inquit, accipiat quisq; quod dicam:  
Si rebus viuentium interessent animæ mortuo-  
rum, & ipsæ nos quando eas videmus alloqueren-  
tur in somnis, vt de alijs taceam, me ipsum pia ma-  
ter nulla nocte desereret, quæ terra maritq; secuta  
est vt mecum viueret. Absit enim vt facta sit vita  
fœliciore crudelis, vsq; adeò vt quando aliquid an-  
git cor meum, me tristem filium non consoletur,  
quem dilexit vnice, quem nūquam voluit mœstum  
videre. Sed profectò quod sacer Psalmus personat  
verum est: Quoniam pater meus & mater mea de-  
reliquerunt me, Dominus autem assumpsit me. Si  
ergo dereliquerūt nos patres nostri, quomodo no-  
stris curis & rebus intersunt? Si autem parentes non  
intersunt, qui sunt alijs mortuorū qui nouerūt quid  
agamus, quidve patiamur? Esaias propheta dicit:  
Tu es enim pater noster, quia Abraham nos nesci-  
uit, & Israel non cognouit nos. Si tanti patriarchæ  
quid erga populum ex his procreatum ageretur ig-  
norauerunt, quibus Deo credentibus populus ipse  
de illorum stirpe promissus est, quomodo mortui  
viuorum rebus atq; actibus cognoscendis adiuuan-  
disq; miscentur? Quomodo dicimus eis fuisse con-  
sultum, qui obierunt antequam venirent mala quæ  
illorum obitum consecuta sunt, si & post mortem  
sentiunt quæcunq; in vitæ humanæ calamitate con-  
tingunt? An fortè nos errando ista dicimus? & hos  
putamus quietos, quos inquieta vita viuorum so-  
licitat? Quid est quod pñssimo regi Iosif pro magno  
beneficio promisit deus, quòd esset antè moriturus  
ne videret mala, quæ ventura illi loco & populo  
minaba-

minabatur? Quæ Dei verba sunt: Hæc dicit Dominus Deus Israel, Verba mea quæ audisti, & veritus es à facie mea cum audisti quæ locutus sum de isto loco & qui commorantur in eo, vt deferatur & in maledicto sit, & conscidisti vestimenta tua & fleuisti in conspectu meo: Et ego audiui, dixit Dominus Deus sabaoth, Non sic: Ecce ego apponā te ad patres tuos, & apponeris cum pace: & non videbunt oculi tui omnia mala quæ ego induco in locū hunc & qui commoratur in eo. Territus iste Dei comminationibus fleuerat & sua vestimenta consciderat, & sit omnium malorum futurorum de properatura morte securus. Ibi ergo sunt spiritus defunctorum vbi non vident quæcunq; aguntur aut eueniunt in ista vita hominum. Quomodo ergo vidēt tumulos suos aut corpora sua, vtrum abiecta iaceant an sepulta? Quomodo intersunt miseriæ viuorum, cum vel sua ipsa mala patiantur si talia merita contraxerunt: vel in pace requiescant, sicut huic Iosiae promissum est, Vbi mala vlla nec patiēdo nec compatiēdo sustineant, liberati ab omnibus malis, quæ patiēdo & compatiēdo cum hīc viuerent sustinebant? Ecce sentētiā habes Augustini. Toto hoc capite nihil aliud agit, quā spiritus defunctorum non interesse rebus viuētiū, non nos alloqui in somnis, non venire ad consolandum nos more adhuc hīc viuētiū, Non interesse rebus & curis nostris, non misceri actibus & rebus viuorum adiuuandis, nō solitari veluti inquieti essent inquietā vita nostra, non interesse miseriæ viuorum: ac proinde non nosse quid agamus, ea notitia quæ localem præsentiā & intuitum sequitur, quæ miseriam & compassionem affert: Ita vt toto hoc capite absolutē nō neget mortuos nosse res viuētiū, nisi adiiciat aliquid vnde constet eum loqui de notitia quam nobis per præsentiā nostrā comparamus.

E

PRO INVOCATIONE

Luc. 16.

mus. Si (inquit) parētes nō intersunt, qui sunt mortuorū qui nouerūt quid agamus quidve patiamur? Iterū: Quomodo mortui viuorū rebus atq; actibus cognoscendis adiuuādīsq; miscentur? Eum esse sensum verborum eius, apertē conuincunt quæ cap. 15. sequūtur. Fatendum est (inquit) nescire quidē mortuos quid hīc agatur, sed dū hīc agitur: postea verō audire ab eis qui hinc ad eos moriēdo pergūt. Non quidē omnia, sed quæ sinuntur indicare qui sinuntur etiam ista meminisse, & quæ illos quibus hęc indicant, oportet audire. Possunt & ab angelis, qui rebus quæ agūtur hīc pręsto sunt, audire aliquid mortui, quod vnumquenq; illorum audire debere iudicat, cui cuncta subiecta sunt. Nisi enim essent angeli qui possunt interesse & viuorū & mortuorum locis: non dixisset dominus Iesus: Contigit autem mori inopem illum & ferri ab angelis in sinū Abrahę. Nunc ergo hīc, nunc ibi esse potuerunt, qui hinc illuc, quē Deus voluit, abstulerūt. Ecce quomodo & in spiritibus defunctorū, & angelis semper attendit pręsentiam localem, qua rerū sibi quisq; cōparat notitiam. Attende pręterea quæ ibidem subdit. Possunt (inquit) spiritus mortuorū aliqua quæ hīc agūtur, quæ necessariū est eos nosse, & necessariū nō est eos non nosse, non solū pręterita vel pręsentia, verū etiā futura, spiritu Dei reuelāte cognoscere: sicut non omnes homines, sed prophetæ dū hic viuerēt, cognoscebant: Nec ipsi omnia, sed quæ illis esse reuelanda Dei prouidētia iudicārat. Hęc Aug. Hīc ponit notitiā quæ localem pręsentiam nō requirit, deq; illa nullā quæstionem mouet. Ac deinde rursus ad pręsentiam localem redit: dicitq; mortuos nonnunq; mitti ad viuos: sicut Moyses viuētib; apparuit. Post quæ sic cap. 16. dicit: Hinc & illa soluitur quæstio, quonā modo martyres ipsis beneficēs, quæ dātur orantibus, indicāt se interesse rebus humanis, si nesciunt



nesciunt mortui quid agāt viui? Non enim solis beneficiorū effectibus, verū etiā ipsis hominū aspectibus confessorē apparuisse Felicē, cuius inquilinatum piē diligis, cum à barbaris Nola oppugnaretur audiuiimus, nō incertis rumoribus, sed testibus certis. Verū ista diuinitus exhibētur, longē aliter quàm sese habet vsitatus ordo singulis creaturarū generibus attributus. Non enim quia in vinū aqua cū voluit Dñs, repētē cōuersa est, ideò nō debemus quid aqua valeat in elemētorū ordine proprio ab istius diuini operis raritate vel potius singularitate discernere: Nec quoniā Lazarus resurrexit, ideò mortuus omnis quādo vult surgit, aut eo modo exanimis à viuēte quomodo à vigilāte dormiēs excitatur. Alij itaq; sunt humanarū limites rerū, alia diuinarū signa virtutū: alia sunt quæ naturaliter, alia quæ mirabiliter fiūt: quāuis & naturę Deus afsit vt sit, & miraculis natura nō desit. Non igitur ideò putandū est viuorū rebus quoslibet interesse posse defunctos, quoniā quibusdam sanandis vel adiuuandis martyres assunt, sed ideò potius intelligēdū est quòd per diuinā potentiā martyres viuorū rebus interfunt, quoniā defuncti per naturā propriam viuorum rebus interesse non possunt. Ecce, verba clara sunt, quibus hīc aperit Augustinus, per diuinā potentiam martyres rebus interesse humanis. Omnia itaque quæ ex capite 13. paulò ante sunt adducta, eo sunt referenda, vt mortui intelligantur per naturam propriam non posse interesse rebus videntium. Subdit deinde aliud dubium: non quidem de hac noticia quam ex diuino munere habent martyres: sed quomodo fiat opitulatio quam mortalibus præstant martyres. Quanquam (inquit) ista quæstio vires intelligentiæ meæ vincat, quemadmodum opitulentur martyres his quos certum est per eos adiuuari: Vtrum ipsi per seipsos

Nota.

E ñ afsint

## PRO INVOCATIONE

assint vno tempore tam diuersis locis & tanta inter se longinquitate discretis, siue vbi sunt eorum memoriae, siue præter suas memorias vbicunq; adesse sentiuntur: An ipsis in loco suis meritis congruo ab omni mortalium conuersatione remotis, & tamen generaliter orantibus pro indigentia supplicantum, sicut nos oramus pro mortuis quibus utiq; non præsentamur, nec vbi sint vel quid agant scimus, Deus omnipotens qui est vbique præsens, nec concretus nobis nec remotus à nobis, exaudiens martyrum preces per angelica ministeria vsquæquæque diffusa, præbeat hominibus ista solatia. Et infra: Res hæc (ait) altior est quàm vt à me possit attingi, & abstrusior quàm vt à me valeat perscrutari: Et ideo quid horum duorum sit, An verò fortassis vtrumque sit, vt aliquando ista fiant per ipsam præsentiam martyrum, aliquando per angelos suscipientes personam martyrum: definire non audeo. En hic vides dubium Augustino fuisse tantum, An martyres præsentem exhibeant miseris beneficia, An verò angeli eorum personam gerentes, martyribus interim ab omni mortalium consortio remotis, & tamen orantibus generaliter pro indigentia supplicantium: quemadmodum nos pro mortuis oramus, quibus non præsentamur, ac ideo nec quid agant citra Dei reuelationem nouimus. Nam propriè toto libro differit de notitia quæ præsentiam loci sequitur: qualem non nisi generalem habent sancti de sibi supplicatibus, uti nos de mortuis. De notitia verò, quæ vel speciali Dei reuelatione, vel ex ipsius Dei intuitu habetur, nihil disputat. Vnde 17. capite. Illis (inquit) in summa quiete positis, & ad alia longè meliora visa vacantibus seorsim à nobis etc. Nota quid sit: seorsim à nobis. Certè si diuus Augustinus de ea sanctorum notitia quæ ex Dei speciali munere habetur, loqueretur, puta-

Nota.

putarétque incertum esse, an sancti Deo largiente  
 nossent preces ad se fusas, æquè etiam moueret  
 hoc dubium: An rectè inuocaremus sanctos cum  
 Christo agentes, nec ne: quemadmodum illud: An  
 sancti per seipsos diuersis locis opitulentur eorum  
 patrocinia quærentibus, an verò eorum personam  
 gerentes angeli id faciant: Item an nūc hi, nunc illi.  
 Et si vel in modico dubitasset rectène sanctos in-  
 uocaremus, profectò non eodem libro ita citò  
 tanquam certum pronunciaffet, defuncti animam  
 martyribus esse commendandam, vt apud Domi-  
 num ab eis velut patronis adiuuetur. Eum ergo  
 certò pronunciantem, in Deo manentes posse au-  
 dire preces nostras, audiamus: Quisquis angelorum  
 vel hominum diligit hunc Deum, certus sum quòd  
 etià me diligit: quisquis in illo manet & potest hu-  
 manas preces sentire, in illo me exaudit: quisquis  
 ipsum habet bonū suū, in ipso me adiuuat, nec mi-  
 hi eius participationem potest inuidere. Quod utiq;  
 non dixit quasi dubitaret an quis posset humanas  
 preces sentire: sicut nec cum ibidem dicit: Quisquis  
 angelorum hunc diligit Deum, dubitasse putandus  
 est, an angeli Deum diligerent. Quod verò dicit: In  
 illo me adiuuat, & In illo me exaudit: non sic intel-  
 ligendum est ac si ipse sanctus, vel angelus non ad-  
 iuuat, vel non exaudiat (vt nugatur Monhemij de-  
 fensor): sed quòd per Deū, seu munere & gratia Dei  
 adiuuet atque exaudiat. Pulchrè Origenes contra  
 Celsū, similem Augustini de sanctis angelis &  
 animabus sententiam profert: Quemadmodum  
 (inquiens) & corpus cum mouetur & vmbra ha-  
 bet se subsequētem, sic item & qui summum Deum  
 placārit, & illius amicos propitios vt habeat, sequi-  
 tur: angelos scilicet animasque & spiritus cæteros  
 beatiores. quippe qui simul & sentiant quinam Dei  
 sint benignitatem promeriti. Nec solum se hi erga

Ca. 55. de  
vera relig.

Lib. 8. sub  
finem.

E iij dignio-



# PRO INVOCATIONE

digniores quosq; propitios reddūt, sed & Deo gratificari volentibus opitulantur, hisque & placationem hunc faciunt, vnāq; & supplicant & precantur. Et ita vt affirmare id ausim, vel hominibus vltro quæ potiora sunt animo destinantibus Deoq; supplicantibus, potestates illas innumeras, nec vocatas quidem, vltro Deum vnā comprecari, generiq; huic nostro adesse, & cum dæmonibus, vt ita dixerim, vel certamen inire, quos viderint eorum impugnare salutem qui se Deo permiserunt. Sicut verò his verbis Origenes asserit adiutorium sanctorum animarum, quod per orationes pro nobis factas præstant: ita in caput secundum epistolæ ad Romanos velut dubitans loquitur, An sanctorum animæ opitulentur nobis, angelorum more, non orationes tantum, sed & ministeriū atq; operam suam nobis exhibendo. Iam verò, inquit, si etiam extra corpus positi vel sancti qui cum Christo sunt, agūt aliquid, & laborant pro nobis ad similitudinem angelorum qui salutis nostræ ministeria procurāt, vel rursus peccatores etiam ipsi extra corpus positi agunt aliquid secundum propositum mentis suæ, angelorū nihilominus ad similitudinē finistrorum, cum quibus & in æternum ignem mittendi dicuntur à Christo, habeatur hoc quoque inter occulta Dei, nec chartulæ cōmittenda mysteria. Nullo verò modo dubitat de precibus sanctorum extra corpus: vt nugatur Brētius. Gregorij quoq; verba huc proferenda sunt, vt quæ Augustini sententiam in lib. de cura pro mortuis, breuiter explicant. Sicut (inquit) hi, qui adhuc viuentes sunt, mortuorū animæ quo loco habeantur ignorant, Ita mortui vitam in carne viuentium post eos, qualiter disponatur nesciunt: quia & vita spiritus longè est à vita carnis, & sicut corporea atq; incorporea diuersa sunt genere, ita etiam distincta cognitione. Quod tamen de ani-

Lib. 12.  
moralium  
cap. 13.

de animabus sanctis sentiendum non est, quia quæ intus omnipotentis Dei claritatē vident, nullo modo credendum est quia foris sit aliquid quod ignorent. Quæ postrema verba non de omnibus intelligit Gregorius (siquidē alibi docet vnum angelum ab altero aliquid discere) sed de his quæ ad illorum gloriam faciunt, nostramq; salutem promouent: cuiusmodi sunt, nostra pœnitentia & oratio.

Lib. 4.  
moralium  
cap. 31.

Hactenus igitur germanam diui Augustini sententiam omnino alijs veteribus esse consonam probauimus: simulq; ostēdimus quomodo illud Esaię: Abraham nesciuit nos, Israel ignorauit nos, etc. de ea notitia quæ humanam conuersationem consequitur, exposuerit. Quem locū diuus Hieronymus de notitia dilectionis est interpretatus, nec minus apposite: Nescit, inquit, nos Abraham, & ignorat Israel, quia te offendimus, nec cognoscunt filios quos à Deo suo intelligunt non amari. Nunc quia tantopere vrgent aduersarij hanc consequentiam: Sancti preces nostras non cognoscunt, igitur à nobis non sunt inuocandi, expendamus quàm valida sit: nihil interim dubitantes, quin quod ex veteribus iam ostēdimus, sentiendum sit. Esto, non nōrint sanctorū animæ nostras preces, sed angeli qui sanctorum martyrum personam gerunt: Non auxiliuntur insuper ipsi, sed angeli meritis & precibus eorum: an idcirco (hac scilicet hypothesi concessa) stultum erit orare: sancte Petre ora pro me? Nequaquam. Etsi enim Petrus non audiret, est nihilominus qui audit vice eius, quique personam eius sustinet: Sicut stultæ non sunt illæ supplicationes, quæ regi offeruntur, etiamsi non ad ipsum regem, sed ad præsidem duntaxat regia negotia legitimè pertractantem, peruenturæ sciantur: Sicut item stultus non erat Moyses quòd angelus in igne de rubo apparenti loqueretur veluti

Exod. 3.

E iij Deo.

PRO INVOCATIONE

Deo. (Nam non Deum, sed angelum fuisse, testis est  
 Aët. 7. Stephanus apud Lucam,) Quemadmodum nec ipse  
 Exod. 3. angelus blasphemabat Deum, dum diceret: Ego  
 sum Deus Abraham: idque propterea, quod perso-  
 Genes. 18 nam Dei sustinebat, Sicut insuper nec pater noster  
 Abraham fatuus fuit, cum angelis, veluti Deo, lo-  
 cutus est: quia ex Dei autoritate loquebantur, &  
 ipse Deum in illis venerabatur, Sicut denique nec Ra-  
 Tob. 5. phael male locutus est apud Tobiam, dicendo sese  
 Azariam Ananiae magni filium, Quia huius viri  
 personam gerebat, & eius fortasse meritis Tobiam  
 iuuabat. Si his locutionibus adeo abundat scriptu-  
 ra, quid vetat quo minus & nos ipsi rectissime in  
 caeremoniis ecclesiae utamur? Caeterum etiam si  
 hanc hypothesim, nempe quod preces nostras ne-  
 sciant sancti, admitteremus: nondum metuendum  
 esset ne iam aduersarii ita catholicis, sicut Helias  
 4. Reg. 18 olim sacerdotibus Baal, insultent. Nam sicut si sa-  
 cerdotes Baal quod à Baal petebant, à Beelzebub  
 vel quouis alio daemone quam Baal consequi po-  
 tuissent, ridiculè insultasset eis Helias: ita etiam si  
 quod à sanctis petitur, angelico id ministerio ob-  
 tineatur, non erit cur nobis inuocantibus sanctos,  
 insultent aduersarii. Hæc eò dicta sint, ut osten-  
 dantur confidere in baculo arundineo, qui hinc pe-  
 tulanter Christi Ecclesiae recalcitrant. Non quod  
 istis subtilibus expositionibus sermonum, ad ca-  
 tholicæ fidei, quæ simplex est & plana, defensionem,  
 egeamus.

*Sanctorum animas cum Christo agentes, propriè orare  
 pro nobis.*

CAPVT XIII.

**A**D Mōhemiū ergo sermonē reducam⁹. Dicit  
 pater: *Angeli orāt pro nobis. Ut apud patē angelus  
 orat: Dñe exercitū, vsq; quo tu nō misereberis Hiera-  
 rusalem*



*rusalem? Sic sine dubio et sancti in cælis pro Ecclesia orant. Hæc ita esse nos catholici nō dubitamus. Quid verò ita interrogāti Patri filius respōdet? Fieri, inquit, potest, Verum ex eo non sequitur, quod sint inuocandi, Cū scriptura nusquam doceat sanctorum inuocationem, seu implorare ab ipsis auxilium. Cur quæso Monhemi, vel compulsus à veritate non fateris, sanctos cū Christo agentes orare pro nobis? Prophetam agnoscis dicere, angelos orare pro nobis. Nec metuis ne angeli inuadant mediatoris Christi officium. Dic ergo quid impediat, quominus & animæ iustorū iam in cælis regnantes pro nobis orēt? An charitas eorum erga nos extincta est? absit. An beatitudo eos impedit? Sed & ipse Christus summè beatus, interpellat nunc pro nobis (si Paulo credimus): sicut & hīc orabat. Item angeli beati precantur pro nobis. Vnde Hieronymus. Si, inquit, Apostoli & Martyres adhuc in corpore constituti orāt pro cæteris quādo pro se adhuc debent esse solliciti: quanto magis post coronas, victorias & triūphos? Vnus homo Moyses sexcentis milibus armatorum impetrat à Deo veniam, Et Stephanus imitator Domini sui & primus martyr in Christo, pro persecutoribus veniam deprecatur: & postquam cum Christo esse cœperint, minus valebūt? Paulus Apost. ducētas sexagintasex animas sibi dicit in naui condonatas. Et postquam resolutus esse cœperit cum Christo, tunc ora clausurus est, & pro his qui in toto orbe ad suum euangelium crediderunt mutire non poterit? Animæ sanctorum petunt vindictam à Deo contra eos qui sanguinem suum effuderunt, quanto magis misericordiam fratribus suis à Deo electis. Immisericors ille epulo quacunque ratione inductus orauit pro fratribus suis ne venirent in locum illum tormentorum: (certum enim est, diuitē epulonem rogasse Abrahā & illos duos sese mutuò cognouisse) sicut*

Zacha. 1.

Hebr. 7.

Cōtra Vigilantiū.

Exod. 32.

Act. 7.

Act. 27.

Apoc. 6.

Luc. 16.

# PRO INVOCATIONE

Augustinus dicit lib. 4. de origine animæ cap. 19.)  
 quanquàm alia plæraq; in ea hystoria sint obscura:  
 quo prætextu quæ aperta in ea sunt, conatur Arto-  
 pæus eludere) & sanctorum animæ diuina sapientia  
 & syncera charitate plenæ, non orant pro Christi  
 1. Mac. 15. membris ne veniant in illas flammæ? Credendū est  
 ergo scripturæ, docenti fide digno visu apparuisse  
 Oniam & Hieremiam orantes pro populo Dei. Cy-  
 prianus martyr sollicitè admonet Cornelium item  
 Epist. 1. Martyrem, vt vterlibet eorū prior ad dominū mi-  
 grauerit, apud Dei misericordiam pro fratribus &  
 sororibus orare non cesset. Puerile verò est cum  
 Brentio dicere hîc tropos esse, atq; figuras; vt vide-  
 licet ea ratione dicantur sancti nunc orare, quòd  
 preces quas adhuc mortales fuderāt, nunc adhuc in  
 auribus Dei sonent: Sicut & sanguis Abel multo  
 post mortem Abel corā Deo adhuc vociferabatur:  
 vel vt in Apocalypsi clamant animæ sanctorum in-  
 terfectorum, quò effusi sanguinis sui fiat vltio,  
 non quòd iam in Domino quiescentes cupidi sint  
 vindictæ pro humano more, sed quòd Dñs, etiam  
 post mortē eorū, memor sit precū quas dū adhuc in  
 terris versarentur, pro sua ac totius Ecclesiæ libe-  
 ratione effuderunt. Planè fallitur Brentius. Nam  
 iuxta hanc rationē orandi, sequitur quòd etiā si pe-  
 nitus interirent animæ sanctorū vsq; ad resurrectio-  
 nem, rectè dicerentur clamare. At cū scriptura te-  
 stetur eos viuere, viuā certè & recentem habēt ora-  
 tionē. Deinde clamor diuitis epulonis, nō huius vi-  
 tæ fuit. Qua igitur ratione clamor sanctorū tantūm  
 huius vitæ erit. Veriùs igitur Ambrosius: Non me-  
 diocre, inquit, etiā dogma quod ait: Vox sanguinis  
 Lib. 2. de Cain & Abel, ca. 9 fratris tui ad me clamat, q̃a Deus iustos audit, etiā  
 mortuos, quoniā Deo viuunt. Et meritò pro viuen-  
 tibus habētur, Quia etiā si corporis gustauerint mor-  
 tē, vitā tamē icorporeā capiūt, & illuminātur suorū  
 splendore

splendore meritorum, luce quoque fruuntur æterna. Et Beda: (ad illud Apocalypsis: Et clamabant voce magna, dicētes) Magn⁹, inquit, animarū clamor, magnū est desiderium eorū quę Dominū facere velle noverūt. Nec enim fas est, eas credere cōtra Dei nutū quicquid cupere, cū earū desideria ex eius pendeāt voluntate. Usquequo dñe, sanctus & verus, nō iudicas & vindicas sanguinem nostrū de ijs qui habitant in terra? Non hæc odio inimicorū pro quibus in hoc seculo rogauerūt, orāt, sed amore æquitatis, qua ipsi iudici ut propè positi cōcordāt, diē iudicii quo peccati regnū destruat, & resurrectionē extinctorum corporū aduenire precatur. Nam & nos in presenti, cū pro inimicis orare iubeamur, dicimus tamen Dño orātes: Adueniat regnū tuū. Et datæ sunt illis singulę stolę albæ. Singulas modo stolas habēt aīæ sanctorū de sua beata immortalitate gaudētes. Resurgētibus autē corporib⁹, iuxta Esaiā, in terra sua duplicia possidebūt. Hęc Beda. Quēadmodū igitur Christus adhuc pro nobis interpellat seu postulat, ita & oēs Martyres cū eo in cœlis degētes: ut Augustinus testatur in Psalmū 85. Neque enim vel Christus secundū humanā naturā potēs est peccatores conuertere, aut Deo seruiētes beare, aut mortuos suscitare, desiderat tamen ea fieri per Deū, ac ideo, quia hoc suū desiderium ei offert, verissimè orare dicitur. quandoquidē nihil aliud est Deū orare quā desiderium propriū ei offerre, quod ipse illud dignetur implere.

Lib. 1. in  
Apocal.  
cap. 6.

Apoc. 6.

*Christum propriè orare pro nobis. CAP. XV.*

**A**T contra prædicta obiicit Artopeus: Patri non fit supplex Christus: quod ex Chrysostomo didicisse poterant. Sed eius interpellatio nihil aliud est quàm quod patri semper adest, eiusque præsentia qui pro nobis in mortem traditus est, Dei misericordiam erga

Obiectio.  
Hom. 15.  
in epistol.  
ad Rom.



PRO INVOCATIONE

*erga electos elicit promptissimè.*

Responſio.

Respondeo, Christum quidem iam non supplicantium seruorum more, ante patris pedes prouolui, eius genibus accidere (vt ait Nazianzenus lib. 4. de Theologia), aut facere verba pro nobis, interposito interuallo inter os loquentis, & auriculas audientis (vt ait Augustinus tract. 102. in Ioannem): hæc enim & Deo indigna sunt, & Christum glorificatum non decent: Nihilominus Christus patri subiectus est & introiuit in cœlum, tanquam pontifex in sancta sanctorum, per proprium sanguinem, vt appareat nunc vultui Dei pro nobis. Appareat, inquam, non veluti truncus aut mortua imago, sed per mentē & voluntatē, idipsum à Deo petēs quod ipsa sui corporis (in quo olim passus est) ostensione flagitat: Sicut milites multa vulnera in bello passi, regibus ostendūt ita corpus suum, vt mente postulent præmium. Ad quem sensum veteres, Paulum secuti, idem esse dicunt Christum pro nobis interpellare, & cum carne sua apparere vultui Dei pro nobis. Nazianzenus lib. 4. de theologia, tractans hæc verba: semper viuens in hoc vt intercedat pro nobis: Vt homo est (inquit) etiam nū pro salute nostra legationem obit, quando corpus quod assumpserat, & nunc habet. Obit, inquā, legationem, tantisper dum per hoc quod ipse factus est homo, me Deum faciat: tametsi ampliūs secundum carnem nō cognoscatur. Similiter Cyrillus: Cōspicuum fit nouo modo, nō iam nudum & absque carne verbum, sicut scilicet à principio erat, sed in forma ac natura nostra. Dicimus enim sic ipsum nunc pro nobis apparere, & quasi ob oculos Dei ac patris, hominis naturam adduxisse: quamuis propter transgressionem Adæ factam olim deteriore. Nos igitur commendat conspectui patris, quasi in seipso & primo, secundum quod natus est homo vt nos patri offerat, & ab

Gregori<sup>us</sup>  
Nazian<sup>zenus</sup>  
Zenus.

Lib. 3. de  
recta fide  
ad regi-  
nas.

& ab antiquis liberet criminibus, inq; nouitatē vitæ in spiritum transferat, & postea vt dignus videri his qui à patre tanquā in filiorum ordine assumpti sunt. Sic & Gregorius: Vnigenito filio pro homine interpellare, est apud coeternū patrē seipsum hominem demonstrare: eiq; pro humana natura rogasse, est eandem naturam in diuinitatis suæ celsitudinem suscepisse. Interpellat igitur Dominus pro nobis, nō voce (scilicet gemebūda) sed miseratione: quia quod damnari in electis noluit, suscipiendo liberauit. Adiutor ergo quæritur vt desiderium exaudiat, Quia nisi pro nobis interpellatio mediatoris intercederet, ab aure Dei procul dubio nostrarū precū voces silerent. Postremo, Theophylactus: Idipsum, inquit, q; carne obductus filius assidet Patri, intercessio quædam pro nobis petendi, tanquam caro ipsa patrem exoret, eoq; sit hæc à filio ipso desumpta vt saluos nos faciat. Hæc ille. Ipse præterea Apostolus, dicit Christum Apostolū esse, & pontificem confessionis nostræ: & idcirco ad Romanos ipse per eū gratias agit Deo. Quare verò pōtifex est cōfessiōis nostræ, nisi sicut synod<sup>9</sup> Ephesina i. dicit, quia sacrificat Deo & patri fidei nostræ confessionē, quæ à nobis ipsis & per ipsum ipsi Deo patri incessanter offertur? Igitur similiter & preces nostras Deo patri sacrificat, Quemadmodum docet Cyrillus lib. citato. Iam, inquit, quando pontifex noster factus Christus in dextera Dei, & thronum habet magnificentiae in coelis & sanctorum est minister, & tabernaculi summi ac veri, sibi ac patri offerens cultum ac preces omnium. Vnus igitur est Christus & filius, sedens quidem diuino modo in throno propriæ deitatis, appellatus autem & pontifex, & minister dispensatiue, propter humanitatē. Item lib. ii. in Ioannem: In quantum, inquit, filius & Deus est, vnā cum patre nobis bona largitur. quod

osten-

Li. 22. mo  
ralium,  
cap. 18.

In cap. 1.  
ad Hebr.

Heb. 5.

Cap. 7.  
Rom. 1.

# PRO INVOCATIONE

- Rom. 1.** ostendens Paulus dicebat: Gratia vobis & pax à Deo patre & Domino Iesu Christo. In quantum verò mediator est, & pontifex, & paracletus, nostras preces ad patrem adducit. Ipse enim nobis libertatem atq; fiduciam ad patrem largitur. Sic deniq; &
- Beda.** Beda, in cap. 8. Apocalyp: De orationibus sanctorum Christus obtulit incensa, Ipsi enim delegavit Ecclesia preces suas dicēs: Dirigatur oratio mea sicut incensum in conspectu tuo. Accepisse autem de orationibus sanctorum, idē dicitur & obtulisse, quia per ipsum omnium possunt preces ad Deum suauiter peruenire. Hæc ille. Si igitur Christus nostram confessionem, preces, & cultum quem ei deferimus, Deo offert, quis audeat dubitare, quin Deo eadem etiam commendet? Hoc autem, est orare Deum pro nobis. Clarum igitur est Christum orare nunc pro nobis: vti quondam cum hīc mortalis ageret.
- August.** Quod incunctanter D. Augustinus multis in locis asserit. Explicans illud psalmi 19: Impleat Dominus omnes petitiones tuas: Impleat Dominus (inquit) non solum petitiones quas habuisti in terra, sed etiam quibus in cœlo interpellas pro nobis. In psalmū itē 29: Quoniam, inquit, paulo post dicit (S. Iohannes): Et verbum caro factum est, & habitauit in nobis: habes maiestatem ad quam ores, habes humanitatem quæ pro te oret. Nam hoc dictum est ab Apostolo, etiam post resurrectionem Domini nostri Iesu Christi, Qui sedet, inquit, ad dexteram Dei, qui etiam interpellat pro nobis. Libro quoque primo de trinitate cap. 10: Fideles (ait) eius quos redemit sanguine suo, dicti sunt regnū eius pro quibus nunc interpellat: tunc autem illic eos sibi faciens inhærere vbi æqualis est patri, non iam rogabit patrem pro eis. Ipse enim, inquit, pater amat vos. Ex hoc enim rogat quo minor est patre, quo verò æqualis est, exaudit cum patre. Rursus in psalmum
- Idem.**
- Ioan. 16.**



mum 85. ait: Oratur (scilicet Christus) in forma dei, orat in forma serui: ibi creator, hic creatus, creaturam mutandam non mutandus assumens & secum nos faciens vnum hominem, caput & corpus. Oramus ergo ad illū, per illum, in illo, & dicimus cum illo, & dicit nobiscum. Cum dicimus in illo, dicit in nobis psalmi huius orationem. Item sub finem eiusdem psalmi: Dominus noster Iesus Christus, inquit, adhuc interpellat pro nobis, Omnes martyres qui cum illo sunt interpellant pro nobis. Non transeunt interpellationes ipsorum nisi cum transferit gemitus noster. Denique epistola 59: De ipso Domino Iesu Christo dictum est, quod interpellat pro nobis. Nunquid interpellat & non etiam postulat? Imò verò quia postulat, pro eo positum est interpellat. Euidenter quippe alibi de eo dicitur: Et si quis peccauerit, aduocatum habemus ad patrem Iesum Christum iustum, ipse est exoratio pro peccatis nostris. Haftenus Augustinus. Cui correspondet Ambrosius, dicens: Orat Dominus non ut pro se obsecret, sed ut pro me impetret. Nam etsi omnia posuerit pater in potestate filij, filius tamen ut formam hominis impleret, obsecrandum patrem putat esse pro nobis, quia aduocatus est noster. Noli insidiatrices aperire aures ut putes filium quasi infirmum rogare, ut impleat quod implere non possit. Potestatis author, obedientiae magister, ad praecepta virtutis suo nos informat exemplo. Aduocatum, inquit, habemus apud patrem. Si aduocatus est, debet pro meis intercedere peccatis. Non ergo quasi infirmus, sed quasi pius obsecrat. Cyprianus: Si pro nobis ac pro delictis nostris Christus laborat & vigilat & precatur, quanto nos magis insistere precibus, & orare, & primò ipsum Dominum rogare, tum deinde per ipsum Deo patri satisfacere debemus? Habemus

1. Ioan. 3.

Lib. 5. in  
Lucā in  
cap. 6.Epistola-  
rū lib. 4.  
epistol. 4.

## PRO INVOCATIONE

1. Obie-  
ctio.

Respon-  
sio.

In cap. 6.  
Luce.

Habemus aduocatum & deprecatorem pro peccatis nostris Iesum Christum Dominum nostrum, si modo nos in præteritum peccasse pœniteat, & confitentes ac intelligentes delicta nostra, quibus nunc Deum offendimus, vel de cætero nos ambulare in vijs eius & præcepta eius metuere spodeamus. Hec Cyprianus. Ad eundem modum scripsit, & sensit in hac re Chrysostomus (quicquid garriat Artopæus): ut suo loco ostendemus. Ante annos aliquot, Christum glorificatum non orare, astruere conatus est quidam: idq; argumentis tribus. Quorum primum est: Christo data est ois potestas in cœlo & in terra, ergo non rogat nunc ut detur nobis spiritus sanctus, sed data sibi potestate iam utens dat spiritum sanctum. Cui argumento potest etiam aliud adijci: Pater omne iudicium dedit filio, & constituit eum iudicem viuorum & mortuorum, sed non videtur conueniens ut vnus idem sit iudex & aduocatus, igitur Christus non videtur dicendus propriè aduocatus. Respondendum est, Christum quidem habere potestatem omnis carnis in cœlo & in terra, Necdum tamen omnia esse ei subiecta (sicut dicit Apostolus ad Hebræos), quantum ad executionem potestatis eius attinet. Ut igitur potestatem sibi datam circa salutem electorum, exequatur, patri supplicat. Cum autem ipse nouissimum hostem, nempe mortem, deuicerit, & subiecta fuerint ei omnia, tum tradet regnum, id est, fideles, Deo patri, perducens eos ad claram Dei visionem: Nec amplius oratione opus erit, quia tunc in omnia potestatem sibi tributam exequetur Christus. Similiter, Christus secundum humanam naturam iudex est omnium, sed sub superiore iudice Deo: à cuius omnipotentia pendet omnis executio iudicij, & sententiæ eius. Vnde mirum videri non debet, eundem ipsum & iudicem esse hominum, & aduocatum apud superiorem iudicem, Et aduocatus

catus(inquit Ambrosius)& iudex est:In altero pie-  
 tatis officium,in altero insigne est potestatis. Se-  
 cunda eius ratiocinatio est:Nemo catholicus inuo-  
 cat Christum ad hoc vt iam roget patrē,ergo Chri-  
 stus non iam rogat patrem. Respondetur, catholi-  
 cos vitare non tantū falsa de Deo dogmata, sed  
 etiam illas locutiones, quæ malè possent intelligi.  
 Quapropter simpliciter non dicunt, Christum esse  
 creaturam, sed cum hac adiectione, secundū hu-  
 manā naturā: ne quis in Arrianismum occasione  
 sermonis incidat. Item nec: Christe ora pro nobis:  
 nec cum Nestorio videantur facere duas personas,  
 vnam filium Dei, alterā filiū Marię, qui apud filiū  
 Dei sacerdotio fungatur: Sed conuenientius dicūt:  
 Christe eleyson:honorantes & orantes eum secun-  
 dum id, quod in eo est excellentissimum, hoc est,  
 secundum diuinitatem. Quemadmodum facere so-  
 lemus cum hominē quempiā honorare volumus,  
 In eo nimirum non infimum, sed supremum digni-  
 tatis eius prædicantes. Ridiculum enim esset, sacra-  
 rum literarum interpretem laudare ab eo quod li-  
 teras nouit, Alioqui certè etiā quod in Christo in-  
 ferius minusq; excellens est, nepe q; precatur pro  
 nobis, lubēter agnoscere debem⁹: vti supra ex mul-  
 tis doctoribus ostensum est. Deniq; etiamsi Christū  
 inuocare velimus secūdū humanā naturā, profectō  
 aliquid aliud est in eo eximiū magis q̄ oratio: nepe  
 quod quicquid impetrat, ipso iudice & tanq̄ rege  
 ordinante ad nos peruenit. Quamobrē dicendū po-  
 tius erit ei secūdū humanā naturā, vt misceatur  
 nostri, suscipiat deprecationē nostrā & adiuuet nos,  
 q̄ vt pro nobis preces fundat: Sicut fecisse illos le-  
 gimus, qui eū in hac vita pro sanitate precati sunt,  
 dicentes: Misere nostri fili Dauid, adiuua nos.  
 Martha verò dixit ei, fratre mortuo: Sed & nunc  
 scio quia quæcunque poposceris à Deo dabit tibi

2. argumē-  
tum.

Responso.

Luc. 8.  
Marc. 9.  
Ioan. 11.

F

Deus.



## PRO INVOCATIONE

Deus. quod idem est ac si dixisset: Ora Deum. Nec eam Christus velut male locutam arguit, imò verò usque adeò approbavit, vt cùm Lazarum suscitaret, gratias egerit Deo patri quòd orationem suam exaudisset. Patet igitur, si idem quoque faceremus, nil nos falsi de Christo dicturos: quamuis ob rationes nunc paulò antè præmissas non conueniat.

3. Ratiocinatio.

Lib. 8. de trinit.

Rom. 5.

Ioan. 16.

Tertiò argumentatur: Christus dicit Ioannis 16. Non dico vobis quia ego rogabo patrè de vobis: ipse enim pater amat vos. Quod Hilarius tractans: Caret, inquit, intercessionis necessitate perfecta de filio fides. ergo iam non rogat ampliùs patrem pro iustis & electis. Respondeo Christum his verbis tantùm pronunciare, se non debere patrem rogare pro Apostolis credentibus & amantibus se, tanquàm pro inimicis Dei patris, & velut à quibus pater alienatus esset: eo quòd Deus pater satis candidè afficitur erga eos, qui iam in Christum credunt, quibusq; est reconciliatus. In huiusmodi enim locum habet illud Apost. ad Rom: Cùm adhuc peccatores essemus, secundùm tempus pro nobis Christus mortuus est. Multò igitur magis nunc iustificati in sanguine ipsius, salui erimus ab ira per ipsum. Si enim cū inimici essemus, reconciliati sumus Deo per mortem filij eius, multò magis reconciliati salui erimus in vita ipsius. Nam vt hìc significat Apostolus faciliùs saluandos homines iam iustos quàm impios iustificandos: Ita etiam Christus verbis illis designat homines iam iustificatos, quatenus iusti sunt mediatore non egere, etsi alia ex parte egeant: qua nimirùm adhuc & ab infirmitate sanandi, & à peccato redimendi sunt. Ratione prioris dicebat Apostolis suis, Non dico vobis, quia ego rogabo patrem de vobis, et c. non ratione posterioris. Vnde Augustinus, ne hinc quis statueret Christum secundum humanam naturam non orare pro nobis, interpretatus est ea ver-

verba de Christo secundum diuinam naturam. Cyrillus in eundem locum scribens studiosè admonuit, ne quis ex illis verbis reputet se non egere Christo tanquam aduocato. Petere aliquid per orationem à patre (inquit) nullo modo permittit nisi in nomine suo: patremq; facillimè daturum pollicetur, non solum mediatione sui, sed vltro ad hoc preparatum, quasi debitum redderet ihs qui Christum peramant. Nec vllus putet propter tantam patris beneuolentiam non indigere nos Christo. Omnia enim per ipsum ex patre in spiritu sunt. Aduocatus enim est. Hæc Cyrillus. Possunt interim & secus intelligi dominica verba: Et non dico vobis quòd ego rogabo patrem de vobis, vt videlicet referatur ad tempus quo post resurrectionem vniuersalem plenum erit electorum omnium gaudiū, nec ampliùs quicquam restabit desiderandum. Precessit enim: Petite & accipietis, vt gaudium vestrum sit plenū. Et post pauca: In illo die in nomine meo petetis. vbi repete ex præcedentibus: Et accipietis, vt gaudium vestrum sit plenum. Ac deinde de tempore non petitionis, sed pleni gaudiij per præcedentes orationes in nomine Christi iam obtenti, subditur: Et non dico vobis quia ego rogabo patrem de vobis, Ipse enim pater amat vos, hoc est, perfectè amabit, cum vos fecerit beatos, quia vos me amatis, in hac vita scilicet, seruantes præcepta mea, & credidistis quia à Deo exiui. Augustinus 10. cap. lib. 1. de trinitate, refert illud: Et nō dico vobis quia rogabo patrem et c. ad tempus futuri seculi, quando Deus erit omnia in omnibus. Argumentatur alius ad confirmationem eiusdem sententiæ: Christi oratio, inquit, quam Deo patri in hac vita obtulit, exaudita fuit, Igitur non est opus vt reiteretur iam in cœlo. Sic enim Apostolus ex eo quòd vna oblatio Christi consummauit in sempiternum

4. Ratio-  
cinatio al-  
terius.  
Hebr. 10.

## PRO INVOCATIONE

sanctificatos, docet non amplius eam iterari: & eas oblationes quæ iteratæ sunt, ex ipsa sui iteratione fuisse inefficaces. Igitur si Christus nunc orat pro vnitæte & sanctificatione fidelium, videtur, inquit ille, hoc ipsum frustra post cœnam petisse, nec quicquid à patre tum impetrasse. Respondeo, In sacrificio, cuius virtute super hominû peccatis placatur Deus, exoluitur precium pro peccatis: ac proinde si denuo hoc sacrificium repeteretur, satis liquidè appareret, non fuisse iustum precium antea exolutum. At oratio Christi, precium non soluit, sed petit ut Deus id præstet, quod Christi passione sua est promeritus. Ideoque apud Ioannem in oratione sua primum commemorat precium persoluumdum. Ego, inquit, pro eis sanctifico me ipsum. Nunc verò apparet vultui Dei pro nobis, solutum ostendens precium. Tamdiu ergo orat donec totum, quod sua est passione promeritus, acceperit. Quemadmodum operarius qui labore diurno aliquam summam pecuniæ est lucratus, iniquè cogeretur eundem laborem iterum subire, ut stipendium persoluti iam operis acciperet, Tamdiu tamen rectè instat pro mercede, quamdiu non totam accepit: & tamdiu potest manus exhibere apertas, quamdiu non fuerint omnes ei debiti nûmi numerati. Oratio verò sancti desiderium simile est apertioni sinus vel manus, ut ait Augustinus in canonicam Ioannis, tract. 4. Apostolus autem cap. 10. ad Hebræos, cû diceret: Vna oblatione consummauit in æternum sanctificatos, præmiserat: Hic unam pro peccatis offerens hostiam, in sempiternum sedet in Dextera Dei, de cetero expectans, donec ponantur inimici eius scabellum pedum eius: confirmans nepe quod dicimus. A quo enim expectat Christus inimicorum subiectionem nisi à Deo? Id autem est orare: à Deo nimirum aliquid expectare, præsertim si hoc nostrum desiderium Deo pate-



patefaciamus: quod Christum facere non dubiū est. Cæterum quid mirum, Christum nunc orare pro nobis, cum etiam post resurrectionem in euangelio dicat se ministraturum nobis secundum humanam naturam? Beati, inquit, sunt serui illi quos cum venerit Dominus, inuenerit vigilātes. Amen dico vobis quod præcinget se, & faciet illos discumbere, & transiens ministrabit illis. Quod in Apocalypsi explicans Ioannes: Agnus, inquit, qui in medio throni est, deducet eos ad vitæ fontes aquarum. Sicut enim nunc (teste Augustino) tota redempta ciuitas, hoc est, cōgregatio societasq; sanctorum, vniuersale sacrificium offertur Deo per sacerdotem magnum, dum pro ea & orat & gratias agit (tam enī ipsa Ecclesia per Christum q̄ Christus per Ecclesiam consuevit offerri): Ita post resurrectionem tradet Christus regnum Deo & Patri, offerens ei cum gratiarū actione seipsum & omnes electos, vt Deum videāt, & in eo requiescāt. Atq; hac ratione futurū est quod illa scriptura dicit: Et transiēs ministrabit illis. Quia non in humanitate sua finet eos conquiescere, sed vsq; ad contemplationem diuinitatis eos deducens Deo eos tradet, Sicut bene exponit Greg. hom. 13.

Luc. 12.

Apoca. 7.

Lib. 10 de  
ciuit. Dei,  
cap. 20.

Luc. 12.

Chrysostomus etiam negare videtur Christum in hac vita orasse, vbi ait: Quid autē significat, Quoniam audisti me? hoc est, nulla in re tibi contrarius sum. Quemadmodum igitur ea particula, Quoniā audisti me, non signat quod ipse non potuerit: non enim tantum impotētia esset, sed stultitia, siquidem ante preces nescisset eum sibi assensurū, & si nesciebat quomodo dixit, Vado vt à somno excitem illū: & non dixit, Vado vt rogem patrem vt excitet? Quemadmodum, inquam, id non imbecillitatis, sed stultitiæ, ita & illa, Quia semper me audis, aut idem signat, aut ad illorū locutus est suspicionem. Quod si neque ignorabat, neque imbecillis erat, constat

Hom. 63.  
in Ioannē

## PRO INVOCATIONE

propterea humiliter locutum, vt saltem id per excessum dictum cogaris confiteri, nō secundum eius dignitatem, sed vt ad auditorum descēderet imbecillitatem: ideo dixit, Quoniam me audisti. Minimè, inquires, sed vt ostenderet excellentiam. Atqui hoc pacto & nimiam humilitatem, & tantum hominem esse indicabat. Neq; enim precari Dei est, & eius qui Deo assidet. Et homil. 14: Quid autem amplius haberet Christus q̄ Apostoli, si ad mittendū spiritum esset patrē rogaturus, quod illos nōnunq̄ sine precibus fecisse apparet? Et infra: Quid ergo sibi vult, Rogabo? Aduentus tempus significat. Quādo enim eos per sacrificium mundauit, tunc inspiratus est spiritus. Et homil. 79: Neq; Euangelista orasse Christum dicit, sed subleuatis oculis in cœlum, & potius sermonem ad patrem esse ait. Quod si alibi orationem appellat, & genu flexum dicit, tūc autem oculos in cœlum extulisse, noli perturbari etc. Hic, inquam, videri posset Chrysostomus sentire, nec quidem in hac vita Christum orasse. Sed absit vt claris scripturis psalmodum, euangeliorum, Apostoli ad Hebręos, & alijs catholicis dōctoribus contradicat: Imò vt sibiip̄si homil. 84. in Mattheum dicenti: Orat Christus intentius, adeo vt vel sudores vberius defluerint: ea rursus de causā ne hypocrisis res ista videatur. Item homilia contra eos qui ad missas non occurrerunt: vbi docet Christum orasse non secundum diuinitatem, sed humanitatem, Veniens, inquit, Christus ad locum orat: & illi quidem (Arriani scilicet) dicunt, Quia secundum deitatem. Nos verò dicimus quia secundum dispensationem. Quæ verba citātur in sexta synodo, actione 10. Quæ cum ita se habeant, quid est quod alibi dicit: Precari non est Dei & eius qui Deo assidet? Quomodo itē dicit illud, Rogabo, non propriè accipi? Nimirum

Idem.

Chrysos.

rum quandoque considerauit Chrysost. conditionem & formam orationis nostræ, qua eiusce rei gratia oramus quam nō scimus certō nos accepturos. Certē tali oratione non est vsus Christus. Sicut enī is cui<sup>9</sup> veracitas nobis bene cōperta est, dicitur quodam sermonis schemate donare cū se promittit donaturū: iuxta illud Apostoli, Omnia cum illo nobis donant, Et: Abrahæ per repromissionem donauit Deus, Et: Donauit tibi Deus omnes qui nauigant tecum: Ita simili tropo dicitur is, cui donum promissum est, accepisse, & proinde nec debere orare: ea scilicet oratione qua is orat, qui necdū vel re, vel saltem promissionis certitudine accepit, (Quinquā alio genere orationis debeat vti is, qui etiam securus est se esse accepturum). Quemadmodum (verbi gratia) Dauid iam accepta magnifica promissione de æternitate regni per Christum ex se nasciturū, orabat; Nunc ergo domine Deus verbum quod locutus es super seruum tuum, & super domum eius, suscita in sempiternum. Huiusmodi est omnis oratio Christi, qua pro salute hominum, de qua securus erat, orauit. Hunc sensum esse verborum Chrysostomi vel ex eo patet, quōd orationem Christo auferre videatur in ihs vbi certus erat se exaudiendum: vbi autem ex appetitu sensualitatis legitur recusasse mortem quam tamen erat passurus, liberē eā orasse cōfitetur. Hāc quoq; esse eius sententiam patet ex eo quod loco citato ait: Ea particula, Quoniam audisti me, non signat quōd ipse non potuerit: Non enim tantū impotentia esset, sed stultitia, si quidem ante preces nescisset eum sibi assensurum. & si nesciebat, quomodo dixit: Vado vt à somno excitem eum, Et nō dixit: vado vt rogem patrem vt excitet? Quemadmodum, inquam, id non imbecillitatis sed stultitiæ:

Rom. 8.  
Galar 3  
Act. 27.

2. Reg. 7.

Hom. 63.  
in Ioannē



## P R O   I N V O C A T I O N E

*Idem.*

*Chrysos.*

propterea humiliter locutum, ut saltem id per excessum dictum cogaris confiteri, non secundum eius dignitatem, sed ut ad auditorum descenderet imbecillitatem: ideo dixit, Quoniam me audisti. Minimè, inquires, sed ut ostenderet excellentiam. Atqui hoc pacto & nimiam humilitatem, & tantum hominem esse indicabat. Neque enim precari Dei est, & eius qui Deo assidet. Et homil. 14: Quid autem amplius haberet Christus quam Apostoli, si ad mittendum spiritum esset patrè rogaturus, quod illos nonnunquam sine precibus fecisse apparet? Et infra: Quid ergo sibi vult, Rogabo? Aduentus tempus significat. Quando enim eos per sacrificium mundauit, tunc inspiratus est spiritus. Et homil. 79: Neque Euangelista orasse Christum dicit, sed subleuatis oculis in cælum, & potius sermonem ad patrem esse ait. Quod si alibi orationem appellat, & genu flexum dicit, tunc autem oculos in cælum extulisse, noli perturbari etc. Hic, inquam, videri posset Chrysostomus sentire, nec quidem in hac vita Christum orasse. Sed absit ut claris scripturis psalmodum, euangeliorum, Apostoli ad Hebræos, & alijs catholicis doctoribus contradicat: Imò ut sibiipsum homil. 84. in Mattheum dicenti: Orat Christus intentius, adeo ut vel sudores vberius defluerint: ea rursus de causa ne hypocrisis res ista videatur. Item homilia contra eos qui ad missas non occurrerunt: ubi docet Christum orasse non secundum diuinitatem, sed humanitatem, Veniens, inquit, Christus ad locum orat: & illi quidem (Arriani scilicet) dicunt, Quia secundum deitatem. Nos verò dicimus quia secundum dispensationem. Quæ verba citantur in sexta synodo, actione 10. Quæ cum ita se habeant, quid est quod alibi dicit: Precari non est Dei & eius qui Deo assidet? Quomodo item dicit illud, Rogabo, non propriè accipi? Nimirum

rum quandoque considerauit Chrysoft. conditionem & formam orationis nostræ, qua eiusce rei gratia oramus quam nō scimus certō nos accepturos. Certē tali oratione non est vsus Christus. Sicut enī is cui<sup>9</sup> veracitas nobis bene cōperta est, dicitur quodam sermonis schemate donare cū se promittit donaturū: iuxta illud Apostoli, Omnia cum illo nobis donant, Et: Abrahæ per repromissionem donauit Deus, Et: Donauit tibi Deus omnes qui nauigant tecum: Ita simili tropo dicitur is, cui donum promissum est, accepisse, & proinde nec debere orare: ea scilicet oratione qua is orat, qui necdū vel re, vel saltem promissionis certitudine accepit, (Quanquā alio genere orationis debeat vti is, qui etiam securus est se esse accepturum). Quemadmodum (verbi gratia) Dauid iam accepta magnifica promissione de æternitate regni per Christum ex se nasciturū, orabat: Nunc ergo domine Deus verbum quod locutus es super seruum tuum, & super domum eius, suscita in sempiternum. Huiusmodi est omnis oratio Christi, qua pro salute hominum, de qua securus erat, orauit. Hunc sensum esse verborum Chrysoftomi vel ex eo patet, quod orationem Christo auferre videatur in ihs vbi certus erat se exaudiendum: vbi autem ex appetitu sensualitatis legitur recusasse mortem quam tamen erat passurus, liberē eā orasse cōfitetur. Hāc quoq; esse eius sententiam patet ex eo quod loco citato ait: Ea particula, Quoniam audisti me, non signat quod ipse non potuerit: Non enim tantū impotentia esset, sed stultitia, si quidem ante preces nescisset eum sibi assensurum. & si nesciebat, quomodo dixit: Vado vt à somno excitem eum, Et nō dixit: vado vt rogem patrem vt excitet? Quemadmodum, inquam, id non imbecillitatis sed stultitiæ:

Rom. 8.  
Galar. 3  
Act. 27.

2. Reg. 7.

Hom. 63.  
in Ioannē

PRO INVOCATIONE

Ita & illa, Quia semper me audis, aut idem signat, aut ad illorum locutus est suspicionē. Hic enim dicit, vt quis orare dicatur requiri, vt ignoret an sibi Deus assentietur: ac proinde, quia eiusmodi ignorantia non erat in Christo, ideo (eo sensu) non fateatur eum orasse. Et addit quod tantum hominem eum esse ostenderet oratio. ea scilicet quæ est cum ignorantia futuri. Sic homil. 13. in epistolam ad Hebræos: Non ad tempus tantum, inquit, interpellat, sed etiam illic in futura vita. Semper ergo opus habet deprecari? Et quomodo hoc rationem habebit? Et homines enim iusti sæpius ex vna petitione totum impetrant, ipse autem semper postulat? Ecce dicit Christum non opus habere precatione, quia iusti sæpenumerò ex vna petitione totum impetrant. hoc est, securi redduntur quod accipient. sicut angelus Paulo oranti dicebat: Donauit tibi Deus omnes qui nauigant tecum.

Act. 27.

Quo sensu nō oret Christus.

Homil. 13  
in epist. ad  
Hebræos,  
tractās il-  
lud, Semp  
uiuens ad  
interpel-  
landū etc.

Secundum diuinitatem igitur, negat Chrysostomus Christum orare: & secundum humanam naturam, eo genere orationis quod cum ignorantia & incertitudine accipiendæ rei petitiæ coniunctum est. Nam quod Chrysostomus etiam Christum secundum humanam naturam iam in cælo orare pro nobis doceat, eo quidem modo, qui ei secundum diuinam naturam non competit, nec sola corporis ostensione, sed etiam mentis locutione, clarè patet quando dicit: Vides quia de eo qui secundum carnem est ista dicit? Quando enim sicut pontifex est, tunc etiam interpellat: vnde & quando dicit Paulus: Qui etiam interpellat pro nobis, hoc idem significat: hoc est, Pontifex interpellat: Alioqui qui resuscitat mortuos, quos vult & viuificat, sicut Pater: quomodo, vbi saluatione opus est, interpellat? qui omne iudicium habet omnium quomodo interpellat? qui mittit



mittit angelos, vt alios quidem in caminum mit-  
tant, alios autem saluent, quomodo interpellat? Et Idem.  
infra: Semper viuens ad interpellandum pro eis.  
vides humilitatem, vides humanitatem? Non enim  
dixit eum in humilitate constitutum duntaxat istud  
adeptum esse, sed semper & quodocumq; opus fue-  
rit interpellare pro eis. Quid est, ad plenum? Non ad  
tempus tantum, sed etiam illic in futura vita. Sem-  
per ergo opus habet deprecari? Et quomodo hoc  
rationem habebit? Et homines enim iusti sæpè ex  
vna petitione totum impetrant, ipse autem semper  
postulat? Quare ergo confidet? Intueris quia ad ca-  
ptum illorum sese dimittit, ac si dicat: Nolite time-  
re, Nec dicatis, etiam, diligit quidē nos & fiduciam  
habet ad patrem, sed nō potest semper viuere. Sem-  
per enim viuit. Talis enim decebat vt nobis esset  
pontifex, sanctus, innocens, impollutus, segregatus  
à peccatoribus. Vides quia de humilitate totū hoc  
dictum est. Quando autem totum dico, humanitatē  
dico diuinitatem habentem: non diuidens, sed per-  
mittens quæ condecet inspicere. Homelia verò 39. in  
Matthæum apertissimè: Cur verò (ait) gratias agit  
patri, cum ipse illud fecerit? sicut orat & intercedit  
pro nobis ad Deum ex magna erga nos charitate,  
sic etiam & hoc ex charitatis feruore peragit. Hæc  
paulò fusiùs nos de Christi oratione dicere coege-  
rūt aduersarij. Quia vt inuocationem sanctorum in  
cœlis agentium magis reddant dubiam: etiam con-  
tra apertam scripturam, pro nobis Christum orare  
negant.

*Non repugnat orationi certitudo obtinendi: sicut nec ad  
eam requiritur.*

CAPVT XVI.

**P**Er bellum verò est, quod ait Monhemij de-  
fensor, Monhemij, si tergiuersari volet, dictu-  
rum spiritus beatorum de volūtate Dei erga

F v

nos

## PRO INVOCATIONE

nos adeo certos esse, ut orare nec velint, nec possint. *Quæ quidem (addit ipse) certitudo longè conuenientior erit statui beatorum quàm angor & tristitia, quàm theologastri illis tribuunt, de nostra, seu perfidia, seu vitiositate.* Insignis, inquam, Monhemij defensio. Monhemius ad hoc ut nos mortales rectè oremus, exigit certâ de diuina erga nos beneuolentiâ persuasione: More scilicet hodiernorum hæreticorum patrum suorum, ut ex initio sexti dialogorum Monhemij patet, supràque ostendimus. Artopæus verò ex certitudine de bona volūtate Dei erga nos tollit orationem sanctorum pro nobis. O hæreticorum vertiginosum spiritum. Oratio mortalium sine certitudine vitatur. Sanctorum verò in cœlis iam agētium oratio per certitudinem destruitur. Hæc sunt portēta Monhemij & Artopæi. At catholici, sciunt orationem nec annexam habere certitudinem optatis potiendi: sicut

2. Cor. 12. Apostolus orauit Dominum, ut auferret à se stimulum carnis suæ, ignorans an id esset obtenturus: nec per

Exod. 8. certitudinem tolli: quomodo Moyses orauit pro spōsione ranarum quam cōdixerat Pharaoni, & Christus pro his qui sibi à patre dati erant, quos sciebat saluandos. Sycophanticam & illud est, eos quos spiritu maledicentiæ theologastros passim appellat, tribuere sanctis cum Christo in cœlis agentibus, angorem & tristitiam de nostra perfidia vel vitiositate: Cum non aliter doceât sanctos supernè agētes sollicitos esse de malis nostris, quàm sunt sancti angeli, qui sine vlla sui perturbatione, etiam fatentibus aduersarijs, pro nobis orant. Ex eadem stomachi impuritate processit & illud: *Pius quidam vir ante aliquot annorum centurias, ab inuocatione & meditatione defunctorum sanctorum, ad solum Deum omnis boni fontem, eiusq; filij meritum, magna voce nos reuocauit, dum in hymno ita cecinit:*

*Adiuuent*

*Adiuuent nos eorum merita  
Quos propria impediunt scelera?  
Excuset eorum intercessio,  
Quos propria accusat actio?*

Si tibi is pius est, Artopæe, qui reuocat nos à petenda intercessione eorum qui propria actione accusantur, impius est Paulus Apostolus, cū petit Romanorū, quos haud dubiè propria in multis arguebat actio, intercessionē: Impius erat populus Israel, qui Samuelis preces, utiq; in multis offendentis, petiuit: Impius Iacob<sup>9</sup>, qui hortatur eos quos in multis dicit offendere, ut pro se inuicem orent. Sed præclare iuxta ac piè scribitur Artopæo, quicquid pro sententia eius facit, etiam si in Deum impium sit & blasphemum. Audi igitur, Sycophanta Artopeæ, verba pñ viri, ante aliquos annorum centurias in solennitate quadam ecclesiæ sic dicentis: Concede nobis Domine quæsumus, veniam delictorum, & intercedentibus sanctis, quorum hodie solennia celebramus, talem nobis tribue deuotionem, ut ad eorum peruenire mereamur societatem. Adiuuent nos eorum merita quos propria impediunt scelera: Excuset intercessio, accusat quos actio: & qui eis tribuisti cœlestis palmam triumphi, nobis veniam non deneges peccati. Et expendat lector quàm tu nōq; ex quibus hausisti, fideliter hæc citaueritis. Certè valde cæcus est qui non videat in dictis verbis relatiuum accusatiui casus (quos) bis repetitum, non referre genitiuum (eorum) sed accusatiuum, nos. Quòd autem cum interrogatione illa legis, quæ est impudentia? cum facillè simplex quisque lector, si quæ sequuntur legat, videat te non syncerè agere. Magna certè est vestra impudentia & malitia, quæ nequit typographi vel scribæ contigisse incuria; quemadmodum illa duarum senten-

Rom. 15.

1. Reg. 12.

Iac. 3. &amp; 5



PRO INVOCATIONE

sentētię Chrysostomi vocum omīssio in libro Coloniensium, quam liuidē nimis exagitas.

*Argumenta quę fiunt contra Sanctorum intercessionem & inuocationem, refelluntur ex sanctorum angelorum intercessione & inuocatione.* CAP. XVII.

**Q**uia verò deinceps dicit Monhemius angelos non esse inuocādos, adhuc hīc aliquantulum hārendum est. Hīc igitur repete, lector, quod antē ostendimus, omnia argumenta quę ab aduersarijs ad impugnandam sanctorum in cōlis regnantium inuocationem adducuntur, æquē validē contra Apostolum Romanorum preces petentem allegari posse, exceptis tamen duobus, Vno quidem ex eo sumpto quod negant sanctos illos orare pro nobis, altero verò quod eos preces nostras non cognoscere dicant. Sed cum hęc duo de angelis dicere non audeāt, vtpote de quibus disertē scriptum legimus, Zach. 1. quod orent pro nobis, In Psalmo : quod in omnibus vīs nostris nos custodiant, In Tobia & Apocalyp. quod orationes nostras Deo offerant, In Daniele, quod solitudinem de hominibus gerant, & vnus alterum iuuēt ad hominum promouendam vtilitatem : De quibus denique pronunciat Christus quod etiam pusillos in Christum credentes custodiant, & quod eis vel vnius peccatoris reuelet pœnitentiā: Cum, inquam ex tot scripturis constet angelos precari Deum pro nobis, & omnes vias nostras satis perspectas habere, nos custodire, nosse pœnitentiam nostram, quid nocebit, vel quid piaculi, si eorum agnoscamus & officium, & beneuolum erga nos affectum? si petamus ab eis vt quod agere cupiunt, agant, hoc est, vt pro nobis orent, nos custodiant, nos adiuuent? Certē si quo pacto veritatis studio mouerentur aduersarij,

Psal. 90.  
Hilarius  
eadē ferē  
verba habet  
ī Psal. 129.  
super hoc: Fiant  
aures tue.  
Matth. 18.

farī, iam pridem compulsi essent cedere, & ex illis  
 quæ ipsimet ex scripturis cōuicti concedunt, fateri  
 vnā nobiscum, non solū licitū, verū etiam saluta-  
 re & planè religiosum, sanctos angelos implorare.  
 Hoc verò concesso, cum pronunciet scriptura, san-  
 ctorum animas non esse mortuas, sed iam cum pa-  
 triarchis viuere, eòq; per angelos deduci, esse item  
 cum Christo presentes ad Dominum, non ampliùs  
 ambulare per fidem, sed ipsam cōtemplari speciem,  
 facile profectò est ostendere, nihil cum beatitudine  
 sanctarum animarum pugnare quòd dicantur orare  
 pro nobis, sicut nec cum Christi vel angelorū bea-  
 titudine pugnat: & eandem esse rationem, cur tam  
 illis quàm sanctis angelis debeat Christus indicare  
 ouem perditam esse inuentam, nempe quòd æquè  
 vt angeli, vicini & amici sint, quos ad congratulan-  
 dum Christus inuitet, non minus per charitatē iam  
 valde perfectam desiderantes peccatorum conuer-  
 sionem quàm angeli. Nos intercessionē & inuo-  
 cationem sanctorum angelorum ex patribus osten-  
 damus, idq; primū authoritate Hilarī, sic dicen-  
 tis: Intercessione angelorum non natura Dei eget,  
 sed infirmitas nostra. Missi enim sunt propter eos  
 qui hæreditabunt salutem, Deo nihil ex his quæ  
 agimus ignorante, sed infirmitate nostra ad rogan-  
 dum & promerēdum spiritualis intercessionis mi-  
 nisterio indigente. Rursus: Angeli pusillorum præ-  
 sunt fidelium orationibus. Præesse angelos absoluta  
 autoritas est. Saluatorum igitur per Christū ora-  
 tiones angeli quotidie Deo offerunt. Ergo pericu-  
 losè ille cōtemnitur, cuius desideria, ac postulatio-  
 nes, ad æternum & inuisibilem Deum, ambitioso  
 angelorum famulatu ac ministerio peruehuntur. Et  
 paulò post: Angelis in cœlo est lætitia, & cura salu-  
 tis humanæ. Et in Psal. 124: Sed neque desunt stare  
 volentibus sanctorum custodiæ, neq; angelorum  
 munitio-

Luc. 16.

2. Cor. 5.  
Philip. 1.In Psal.  
129.

Canone  
 18. i Mat.  
 vbi expli-  
 cat: Vide-  
 te ne con-  
 temnatis  
 vnum de  
 pusillis  
 istis, etc.

PRO INVOCATIONE

*Basilii.* munitiones. Et infrà: Ac ne leue præsidium in Apostolis, vel patriarchis, ac prophetis, vel potius angelis, qui ecclesiam quadam custodia circumsèpiunt etc. sicut antè citauimus. *Basilii* quoque in Psal. 33. de angelis loquens: Sanctæ (inquit) spirituales virtutes circa cœlestem versantes locum, aliquæ oculi dicuntur, quòd curam susceperint nos interuifendi, curaque nostri omnium illis concredita sit: nonnullæ aures, vt quæ nostras excipiunt preces. Libro item de sancta virginitate, dicit quòd angeli vbique præsentés sùnt, & omnia quæ hîc geruntur inspiciunt. *Augustinus:* Indignatio (inquit, explicans illud Iob: Etenim stultum perimit ira) qua quisque angitur tanquam iniquè sibi aliquid acciderit: dum non cogitat vsque adeò se immun- dum esse coram Deo, vt inuocanti non angeli respòdere, aut se demonstrare dignati sùnt etc. Rursus in ñsdem annotationibus, super hoc: Misere mini mei, misere mini mei, ô amici: Angelos, ait, videtur Iob postulare vt pro se deprecetur, aut certè sanctos vt pro pœnitente orent. Libro de cura pro mortuis dicit angelica ministeria vsquequaq; diffusa. Postremò, 12. cap. lib. 10. de ciui. Dei: Cum exaudiunt angeli Dei, ipse in eis exaudit, tanquam in vero nec manufacto tēplo suo, sicut in omnibus sanctis suis eius quæ temporaliter sùnt iussa, æterna eius lege conspecta. Similiter Hieronymus ad illud Danielis: Et nemo est adiutor meus in omnibus his nisi Michael princeps vester: Ego sum angelus ille qui offero Deo orationes tuas: & nullus est alius qui adiutor meus sit, rogando pro vobis Deum nisi Michael archangelus: cui creditus est populus Iudæorum. *Ambrosium* antea citasse sufficere poterat, nisi & breuia & clara nimis essent eius verba in 2. hexameron, super illis verbis Domini: Angeli cœli semper vident faciem patris mei: Et volatilia, inquit,

*Basilii.*  
Explicans  
hoc: Ocu-  
li domini  
super iu-  
stos, & au-  
res eius in  
preces  
eorum.

*August.*  
Super 5.  
cap. Iob.

Cap. 16.

*Hieron.*  
Daniel. 10

*Ambros.*

Cap. 4.



inquit, circa firmamentum cœli, eò quòd potestates quę sunt in illo visibili loco, spectēt hęc omnia, & subiecta suis habeant conspectibus. Et in lib. de viduis: Obsecrandi sunt angeli pro nobis qui nobis ad præsidium dati sunt. Et lib. 10. in Lucam: Hoc proficit ad incentiua probitatis, si vnusquisq; conuersionem suam gratam fore credat cœtibus angelorum, quorum aut affectare patrociniū, aut vereri debet offensam. Beda deniq;: Mox, inquit, vbi futuras hostis antiqui infidias perspicim⁹, vnicū nobis refugiū foramina petrae nostrae, id est, dominicae fidei præsidia intremus, ac signo nos passionis illius defensare studeamus. Sed & cauernam macerie cito volatu petamus, id est, sanctorū vel angelorum vel hominū crebras pro nobis intercessionēs apud misericordiam pī conditoris quęramus. Quod cū vniuersis fidelibus, tum illis maximè probatur esse necessarium, quibus non sui solummodò cura, sed & aliorū gubernādorū atq; erudiendorū est onus impositū. Hęc sunt enī firmissima ac tutissima sanctę ecclesię præsidia: propter quę superiūs à Dño audiuit (scilicet ecclesia): Surge amica mea, & veni colūba mea, in foraminibus petre, in cauerna macerie. Hęc ille. Attēdat lector beneuolus, quanta concordia, quantaq; sententię conformitate hęc à tam diuersis dicta sint: vt petulātia sit maxima iam velle aliquid diuersum proprio cerebro effutire.

*Beda.*  
Lib. 4. in  
Cantica  
canticorū  
cap. 24.

*Quomodo Deus solus scrutetur corda. CAP. XVIII.*

**Q**Uod ergo in ore semper habent hæretici: Solius dei est scrutari corda (iuxta Salomonem in lib. Regū) igitur solus Deus preces nostras nouit, facile ex præmissis diluas. Cur enim, si tam leuiter argutari libeat, nō similiter dicas: Solus Deus nouit corda, ergo Romani, quibus vel viua voce, vel scripto sese cōmendabat Paulus, vt pro se ora-

3. Reg. 8.

Rom. 15.

## P R O   I N V O C A T I O N E

Lib. de  
sanctavir-  
ginitate.

Luc. 15.

3. Reg. 8.

se orarent, non nōrunt quid peteret Paulus? sed nimis ridiculū est, hoc vel cogitare. Si itaq; homines per verba possunt, quid velis, cognoscere: quid nī & angeli: qui teste Basilio, vbiq; præsentes sunt, & omnia quæ hic geruntur inspiciunt? Ad hæc, si amplius velis scripturam premere: Solus Deus novit corda, ergo angeli in cœlo nō cognoscūt quando pœnitentiam agat peccator, quando ovis perditā inueniatur (siquidem hæc in intimis cordis aguntur): & ita mentietur Christus, dicens esse gaudium coram angelis Dei super vno peccatore pœnitentiam agente. Non igitur illud Salomonis: Tu solus nosti cor omnium filiorum hominum: ideō dictum est, quasi nemini Deus vllas hominū cogitationes, desideria, atq; vota reuelaret, sed quia ipse solus ex se, perpetuō, exactē vsq; ad intima penetralia, omnium corda novit: alij verō, non omnium corda, sed quorūdam, nec omnia quoq; sed aliqua solummodo quæ in humano corde geruntur, eaq; nō exactē, sed ad mensuram, nec perpetuō, sed aliquando tantum, nō sua, sed diuina virtute & gratia cognoscūt.

*Quem cultum angelorum prohibeat Apostolus.*

### C A P V T   X I X.

**P**Ost hæc, aliud nugamentum adducunt aduersarij. Prohibet, inquiūt, Apostolus culturā seu religionem angelorum. Sed nos superius explicuimus qualem cultum damnet Apostolus, ex Chrysostomo & Epiphanio: eum videlicet, quem Simon Magus introduxerat, quo docebat sacrificia angelis offerre, angelos mediatores esse non Christum, ac maiorem esse Christum quā qui mediator esse debeat. Et talem cultum angelorum reiicit etiam Augustinus 10. confess. cap. vltimo. Chrysostomi interpretationi similes sunt Theophylacti, & Oecu-

& Oecumenij. Haymo autem paulò aliter explicat. Erant (inquit) philosophi gentium, & aliqui Iudeorum, qui dicebant: Sicut sunt quatuor elementa, ita sunt quatuor angeli, qui præsunt singulis elementis, Hi ergo dicebant ad illos qui crediderant, volentes apparere religiosi: Quia ex quatuor elementis constat, debetis angelis illis qui præsunt elementis, aliquam culturam & sacrificia offerre. Omittam commentarium Ambrosio inscriptum, qui per angelos intelligit stellas: & Hieronymum, qui angelorum nomine daemones hic putauit significari, quos adorârunt, iuxta Stephanum, Iudæi, dum militiam coeli coluerunt: quos & hodie adorant, dum legem obseruant. Ad Theodoretum venio, quem in hæc verba scribentem persuadere conantur aduersarij catholicæ sententiæ contradixisse, suamq; ipsorum comprobasse. Qui legem defendebant (inquit) eos etiam ad angelos colendos inducebant, dicentes legem per eos datam. Mansit autem diu hoc vitium in Phrygia & Pisidia. quocirca synodus quoq; quæ conuenit Laodicæ, quæ est Phrygiæ Metropolis, lege prohibuit, ne precarétur angelos: & in hodiernum vsq; diem videre licet apud istos, & eorum finitimos oratoria sancti Michaelis. Illi ergo hoc cōsuebant, vtiq; humilitate vtentes, dicentes vniuersorum Deū nec cerni, nec comprehendī, nec ad eum posse perueniri: & oportere per angelos diuinā sibi beneuolentiam conciliare. Rursum in cap. 3. tractās hoc: Gratias agentes Deo per ipsum: Quoniam, ait, illi angelos iuebant adorare, ipse contrarium præcipit: vt & dicta & facta exornent recordatione Christi Domini: & ideo, inquit, & patri gratiarum actionem emittite per ipsum, non per angelos. Hæc etiam legem sequens Laodicæna synodus, & volens veteri illi morbo mederi, lege cauit ne precarentur angelos, & ne relinquerent Dominum nostrum

Quæst.  
10. ad Al-  
gariam.  
Act. 7.

In 1. c. ad  
Colossian.

Idem.



## P R O   I N V O C A T I O N E

Cap. 35.

strum Iesum Christum. Hæc fateor Theodoretus scripsit, sed non contra catholicos, qui angelos ut pro se Deum orent, colunt, non eo modo quo illi in quos Theodoretus inuehitur, qui cultu longè diuerso, à Simone Mago tradito angelos adorabāt. Et hoc ipsum clarè liquet ex ipsa synodo à Theodoro citata, sic dicenti: Non oportet christianos derelicta ecclesia abire, & ad angelos idololatriæ abominandæ congregationes facere: quæ omnia interdita sunt. Quicumq; autem inuentus fuerit occultè huic idololatriæ vacans, anathema sit, quoniam derelinquens Dominum nostrum Iesum Christum filium Dei, accessit ad idola. En candide lector. sanctos angelos dicemusne esse idola? & cum eos oramus ut pro nobis Dominum nostrum Iesum Christum precentur, Christumne derelinquimus? absit. Non ergo fucum faciant aduersarij in re tam clara.

Verba sequuntur  
pag. 54.  
\* In c. 2.  
ad Collos.

Lib. 10.  
Registri  
cap. 71. a. 1  
Mellitū,

Cæterum si quis breuiter & dilucidè cognoscere velit, Theodoretum cum alijs catholicè de sanctorum inuocatione sensisse, legat ea quæ scripsit lib. 8. contra Græcorum affectiones. Nec hoc, quod supra citata verba eius habent. Usque in hodiernum diem videre licet apud istos & eorū finitimos oratoria sancti Michaelis, putet ita accipiendum, ac si ea oratoria improbaret: sed quòd ut facilius probaret illos Phryges superstitiosè deditos fuisse tali cultui, narret catholicos patres eiusmodi ritū idololatricū in licitum & sacrum iam postea cōuertisse, fecisseque ex templo idoli, sancti Michaelis oratorium, ut qui malo superstitiosoque angelorum cultui ibi dediti erant, eodem in loco per bonum & laudabilem cultum dedicerent noxium. Quale quiddam voluit etiam Gregorius primus facere Augustinum episcopum Anglosaxonum, ex simili occasione. Fana idolorum (inquit) destrui in eadem gente minimè debent, sed ipsa quæ in eis sunt idola de-

la destruantur : aqua benedicta fiat : in eisdem fanis aspergatur : altaria construantur : reliquiae ponantur . Quia si fana eadem bene constructa sunt , necesse est vt à cultu dæmonum in obsequium veri Dei debeant commodari : vt dum gens ipsa eadem fana sua non videt destrui , de corde errorem deponat , & Deum verum cognoscens ac adorans , ad loca quæ consuevit familiarius concurrat . Et quia boues solent in sacrificio dæmonum multos occidere , debet his etiam hac de re aliqua solennitas immutari : vt die dedicationis vel natalicio sanctorum martyrum , quorum illic reliquiae ponuntur , tabernacula sibi circa easdem ecclesias , quæ ex fanis commutatae sunt , de ramis arborum faciant , & religiosi conuiujs solennitatem celebrent , nec diabolo iam animalia immolent , sed ad laudem Dei in esu suo animalia occidant , & donatori omnium de satietate sua gratias referant : vt dum eis aliqua exterius gaudia referuantur , ad interiora gaudia consentire facilius valeant . nam duris mentibus simul omnia abscindere , impossibile esse , non dubium est , quia is qui locum summum ascendere nititur , gradibus vel passibus non autem saltibus eleuatur . Sic Israelitico populo Dominus in Ægypto se quidem innotuit , sed tamen eis sacrificiorum vsus , quos diabolo solebat exhibere , in cultu proprio seruauit , vt eis in sacrificio suo animalia immolare præciperet , quatenus commutantes aliud de sacrificio amitterent , aliud retinerent : vt etsi ipsa essent animalia quæ offerre consueuerant , veruntamen dum Deo hæc , & non idolis immolarent , iam sacrificia ipsa non essent . Hæc eo in loco Gregorius . Ex quibus constat multa gentiles cum fidelibus , & ediuerso fideles cum gentilibus habere exterius communia : in gentilibus quidem damnanda , quia per ea dæmonibus

## P R O   I N V O C A T I O N E

nibus seruiunt: in fidelibus autem laudanda, quia per ea martyribus, aut sanctis honorem exhibent. Iurat gentilis per cælum, & cultor est dæmonis: Iurat Moyses per idem, & cultor est Dei. Idem omnino extrinsecè est iuramentum, sed interior per ipsum cultus longè est diuersus. Qua de re pulchrè Hieronymus contra Vigilantium: Idololatrias (inquit) appellas, qui cereos accendunt. Non diffiteor omnes nos qui in Christo credidimus, de idololatriæ errore venisse. Non enim nascimur, sed nascimur christiani, & quia quondam colebamus idola, nunc Deum colere non debemus, ne simili eum videamur cum idolis honore venerari? illud fiebat idolis: & idcirco detestandum est. Hoc fit martyribus, & idcirco recipiendum est.

Ipsismet rude vulgus, tametsi de internis animorum affectibus, deq; rerum differentijs nesciat iudicare, nouit tamen, ex externis similibus non conuinci rerum identitatem: nouit ex simili passione non ritè colligi eiusdem esse dignitatis maleficum & martyrem. Sed mirandum non est hæreticos ad solam externam similitudinem humanorum actuum esse intentos (vnde accidit, vt putent idem agi à paganis, quod à christianis.) Cæci enim sunt, & duces cæcorum.

*Catholicos non tribuere martyribus soli Deo propria.*

## C A P V T   X X.

**A**Duersarij causantur nos sanctis id tribuere, quod solius Dei, vel Christi sit: vt, quod Mariam spem nostram dicamus: quod petamus peccata nostra solui ab Apostolis, & eorum ope sanari à peccatis nostris. At errant, non intelligentes neque scripturas, neque quæ loquuntur. Tamne labilis sunt memoriæ qui se scripturæ peritos putant,



putant, vt nesciant quid Apostolus dixerit: Omnibus omnia factus sum, vt omnes facerem saluos? Nonne Christus dicit correptori peccantis fratris sui: Si te audierit, lucratus es eum? An non Apostolus Theſſalonicenſes ſpem ſuam appellat, gaudiumq; in die Domini? Si itaque concionator quipiam, aut monitor, ob verbi miniſterium ſaluator hominum hominẽsque lucratus eſſe dicitur, ſi ſpes concionatoris ſunt ij, quos ipſe ad Dominum conuerterit: quanto magis qui in cœlis agẽtes nunquã non ſunt de noſtra ſalute ſoliciti, & p̃ſo nobis precantur Dominum, & meritis ſuis nobis opem ferunt: nos ſaluare, à peccatis ſoluere, & ſpes noſtra dicendi ſunt? non ita tamen ac ſi ſua authoritate id efficiant, ſed quia ſolicitudine & precibus ſuis, id impetrant: ſicut & ij, qui hĩc adhuc vitam degunt, ſpei aliquid ad ſalutem noſtram ſuis precibus addunt. Certẽ eccleſia propter inenarrabiles gemitus, quos ipſa edit aſſiduẽ, mater nuncupatur filiorum promiſſionis. Deo verò filium ſpiritualiter gignere, eſtne eum quadam ratione ſaluũ facere? Quinimò, non tantũ eccleſia, quæ in ſanctis eſt, tota ſingulos & omnes parit Deo, ſancta & indiuidua charitate regenerandos ad communicationem ſancti ſpiritus adiuuans, ſed etiam quælibet anima pia, faciens voluntatem Dei, in his quos charitate paritur, donec formetur Chriſtus in eis, Chriſti mater eſt, inquit Auguſtinus 5. capite lib. de ſancta virginitate. Imò, quod amplius eſt, cũ homini veraciter ad Deum conuerſo peccata dimittuntur, ab eis dimittuntur (inquit idem Auguſtinus) quibus ipſa veraci conuerſione coniungitur. Deniq; ipſe Ioannes de orante pro fratre peccante non vſq; ad mortem, dicit (iuxta Græcos codices): Dabit ei vitam. Illud verò quod ex cap. 8. libri de Paſtoribus allegat Artopæus, Sanctos cõtriſtandos, ſi in ipſis ſpem

1. Cor. 9.

Matth. 18.

1. Theſ. 2.

Aug. epiſ.  
23 ad Ro-  
maſaciũ.Lib. 6. de  
bap. cõtra  
Donatiſt.

1. Ioan. 5.

G iij noſtram

# PRO INVOCATIONE

nostram collocemus, eodem ipso loco explicat Augustinus, quod nimirum Dei honori derogemus, si in sanctis hominibus spēs nostrā sic coniiciamus, atq; si nostri essent redemptores, & ex se nobis auxiliari valerent: aut quasi in nomine eorum baptizati essemus, aut ipsi pro nostra redemptione fuissent crucifixi. Ostendit enim eo loco August. Donatum hæreticum, & Parmenianum (qui dicebant sacramenta non sanctificare, nisi à sanctis ministris tradantur) docuisse homines, vt in se, non in Domino spem suam collocarent: agitq; August. de hominibus hīc adhuc viuētibus, quos nō ignorabat à Paulo rogatos vt dñm pro se precarētur. Augustini verba hæc sunt: Superbia donati fecit sibi partē subsequētem, cū Parmenianus illius cōfirmavit errorē. Ille mons est, ille collis est. Sic omnis cuiuslibet author erroris terrena elatione intumescēs, pmittit ouibus requiē bona pascua: & aliquādo ibi inueniunt oues pascua de pluuiā dei, nō de duritia montis. Habēt enim & ipsi scripturas, habēt sacramēta: Nō sunt ista mōtiū, sed cū inueniūtur in mōtibus, male remanēt in mōtibus. Errādo enim in mōtibus, & in collibus deserēdo gregē, deserūt vnitatē, deserūt vnitas cohortes aduersus leones & lupos. Inde ergo reuocet Deus ipse: reuocet modō, audietis ipsum reuocantē: Errauerūt, inquit, oues meæ in omnē mōtē, & in omnē collē altum, hoc est, in omnē timorē terrenæ superbiae. Sūt enī & mōtes boni, Leuaui oculos meos in mōtes, vnde veniat auxiliū mihi. Et vide quia nō tibi in mōtibus spes est: Auxiliū, inquit, meū à Dño qui fecit cœlū & terrā. Noli putare iniuriā facere te montibus sanctis, quādo dixeris: Auxiliū meū non in mōtibus, sed à Dño qui fecit cœlum & terrā. Ipsi montes hoc tibi clamant. Mons erat qui clamabat: Audio in vobis schismata fieri, vt vnusquisq; vestrū dicat, Ego sum Pauli, ego Apollo, Ego Cephæ, ego autē Christi. Leua oculos in istū montē, audi quid

Cap. 8. li.  
de Pasto-  
ribus,

Eze. 34.

Psal. 120.

1. Cor. 1.

dicat, & in ipso remaneas, Audi etiā quid sequatur: Nūquid Paulus crucifixus est pro vobis? Ergo posteaquā leuaueris oculos tuos in mōtes, vnde venit auxiliū tibi, id est, in autores scripturarū diuinarū, attēde omnibus medullis suis, omnibus ossibus clauantē: Dñe quis similis tibi: vt securus sine vlla iniuria mōtiū dicas: Auxiliū meū à Dño qui fecit cœlū & terrā. Non solū tūc tibi nō succensebūt mōtes, sed tūc amabūt, tunc magis fauebūt: si in ipsis spem tuā posueris cōtristabuntur. Angelus multa diuina & mira ostendens homini, ab homine adorabatur: tanq̃ leuantē oculos in montē, ait ille se reuocās ad Dñm, Noli, inquit, facere, illū adora: nā ego cōseru<sup>9</sup> tuus sum, & fratru tuorū. Hæc ibi Aug. Similē locū habes apud eum tract. 4. in Ioā. Nostis, inquit, quia quidā homines dicūt aliquādo, Nos tollimus peccata hominibus, quia sancti sumus. Si enī nō fuerit sanctus qui baptizat, quomodo tollit peccata alterius, cū sit ipse homo peccator? Cōtra istas disputationes verba nostra nō dicamus, hūc legamus, Ecce agnus Dei, ecce qui tollit peccata mūdi. Nō sit præsumptio hominib<sup>9</sup> in homines, nō trāsmigret passer in mōtes, in dño confidat: & si leuat oculos suos in mōtes, vnde veniet auxiliū ei, intelligat q̃ auxiliū eius à dño, qui fecit cœlū & terrā. Tātē excellentiæ Ioānes: dicitur ei, Tu es Christus? dicit nō: Tu es Helias? dicit nō: Tu es ppheta? dicit nō: Quare ergo baptizas? Ecce agn<sup>9</sup> Dei, ecce q̃ tollit peccata mūdi. Similia sunt quę dicit tract. 1. in cano: Ioānis. Ex qbus quēdā citat Artopęus fol. 123. & 127. sed quę ibidem sequitur omittens: Hoc q̃ tenuit hæresim nō fecit, hoc q̃ tenuit scisma nō fecit: vnde enī facta sunt scismata? cū dicūt hoīes, nos iusti sum<sup>9</sup>: cū dicūt hoīes, nos sanctificam<sup>9</sup> immūdos, nos iustificamus ipios, nos petim<sup>9</sup>, nos impetram<sup>9</sup>: Ioānes autē qd dixit? Et si quis peccauerit, aduocatū habemus apud patrem

Psal. 82.

Apoc. 19.  
& 22.

Ioan. 1.

1. Ioan. 2.

G iij Iesum



## PRO INVOCATIONE

Iesum Christum iustū: sed dicet aliquis, Ergo sancti non petunt pro nobis? ergo episcopi vel præpositi non petunt pro populo? sed attendite scripturas & videte, quia & præpositi commendant se populo. **Colof. 4.** nam Apostolus dicit plebi: Orātes simul & pro nobis: orat Apostolus pro plebe, orat plebs pro Apostolo: oramus pro vobis fratres, sed & vos orate pro nobis: inuicem pro se omnia membra orēt, caput pro omnibus interpellet. Hactenus Augustinus. Nam hæc verba si adiecisset Artopæus, nihil omnino coloris haberent quæ dicit.

*Plurimum distare cultum quem exhibent sanctis martyribus catholici, ab eo quem gentiles deferunt idolis.*

## CAPVT XXI.

**S**imus Ioannem Ludouicum viues (quæ magno supercilio, velut acris iudicii adducūt aduersarij), in hanc rem impegisse, dum scripsit: **In cōmēt. In 27. cap. li. 8. de ciuit. Dei.** Multi christiani in re bona plerumque peccant, quod diuos diuāsque nō aliter venerantur, quā Deum: nec video in multis quod sit discrimen inter opinionem eorum de sanctis, & id quod gentiles putabant de suis dijs. Sed non admodum miramur: quod videlicet, cum exile haberet de rebus religionis iudicium, de ea tamen sibi iudicium permittens ita hīc & alibi hallucinatus sit. alibi, dico: quia docuit solum adultos olim baptismo ablutos fuisse: idque velut pro intellectu Augustini, cuius vigesimum caput lib. 1. de ciuitate Dei commentabatur. Non attēdebāt Ludouicus, se Anabaptistis fomentum vel occasionē erroris præbere. **In ca. 17. li. 9. de ciuit. Dei.** Alio loco damnat eos, qui putant improprio sensu dici, filium Dei hominem assumpsisse. Vtrumque scripsit ex mera imperitia eorum, quæ contra Pelagium & Nestorium à veteribus concilijs, & tractatoribus definita

definita & disputata sunt. Differentia porro inter cultum sanctorum & paganorum ritum, satis perspicua fuisset Ludouico, si Augustini verba quæ commentatur, attendisset: Nos martyres nostros nec diuinis honoribus, nec humanis criminibus colimus, sicut colunt illi deos suos, nec sacrificia illis offerimus, nec eorum probra in eorum sacra conuertimus. Et infra: Absit vt eos, quamuis deos habeant, sanctis martyribus nostris, quos tamē deos non habemus, vlla ex parte audeant comparare. Sic enim non constituimus sacerdotes, nec offerimus sacrificia martyribus nostris, quia incongruum & indebitum illicitumq; est, atq; vni Deo tantummodo debitum: vt nec criminibus suis, nec ludis eos turpissimis oblectemus, vbi vel flagitia isti celebrāt deorum suorum, si cum homines essent talia commiserunt, vel confecta delectamenta dæmonū noxiorum, si homines non fuerunt, et c. Rursus: Nec tamen nos eisdem martyribus templa, sacerdotia, sacra, & sacrificia constituimus, quoniam non ipsi sed Deus eorum nobis est Deus. Hæc Augustinus.

Vbi vnquam vel audiuit Ludouicus, vel vidit, sceleratos homines à Christianis coli, aut crimina eorum in eorum sacra verti? Vbi item cernere potuit Christianum sancto martyri offerentem sacrificium, vel libamina? Non negamus quidem coli, & honorari Sanctos: sed interim & homines peccatores quondam, ac demum Dei gratia liberatos fuisse prædicamus, iamq; sua intercessione à Deo nobis plurima obtinere. At quòd pro dijs à vulgo Christianorum habeantur, velim vel tenui argumento astruxisset Ludouicus. Id certè si conatus fuisset, calamo mox temperasset, & in proprijs argumentis indubiè erubuisset. Narrat Epiphanius fuisse quasdam mulieres in Arabia, non quæ (vt falsò volunt aduersarij) statuam circumferebant, & ei liba

Cap. 27.  
lib. 3. de ci-  
uit. Dei.

Idem.

Idem.

## PRO INVOCATIONE

*Epipha-  
nius.*

offerebant, sed quæ Mariæ collyridem quandā sacrificabāt: vel ut deæ cuidā, aut pro ipsa Maria, seu ad Mariæ honorem. Verū Epiphanius, rem planē fuisse stolidam docet; quod neque Maria Deus sit, neq; mulieris sit sacrificare. In hæresi autem Aerij ostendit paternæ traditionis esse, quod in memoria martyrum & apostolorum offeramus, siue ut ipse loquitur, quod pro patribus, & prophetis, & apostolis, & cæteris, memoriam facimus. Ostendat, qui in hac re Ludouici partes vult tueri, si potest, Christianum quempiam sacrificasse Mariæ: aut mulieres in honorem eius sacrificia Deo, Ecclesia romana interim vel approbante, vel dissimulante, ubi ad eius peruenit notitiam, obtulisse: & manum dabimus. At non poterit. nunquā siquidem permisit: nunquā quoque permittet, creaturæ sacrificium offerri, vel ut martyrum memoria celebretur, nisi tanquā seruorum Christi, & ex eius gratia habentium, quicquid laude dignum in se habent: nisi deniq; ipsa recordatio in Christi gloriam cedat. Fatemur esse, qui vndecunq; occasione venantes explendis suis voluptatibus, etiam in martyrum natalicijs sese inebrient: sed mirum est, si vel hoc, aut peiora, non faciāt, qui sanctos inuocare nolunt. Nam nunquā potuerunt omnes abusus tolli. Cæterū, hoc fortiter propugnamus, publicè receptum à multis seculis Sanctorum cultum, nihil omnino cum cultu alienorum deorum habere commune: qui iuxta Davidis cæterorumq; prophetarū vaticinium, per Christum à Christianis iā olim ablatum est. Hæc occasione Ludouici.

*Impugnatores cultus Sanctorum, imitari gētiles, apostas-  
tas, & veteres hæreticos.*

CAP. XXII.

**P**Riusquam verò ad Monhemium propius redeamus, videat obsecro candidus lector, cuius sequantur



quantur isti vestigia: Apostatę nimirum Iuliani, qui sua tempestate etiam hac in re insultabat Christianis, quemadmodum testantur ea scripta eius, quibus respondit Cyrillus. Si Hebręorum (inquirebat) sermones attendissetis, non omnibus modis tam infelicitę ageretur, sed peius nunc habetur, quęm si adhuc nobiscū essetis. Leuia autę quasi essetis & tolerabilia, vnū enim pro multis dñs coluissetis: non hominem, imò non multos homines miseros vřos lege dura quadam & aspera, agrestemq; barbariem spirante. Item alibi: Quę vos deinde adinueneritis, addentes ad antiquum illum mortuum multos recens mortuos, quis pro dignitate abominaretur? omnia monumenta implētis, quanquam vobiscum nunquam dictum sit, adolui sepulchris, & ea amplecti debere. Rursus paulò infrā: His se sic habentib⁹, vos quare aduoluimini sepulchris? audire vultis causam? non ego dixerim, sed Esaias propheta: In sepulchris & speluncis dormiunt propter insomnia. Considerate igitur, quomodo vetus imposturę opus dormire in sepulchris somniorū gratia: quod & Apostolos vestros verisimile post magistri mortem fecisse, vobisq; ab initio qui primi credidistis tradiderunt, vt & ipsi vobis imponent, & post se demonstrarent publicas imposturas & abominationis huius officinas. Similiter & Vigilantię sic dicentis: Propè ritum gentilium videmus sub prętextu religionis introductum: in Ecclesijs sole adhuc fulgente moles cereorum accendi, & vbicumque puluisculum nescio quod, in modico vasculo pręcioso linteamine circumdatum osculantes adorant. magnum honorem prębent huiusmodi hoīes beatissimis martyribus, quos putant de vilissimis cereolis illustrandos, quos agnus, qui est in medio throni, cum omni fulgore maiestatis suę illustrat. Videant

Lib. 6. cō-  
tra Iulia-  
num.

Li. 10. cō-  
tra eundē.

Esai. 65.

In episto-  
la Hiero.  
cōtra eun-  
dem.

## PRO INVOCATIONE

Historiæ  
eccles. li. 8.  
cap. 6. &  
li. 4. ca. 15

Aug. li. 20  
cōtra Fau-  
stū, ca. 4.

Epistola  
inuenitur  
inter epi-  
stolas Au-  
gustini.

Videant insuper aduersarij, se & eos habere patro-  
nos, de quibus Eusebius ait, quod corpora martyrum  
proijciebant in mare: & dicebāt, inquit, ne fortè dñ  
efficiantur Christianorum, & illi qui deos adorare  
nolunt, seruos nostros incipiant adorare. Agnoscāt  
quoq; Faustum Manicheum, his verbis impropere-  
rantem: Idola vertistis in martyres, quos votis simi-  
libus colitis. Maximum deniq; Maudarensem, ido-  
lolatram, Augustino in hæc verba scribentem: Quis  
ferat Ioui fulmina vibranti, præferri Migdonem:  
Iunoni, Mineruæ, Veneri, Vestæq; Sananem: & cun-  
ctis, proh nephas, dñs immortalibus archimartyrē  
Namphanionem: inter quos Lucitas etiā haud mi-  
nori cultu suscipitur, atque alij interminato nume-  
ro dñs hominibusque odiosa nomina, qui cōsciētia  
nefandorum facinorum, specie gloriosæ mortis,  
scelera sua sceleribus cumulant, dignum moribus  
factisque suis exitum maculati reppererunt. Horum  
busta, si memoratu dignum est, reiectis templis, ne-  
glectis maiorum suorum manibus, stulti frequen-  
tant, ita vt præsagium vatis illius indignè ferentis  
emineat: Inq; Deum templis iurauit Roma per um-  
bras. En, inquam, quibuscum aduersarij causam  
sibi fecerunt communē, Cum Apostata & blasphe-  
mo Iuliano, dicenti Christianos hominibus mor-  
tuis deferre cultum soli Deo debitum: cum Maxi-  
mo Maudarenfi idololatra: cum Fausto Manicheo,  
Eunomio, Vigilantio, & illis denique, quorum ve-  
saniā descripsere Eusebius & Theodoretus.

Cæterum, vt illis præclari patres nostri Augu-  
stinus, Hieronymus, Cyrillus & Theodoretus stren-  
nuè responderunt: ita nos quoque istis (eorum cer-  
tè discipulis) pro virili debemus obistere, & cum  
patribus nostris dicere, bene Christianos colere  
martyres & alios sanctos iam in cœlo agentes, eo  
cultu dilectionis & societatis, quo & in hac vita co-  
luntur

sunt sancti, pñq̃ homines : quanuis illos (verbis Augustini vtor) tãto deuotius, quãto securius post incerta omnia superata, quanto etiam fidentiore laude prædicamus iam in vita foeliciore victores, quàm in ista adhucufque pugnantes . at illo cultu, qui Græcè latria dicitur, (Latine verò vno verbo dici non potest) cum sit quædam propriè diuinitati debita seruitus, nec colimus, nec colèdum dicimus nisi vnum Deum. Sic & Theodoretus: Homines, inquit, qui prospera sunt valetudine, conseruari eam sibi à martyribus petunt . Qui verò ægritudinem aliquam patiuntur, sanitatem exposcunt. Insuper & steriles viri, & mulieres, dari sibi filios petunt : qui verò parentes sunt, integra sibi & propria custodiri quæ consecuti sunt dona . Item qui peregrè aliquò proficiscuntur, petunt sibi martyres comites esse in via, vel potiùs itineris duces: qui verò iam sospites redierunt, gratias agunt, acceptum beneficium confitentes: non qui se ad deos accedere arbitrentur, sed qui orent Dei martyres, tanquàm diuinos homines, intercessoresque sibi apud Deum aduocent, ac precentur. piè verò fideliterq̃ precatos, ea maxime consequi quæ desiderant, testantur illa, quæ votorum rei dona persoluunt: manifesta nimirum acceptę sanitatis indicia. Nam aliq̃ quidem oculorum, aliq̃ verò pedum, aliq̃ porro manuum simulachra suspendunt, ex argento auròve confecta . Gratissimè namq̃ accipit eorum dominus qualiacunque sunt dona, nec exigua, nec vilia dedignatur : quippe qui ea proferentis facultate metitur . Hæc itaq̃ omniũ spectaculo exporrecta, testantur morborum depulsionem, cuius ipsa certissima signa sunt, à sanitatem consecutis allata. Hæc, inquam, sepulchrorum ibi martyrum, quæ sit virtus ostendunt, martyrum autem virtus, quem ipsi coluerunt Deũ verũ esse Deũ declarat. Hæc Theodoretus. De his satis.

Symbo-

Li. 20. c. 8.  
tra Fau-  
stũ, ca. 21.

Lib. 8. con-  
tra greco-  
rũ affect.



## PRO INVOCATIONE

*Symbolum, quod Apostolis inscribitur, esse ab Apostolis  
traditum, licet hoc non dicat scriptura. CAP. XXIII.*

**C**onsequenter Monhemius dicit: *Nō sequitur  
eos inuocandos, quia nusquam scriptura docet san-  
ctorum inuocationem, seu implorare ab eis auxiliū.*

Ecce ad quod tandem asylum confugit Monhemius, dū animaduertit omnia prædicta sua argumēta nullius esse efficaciae. Sed paulisper examinemus quid hæc postrema eius ratio parturiat. Vt hoc enthymema: Scriptura non docet martyres inuocandos, ergo non sunt inuocandi: sit bonum ac firmū, necesse est assumere hanc maiorem propositionē: Nihil agendum quod scriptura non docet agendū. Si verò quæcunque in scripturis non inueniuntur, repudianda sint vt prophana, aut velut ad religionem christianam non pertinentia: ergo nec hoc recipiendum, quod dicitis, Sanctorum inuocationē esse illicitam, aut preces nostras nec Deo reuelate ab eis cognosci: quandoquidem nusquam in scripturis reperiri potest. Sed neq; quodd Symbolum sit Apostolorum aut ab Apostolis compositum: Quod quidē an apostolorū sit, incertū vult esse Artopæus, Quasi id nō eodē modo cōstare debeat, sicut nobis cōstat euāgeliū quod Matthæi appellamus, esse Matthæi. Veteres certē de hac re nil dubitârūt. Maxim⁹ Taurinēsis, serm. de traditione symboli: Ruffinus in expositione symboli ad Laurentiū: quā reperias inter opa & Hieron. & Cypriani. Leo 1. sic habet: Regulā fidei in ipso symbolo per authoritatem apostolicæ institutionis accepimus. Rursum: Ipsius catholici symboli breuis & perfectā cōfessio duodecim apostolorum, totidē est signata sentētis, tanq̃ instructa sit munitione cœlesti, vt oēs hæreticorum opiniones solo ipsi⁹ possint gladio detrūcari. Cuius symboli plenitudinem si Eutiches puro, & simplici, voluisset

Leo ser.  
11. de pas-  
sione dñi.  
Epistola  
13. ad Pul-  
cheriā Au-  
gustam.

Inisset corde cōcipere, in nullo à decretis sacratissimi Nyceni concilij deuiaret, & hoc à sanctis patribus intelligeret constitutū, vt cōtra apostolicā fidē, quæ nō nisi vna est, nullū se ingeniū, nullū eleuaret eliquiū. Augustinus quoq; docet baptizandos interrogandos esse non solum an credant filium Dei esse Iesum Christum, sed etiam de incarnatione eius ex virgine, de passione, de morte crucis, de sepultura, de tertij diei resurrectione, de ascensione, sede ad dexteram patris, de Spiritu sancto, de Ecclesia, de remissione peccatorum, de resurrectione mortuorum. & addit: Licet ista taceantur in scripturis, tamen serie traditionis scimus implenda in baptismo, Vtiq; de traditione apostolica loquens, & (vt clarum est) apostolicum symbolum recēdens. Item Ambrosius: Si doctrinis, inquit, non creditur sacerdotum, credatur symbolo Apostolorum, quod Ecclesia Romana iteratum semper custodit & seruat. Similiter & Hieronymus (in epistola ad Pammachium, quæ incipit: Si iuxta Paulum, etc, & scribitur aduersus errores Ioannis Hierosolymitani): In symbolo, ait, fidei & spei nostræ, quod ab Apostolis traditum, nō scribitur in charta & atramento, sed in tabulis cordis carnalibus, post confessionem trinitatis & unitatem ecclesiæ, omne christiani dogmatis sacramentum, carnis resurrectione includitur. Denique Irenæus lib. 1. cōtra hæreses Valentini cap. 2. licet symboli nomen taceat, tamen dicens se fidem narrare quam Apostoli tradiderunt, recenset eam quæ in symbolo expressè continetur, dicitq; eam & à perfectis, & imperfectis in Ecclesia teneri æqualiter. Eadē & lib. 3. ca. 4. habet. His, arbitror, imò toti ecclesiæ, cōfidentibus symbolū esse apostolorū, potius assentietur christianus æquusq; lector, q̃ Artopæo ex suo capite hæc verba pronūcianti, *Non constat symbolum ab Apostolis esse compositum.*

Lib. de fide & operibus, ca. 9

Ambrosius  
epistol. 31

Hieron.

Irenæus.

Multa

PRO INVOCATIONE

*Multa esse agenda, quæ in canonica scriptura non man-  
dantur.* C A P V T XXIIII.

Cōtra epi-  
stolā fun-  
damenti,  
cap. 5.

1. Thef. 2.

Li. de spi-  
ritu san-  
cto, ca. 27

**S**Ed ad id vnde aliquantulum digressi sumus, redeamus. Si nihil agendum sit, nisi quod scriptum fuerit, igitur, neque quod scriptura, quæ omnes concorditer sacram dicimus, sacra sit: Neque hoc euangelium potius esse Matthei, quam quod nomine duodecim Apostolorum vel Thomæ inscribitur, esse eorum, quorum nomen præ se fert, credemus: quoniam ex nulla scriptura probari queat. Hinc Aug. Manicheis proferentibus epistolam Manichæi veluti Apostoli alicui inscriptam, ut epist. Pauli Apostolo ascribitur, & euangelium Mattheo, respondit: Ego euangelio non credere nisi me catholicæ ecclesiæ commoueret autoritas. Et iterum: Infirmata mihi catholicorum autoritate, iam nec euangelio credere potero, quia per eos illi credideram. Immo verò, nec quo ordine, quæ ratione celebrandus sit baptismus, aut quomodo corpus & sanguis Domini consecranda sint, constabit: si nihil nisi scripturis expressum sit recipiendum. Nec item, an baptismus sit apud hereticos, an sit rebaptizandus ab heretico baptizatus. Si ea, inquam, quæ scripta in diuinis literis non inuenimus, reñcere liceat, ubi est illud Apostoli: Tenete traditiones quas didicistis, siue per sermonem nostrum, siue per epistolam nostram? Nos cum Basilio spiritum Apostolicum sequimur. Dogmata (inquit Basilius) quæ in Ecclesia prædicantur, quædam habemus ex doctrina scripto prodita, quædam rursus ex Apostolorum traditione in mysterio, id est, in occulto tradita recepimus: quorum utraq; vim parem habent ad pietatem, nec his quisquam contradicit, quisque sanè vel tenuiter expertus est, quæ sint iura ecclesiastica. Nam si consuetudines quæ scripto proditæ non sunt, tanquam haud multum habentes momenti



menti conemur reñcere, imprudentes & ea damna-  
bimus, quæ in euangelio necessaria ad salutem ha-  
bentur: imò potius ipsam fidei prædicationem ad  
nudum nomen contrahemus. Et Chrysostomus in  
eundem Apostoli locum idem habet: Hinc patet,  
inquit, quòd non omnia per epistolam tradiderunt,  
sed multa etiam sine literis, eadem verò fide digna  
sunt, tam illa, quàm ista. Itaq; traditionem quoque  
Ecclesiæ fide dignā putamus. Traditio est, nihil que-  
ras amplius. Hi longè alio spiritu, quàm Monhe-  
mius, locuti sunt. Sed age, paulisper examinemus  
hoc principium Monhemij, nihil agendū esse quod  
scriptura non doceat. Igitur neq; principū iussis pa-  
rendum erit: quippe quæ in particulari nobis scri-  
ptura non tradat. Quòd si dicas, satis esse si genus  
operū in scripturis approbetur, gratāter accipimus,  
promptèq; subscribim⁹: dicimusq; etiā omne genus  
operū quod Ecclesia catholica obseruat, in scriptu-  
ra cōmendari & approbari. In scriptura cōmēdatur  
ieiuniū, & quòd aliquod tēpus diuino cultui depu-  
tetur. Hinc ritè Ecclesia præscripsit certos dies ie-  
iuniorū, certos dies festos, peculiareq; tempus com-  
munioni. Quēadmodū princeps, cui iure debentur  
tributa, rectè statuit & modū, & numerū exigendi  
tributi. Similiter docet scriptura multū valere o-  
rationē iusti pro altero fusam: & animas eorū qui  
hinc emigrāunt, iā iustitiā consecutas, quā quondā  
sitiebāt: rursū, easdē ad corpus Christi pertinere,  
& hoc esse membrorū eiusdē corporis ingeniū, vt  
pro se mutuò sollicita sint. Docet insuper, Christum  
amicis suis patefacere peccatorū pœnitentiā, Deoq;  
gratum esse, si fratres nostros interpellemus vt pro  
nobis orent. Et ex his intelligit, Sanctorū inuoca-  
tionē sibi cōmendari in ipso genere operis, in scri-  
pturis. Plurima sunt in scripturis Deo nō præcipiēte  
facta, ab eo tamē summopere laudata, & approbata,

H

tanquam

Iacob. 5.

2. Cor. 5.

Apoc. 20.

1. Cor. 12

Luc. 15.

Rom. 15.

# PRO INVOCATIONE

- tanq̃ sui cult⁹ gratissimi. Apostoli vnā Sabbati, hoc est, primā hebdomadæ (quā Ioannes diē dñicā vocat) sacris cōcionib⁹, cōmunionē corporis Christi, & eleemosynarū largitione, citra vllū Christi præceptum celebrârunt (sicut scriptura clarè docet) & celebrandam posteris tradiderūt, tametsi scriptura nō doceat. Anna prophetissa latrā exhibuit dño, ieiunando die ac nocte. Ioannes à Christo cōmendatur, q̃ mollibus indutus nō fuerit: & ab angelo, quòd vinū & sicerā non esset bibiturus. Maria Magdalena prædicatur, q̃ super Dñi caput vnguentum effuderit, quòd pedes eius suis lachrymis lauerit, proprijs criminibus terferit, vnguento vnixerit, & osculata sit: ex q̃bus oībus tamen, nihil in scriptura præscriptū erat. Rursus Dauid sine vllō legis mandato Deū & cantu laudari, & ei tēplū ædificare voluit: quòd sanè adeò gratū fuit Deo, vt idcirco insignem de Christo ex se nascituro promissionē tunc acceperit. Quòd cogitasti (inqt ei Dñs) in corde tuo ædificare domū nomini meo, bene fecisti hoc ipsum mente pertractans et̃. Imò verò, q̃ sua sponte, seu nullo accepto præcepto hoc tam piū, tamq̃ ad diuinū cultū aptū op⁹ cogitasset, peculiari insuper laude decoratus est à Dño, dicēte, Nunqd loquēs locutus sum vni iudicū Israel: Quare nō ædificastis mihi domū cedrinā? et̃. Ad hęc Rechabite, quia sine domo fixa, sine semēte & messe & vinea, sine potu vini versabantur in terra, patris sui instituta sequētes, singulariter à dño laudantur, magnumq̃ beneficiū per hāc obediētiā cōsecuti sunt, vt describit Hieremias. Domui Rechabitarū (inqt) hęc dicit dñs exercituum Deus Israel: Pro eo q̃ obedistis p̃cepto Ionadab patris vestri, & custodistis oīa mādāta eius, & fecistis vniuersa quę præcepit vobis, propterea hęc dicit dñs exercituū, Deus Israel: nō deficiet vir de stirpe Ionadab filij Rechab, stans in conspectu meo cunctis

cunctis diebus. Filij Ruben & Gad, dimidiaq; tribus Manassæ, vt designaret sui iuris esse offerre deo holocausta, maximū altare extruxerūt super tumulos Iordanis. Quo audito Iosue, Phinees, & vniuersa Ecclesia Israel tui bati fuere, veluti cōtra legem hoc illi sibi constituisent ad offerendū holocausta: at re plenè intellecta, factum ipsum laudauerūt. Vbi verò aliqd huiusmodi de<sup>o</sup> p̄ceperat? certè nō video.

Iosue 22.

*Diffoluuntur argumēta Artopæi, quibus conatur astruere, nihil esse credendum, vel agendum, quod in canonica scriptura non reperiatur,*

CAP. XXV.

**H**ÆC cum sic sese habeant, satis constat q̄ sit falsum cōmune illud lutheranorū axioma: nihil agēdū quod nō sit scriptū. His aliquid amplius addere, omnino superfluum iudicāre, nisi etiā per Augustinū, Lucā, & Paulū. (a quorum mente, eo nihil magis fuit alienū) errorē cōfirmare conatus fuisset Artopæus. allegat enī Augustinū sic dicentē (lib. 2. de pec. mer. & remis. cap. 36): Vbi de re obscurissima disputatur, nō adiuuātibus diuinārū autoritatū certis clarisq; documētis, cohibere se debet humana præsumptio, nihil faciēs in partē alteram declinādo. Sed ibi agit Augustinus de aīæ origine, num ex creatione noua, an ex propagine esset. Quæ quæstio indubiè obscurissima est, q̄a in traditione & Ecclesiæ obseruatione, atq; cōsuetudine, nihil inuenire potuit Augustinus pro eius decisione. Itaq; cum nec ex scriptura clarā definitionem habeat, meritō iudicat Augustin<sup>o</sup> nihil de ea temerē statuendū. At ea quæ Ecclesia catholica obseruat, vt (verbi gratia) q̄ baptismū hæreticorū nō iterat: etsi in scripturis nō habeātur, nunq̄ inter obscurissima recensuit Augustinus: nunquam quoque vetuit, ne ita ageretur. Et hæc quidē de Augustino.

Aliud argumētū facit ex eo q̄ Lucas in procemio

H ij

sul

Per Augu  
stin. vult  
Artopæus  
probare il  
lud axio  
ma.

Responſio:



## PRO INVOCATIONE

Per Lucā

sui euangelij dicit : Sicut tradiderunt nobis qui ab initio ipsi viderunt , & ministri fuerunt sermonis, visum est & mihi assecuto omnia, à principio diligenter ex ordine tibi scribere, optime Theophile, vt cognoscas eorū verborū, de quibus eruditus es veritatē. *En (inqt Artopæus) Lector sanctē tradiderūt Apostoli viua voce, quæ viderāt, & quorū pars magna fuerant. Tradiderūt autē Ecclesiæ, & Lucæ discipulo Christi. Lucas autē sicut & Marcus, eā traditionē in literas retulit. scripta est iam itaq; traditio Apostolorum, nec est aliud quam scriptum sacrosanctum euangelium.*

Dilutio  
probatio-  
nis.

O argumentū Achilleum. Eadē facilitate intulisses ex verbis Lucæ: Scripta itaq; est apostolica traditio, nec est aliud q̄ scriptū à Luca euāgeliū. Æque enī firma est hæc connexio, vt illa. Vbi ergo ponēda sunt ea quæ Matthæus, Ioannes, & Marcus scribūt de Christi factis & dictis, quæ Lucas nō attigit? Siquidē toto suo euangelio, de quo præmiū agit, (nā acta Apostolorū prout viderat, maxima saltē ex parte, nō autē ex Apostolorū traditione cōscripsit) nusquā meminir Christum ordinasse, vt Christiani aqua baptizarentur: sicut & Matthæus nusquā docet Christū in cœlū ascendisse, nec Marcus Christū de spiritu sancto conceptū, & ex virgine natū: vt taceam, Ioannē de seipso testē esse, quod plurima prætermiserit. Nullus igitur Euangelistarū oīa scripto mandauit, vel quæ multū momenti ad religionem christianā haberēt. Quāobrem diligenter monent Ambrosius & Augustinus, Lucā non scripsisse oīa, sed quædam ex oībus, ne quis male (vti Artopæus) ipsum Lucæ præmiū intelligeret, tanq̄ alijs euangelijs cōtradiceret. Nec putandum est hoc egisse vel hoīes, vel spiritū Dei, vt quicquid ab vno omissum esset, ab altero scriberetur: quum Apostolus Paulus aliqua dicat Christum egisse, quæ à nullo quatuor euange-

Ambr. in  
procem:  
Lucæ.  
Aug. li. 4  
de cōsen-  
su euāgel.  
cap. 8.

euāgelistarum scripta sunt: nēpe q̄ in vltima cena dixerit: *Hoc facite quotiescūq; bibetis, in meā cōmemorationē: & Visus est Iacobo, & plusq̄ 500. fratribus simul.*

1. Cor. 11.

1. Cor. 15.

Pro nata necessitate scribebant Apostoli, ac quidē illa quibus succurrerent hoibus: ita vt si Ebion, & Cerinthus, nō exurrexissent viuentē adhuc Ioanne, forsitan euāgeliū Ioannis nō haberemus. Nam (vt testes sunt historiæ) sub finē vitę suæ, iam senex Ioannes, illorū improbitate compulsus scripsit, Sicut Paulus Apost. Thessalonicēses quidē multa p̄sens docuerat de hoīe peccati, & filio perditionis, sed scriptis ea traditurus nō fuisset, si nulli Thessalonicenses, veluti de iam iam imminente extremo iudicio terruissent. Rursus, si apud Corinthios non fuissent, qui resurrectionē mortuorū negassent, nunq̄ tam luculentam Apostoli de historia resurrectionis Christi, ac de nostra resurrectionē, in scriptis habuissemus narrationē. Sed nec tam insignē de vsu eucharistię doctrinā, si eiusdē Pauli tēpore nō cōtigisset in ea re abusus. Postremō, significat se de ea multa disposuisse, quæ nusquā in canonica scriptura legim⁹: Dū venero (inquiens) cētera disponā. (Vnde, inquit Augustinus, intelligi datur, quia multū erat vt in epistola totū illū agendi ordinē insinueret, quē vniuersa per orbē seruat ecclesia: ab ipso ordinatū esse, quod nulla morū diuersitate variatur) Sicut de dogmatibus dicit in epistola ad Thessalonicenses, Tenete traditiones quas didicistis, siue per sermonem, siue per epistolā nostrā: apertē ostendens, quædam verbis tantū, à se tradita. Tertiā ex Apostolo adfert Artopæus probationē, non minus q̄ priores ridiculā. Paulus (inquit) 2. ad Timoth. 3. satis istos (docētes nō oīa dogmata pietatis ī scripturis cōtineri) arguit cū ait: *Sacræ literæ (& sole, inquā) te possunt eruditū reddere ad salutē, per fidē quæ est in Christo Iesu. Cuius pronuntiati quò fidem faciat, addit: Oīs scriptura diuinitus*

Hiero. in li. de scriptoribus.

2. Thes. 2.

1. Cor. 15.

1. Cor. 11.

Epistola 111. cap. 6.

2. Thes. 2.

Per Paulum.

## PRO INVOCATIONE

inspirata, utilis est ad doctrinam, ad redargutionem, ad correctionem, ad institutionem quæ est in iustitia, ut integer sit Dei homo, ad omne opus bonum apparatus. Quibus verbis aperte satis indicat, quicquid de doctrina desiderari possit, in sacris literis contineri. Ait enim scripturam utilem esse, primò ad doctrinam, id est, abunde demonstrare, quæ nã sint vera ac retinenda dogmata, & quomodo ea discerni, cõprobari, defendiq; debeant: deinde, utilem esse, ad redargutionem, id est, ad confutanda, euertendaq; falsa & exploranda dogmata. Prudenter verò tacuit Artopæus priora Apost. verba: Tu verò pmane in ijs quæ didicisti, & credita sunt tibi (siue ut alijs vertunt, certò credidisti), sciēs à quo didiceris: & qd ab infantia sacras literas nosti, quæ te possunt instruere ad salutē p fidē, quæ est in Christo Iesu. Ex his apppe verbis, luce clariùs patet, Paulū à Timotheo duab<sup>9</sup> de causis exigere stabilitatem in his quæ didicerat Timotheus: tū quia ab ipso Apostolo Dei ea didicisset, tū quia sacrarū literarū ab infantia peritus fuisset. Manifesta est ergo euersio Paulini sensus: ita scilicet Paulum interpretari, veluti diceret: Solæ sacræ literę te possunt instruere, cum Apostolus & aliā causam eū instituentē ad salutē, ibi adiungat, nepe q fidē acceperat ab ipso Apostolo: dū Paulus nō tantū scripturis, verū etiā signis & prodigijs suā doctrinā asseruerat. Deinde, hæc oīa dicit Apostolus de scriptura vectoris testamēti (neq; enī Timotheus euangelicos libros, vel Pauli epistolas ab infantia nouerat) quam certū cuiq; est ea nō continere, quæ in euangelijs & apostolicis literis, nobis ad salutē necessaria leguntur. Primò enī, nō docet exhibita esse quæ adhuc promittebat. Secūdo, verissimè de lege dictū est, q vmbra haberet futurorū bonorū, non ipsam rerum imaginem. Umbra verò extrema duntaxat lineamenta corporis, non ipsorum membrorum distinctionem

Hebr. 10.



inctionem, aut colores insinuat. Itaq; quum iam sæpe cōtrouersia oriatur, nō de ipsa vmbra, vel extremis lineis, sed de ipsa membrorum, deq; colorum differentia, nunquid hæc ex solius vmbra inspectione inueniri poterit? necquaquam. Quid ergo nos miseri nobis persuademus? nec ipsi enim Apostoli potuerunt omnia ex scripturis veteris instrumenti percipere, sed opus habuere & à Christo institui, & Christi verba retinere, atque à Spiritu sancto postea de multis edoceri. Vnde & ipsi deinceps suis discipulis, non solas scripturas veteris instrumenti, sed & alias tradiderunt. Non est igitur quod puremus, oīa ad salutem necessaria, ex solis scripturis veteris instrumenti posse percipi. Cæterum quid causę, q; tã opere cōmendet veterē Apostolus scripturā? Primū quidē, q; multā claramq; doctrinā, sed credentibus in Christum, tradat. Secundò quòd vbi ipsa hoc nō præstat, Christū tamē & eius Ecclesiam demonstrat: vnde nimirū eā petere liceat. Quē admodū cōtra Donatistas differens Augustinus testatur: Sequimur sanē (inquit) nos in hac re (nēpe, nolendo iterū baptizare ab hæreticis baptizatos) etiā canonicarū authoritatē certissimam scripturarū, cū hoc facimus, quod vniuersæ iam placuit Ecclesiæ, quam ipsarum scripturarum commendat authoritas, vt quoniam sancta scriptura fallere non potest, quisquis falli metuit huius obscuritate questionis, eandem Ecclesiam de illa consuiat, quam sine vlla ambiguitate sancta scriptura demonstrat. Vnde sicut Apostolus dicit q; possunt sacrę literę veteris instrumenti Timotheum instruere ad salutem per fidē, quæ est in Christum: quia si desit fides in Christum, mensa scripturę sit in laqueum, & in retributiones, & in scandalum: ita dicere oportet, quòd possunt instruere hominem ad salutem, sed per fidē ecclesiæ, cui utiq; non seruientes (iuxta

Luc. 24.  
Ioan. 16.

2. Tim. 3.

Li. 1. cōtra  
Cresconium  
grammaticum,  
cap. 43.

Psal. 68.

Esai. 60.

Lib. de v-  
nit. eccle-  
sia, ca. 4.

Esaiæ vaticinium) necesse est perire. Non enim mi-  
nus necessarium est tenere corpus, quàm caput, si-  
ue Ecclesiam, quàm Christum: Sicut manus nõ mi-  
nus adherere debet brachio quàm capiti. Vnde præ-  
clare Augustinus: Totus Christus (ait) caput & cor-  
pus est. Caput vnigenitus Dei filius. & corpus eius,  
Ecclesia: sponsus & sponsa. duo in carne vna. Qui-  
cunq; de ipso capite ab scripturis sanctis dissentiunt,  
etiam si in omnibus locis inueniatur, in quibus Ec-  
clesia designata est, non sunt in Ecclesia. Et rursus:  
Quicunq; de ipso capite scripturis sanctis consen-  
tiunt, & vnitati Ecclesiæ nõ cõmunicat: nõ sunt in  
Ecclesia. quia de Christi corpore, quod est Ecclesia,  
ab ipsius Christi testificatione dissentiunt. Verbi gra-  
tia, Qui non credunt Christum in carne venisse de  
virgine Maria, ex semine Dauid, quod apertissimè  
scriptura Dei loquitur, aut nõ in corpore ipso resur-  
rexisset in quo crucifixus est, & sepultus est: etiam si  
per oēs terras inueniantur, per quas est Ecclesia, nõ  
vtiq; sunt in Ecclesia: quia ipsum caput Ecclesiæ nõ  
tenent, quod est Christus Iesus, nec in aliqua diui-  
narum scripturarum obscuritate falluntur, sed no-  
tissimis & apertissimis earum testimonijs contra-  
dicunt. Item quicunq; credunt quidē quòd Chri-  
stus Iesus, ita vt dictū est in carne venerit, & in eadē  
carne in qua natus est, & passus, resurrexit, & ipse sit  
filius Dei, Deus apud Deum, & cum patre vnum &  
incommutabile verbum patris, per quod facta sunt  
omnia: sed tamen ab eius corpore quod est Eccle-  
sia ita dissentiunt, vt eorum communio nõ sit cum  
toto, quacunq; diffunditur, sed in aliqua parte sepa-  
rata inueniatur, manifestum est eos non esse in ca-  
tholica Ecclesia. Hæc Augustinus.

*Ecclesiam Christi non delirare senio. Cap. XXVI.*

**S**ed Artopæus sibi videtur habere, cuius Ec-  
clesiam criminetur, Dicit enim superstitionem  
ante

ante annos plus minus mille ducentos hæreseos damnatam, & repressam vigilantia episcoporum, in hac ecclesiæ senectæ obtinuisse, & addit: *Vsu venit ecclesiæ senescēti, quod de senectute canit Poëta Satyricus:*

*Circunfilit agmine factō, morborum omne genus.*

En egregiam, & scripturis scilicet desumptam, de Christi ecclesia sententiam. Sic olim Luciferiani, Donatistæ, Arriani, de sua quicq̃ paucitate gloriantes, iactabant in fine seculi ecclesiam in paucitatem summam redigendam: vt sic eam iam demum apud se relictam persuaderēt. Et de exemplo quidem Artopæi quàm falsum sit suprâ satis ostendimus, dum dicebam⁹ quid de Collyridianis scripserit Epiphanius. Nunc ergo expendamus, quod de senescente dicit ecclesia. Visne intelligere, ô Artopæe, qualis sit ecclesiæ Christi senectus (si tamen longæuitas temporis dicenda sit senectus)? Pro eo (inquit Esaias) quod fuisti odio habita & derelicta, & non erat qui per te transiret, ponam te in superbiam seculorum, gaudium in generationem & generationem. Audi item quid ipsamet, nō iuuentula, sed anus animosa ecclesia dicat: Sæpè expugnauerunt me à iuuentute mea, dicat nunc Israel, sæpè expugnauerūt me à iuuentute mea, etenim non potuerunt mihi. Audi denique quid Christus de se, & ea corpore suo dicat: Vsq̃ in senectam & senium, Deus, ne derelinquas me, donec annuntiem brachium tuum generationi omni quæ ventura est. Et iterum: Adhuc multiplicabuntur in senectæ vberi, & bene patientes erunt: vt annuncient quoniam rectus Dominus Deus noster. Manet igitur semper inuicta ecclesia, nec instar senis hominis à morbis hæreseon, idololatriæ, & superstitionum, agmine factō circunfiliri potest: iuxta Christi promissa: Portæ inferi nō præualebūt aduersus eam: & Ego vobiscum sum omnibus diebus, vsq̃ ad seculi cōsummationem. Non est autem

H v dubium,

Hier. cō-  
tra Luci-  
ferianos.  
Aug. de  
vni. eccles.  
cap. 13.  
Pseudo-  
chrysoft.  
in opere  
imper. in  
1. ca. Mat.

Esa. 60.

Psal. 128.

Psal. 70

Psal. 91.

Mat. 16.  
Matt. 28.



Lib. 3.  
cap. 40.

dubium, quin cum morborum omne genus (vt Artopæi verba repetam) circumfilit, agmine facto, senescentem hominem, aduersus eum tandem præualeat, vt vita cum eo non maneat. Aliter porro q̃ Artopæus, de ecclesia velut semper iuuenescēte per Christi spiritum (propterea quod per eam omnes electi, munere ipsi credito, saluari debent) loquitur martyr Ireneus, episcop⁹ Lugdunē: Fidē (inquiēs) perceptam ab ecclesia custodimus, & quæ semper à spiritu dei, quasi in vase bono eximiū quoddā depositum, iuuenescens & iuuenescere faciēs ipsum vas, in quo enim creditum est Dei munus, quēadmodū aspiratio plasmationi, ad hoc vt omnia mēbra percipientia viuificētur, & in eo disposito est cōmunicatio Christi, id est, Spiritus sanctus, arra incorruptelæ, & confirmatio fidei nostræ, & scala ascensionis ad Deū. Verū quid hīc occupamur vt ecclesiæ senectutem contra Artopæum defendamus? quum eum non pudeat, idem ipsum malum iuuenescenti ecclesiæ tribuere: quod nempe vix dum oriens, erroribus & superstitionibus plurimis scatere cœperit: vt alibi demonstrabitur.

*Non esse superstitiosum, estimare quibusdam martyribus præ alijs concessam esse à Spiritu sancto gratiam curandi corporum infirmitates.* CAP. XXVII.

**D**icit deinceps Artopæus: Excreuit in immensum vt sit, neque modum insanie sue posuit, admisa semel superstitio. Etenim tanquam otio se mancipasset supremus ille rector, & prouidentie sue munera, in spiritus mortuorum distribuisset, ita cuiq; suam potentiam & curationem humana attribuit temeritas, & munus suum atq; officium singulis assignauit. Tanquam dij tutelares præfecti sunt regionibus, insulis, prouincijs, ciuitatibus, domibus, præfecti elemētis, frugibus, pecoribus, opibus omnis generis, præfecti artibus & opificijs, præfecti morbis. denique

deniq; eò res redijt, vt parum ab Ethnicorum idololatria  
 pseudochristianorū abfuerit recordia. Artopæo respon-  
 demus: Sicut prouidentia Deo nō aufert, qui Deum  
 per angelos varia munera obeñtes, creaturā corpo-  
 ralē administrare & varijs charismatib<sup>9</sup> ecclesię mē-  
 bra donare asserit: ita nec qui eū suos martyres di-  
 uerfis, varijsq; Spiritus s. distributionibus, ad nostrā  
 vtilitatē exornasse docet. Verū si pseudochristiani  
 censendi sint, qui ad sancti vnus memoriā petunt à  
 Deo sanitatē, ad alterius verò aliud, haud dubiè &  
 Aug. dicere cogemur pseudochristianū, utiq; dicen-  
 tē: Vbiq; quidē Deus est, & nullo cōtinetur, vel in-  
 cluditur loco, qui cōdidit omnia, & eū à veris ado-  
 ratorib<sup>9</sup> in spiritu & veritate oportet adorari, vt in  
 occulto exaudiēs, in occulto etiā iustificet & coro-  
 net: verū tamē ad ista quę hominibus visibiliter no-  
 ta sunt, quis pōtest eius cōsiliū perscrutari, quare in  
 alijs locis hæc miracula fiāt, in alijs nō fiant? Multis  
 enī notissima est sanctitas loci, vbi beati Felicis No-  
 lensis corpus cōditū est: quò volui vt pergeret, quia  
 inde nobis facilius fideliūq; scribi potest, quicquid  
 in eorū aliquo, diuinitus fuerit propalatū. Nam &  
 nos nouimus Mediolani apud memoriā sanctorū,  
 vbi mirabiliter & terribiliter dæmones cōfitentur,  
 furē quendā, qui ad eum locū venerat vt falsum iu-  
 rando deciperet, cōpulsus fuisse cōfiteri furtum, &  
 quod abstulerat reddere. Nunquid nō & Africa san-  
 ctorū martyrum corporibus plena est? & tamē nusquā  
 hīc scimus talia fieri. Sicut enim quod Apost. dicit,  
 Non omnes sancti habent dona curationū, nec om-  
 nes habent dijudicationem spirituū: ita nec in om-  
 nibus memorijs sanctorū ista fieri voluit ille, qui di-  
 uidit propria vnicuiq; prout vult. Rursus, si pseu-  
 dochristianorum sit, putare sanctos quasdam ciui-  
 tates peculiariter iuuare, profectò præter Augusti-  
 num erat & Leo pseudochristianus, dum sermone  
 primo

Epist. 137

1. Cor. 12.

Aug. li. de  
cura pro  
mor. c. 16.

Leo.

Lib. de  
viduis.

primo de Petro & Paulo diceret : Sicut nos experti sumus, & nostri probauere maiores, credimus atq; confidimus, inter omnes labores istius vitæ, ad obtinendam misericordiã Dei, semper nos specialium patronorũ orationibus adiuuãdos, vt quantũ proprijs peccatis deprimimur, tantum apostolicis meritis erigamur. Et sermone 2. de iisdem: Si hanc Petrus pietatis suę curam omni populo Dei, sicut credendum est, ubiq; pretendit, quanto magis alumni suis opem suam dignatur impendere, apud quos in sacro dormitionis thoro, eadẽ qua præsedit carne, requiescit? Quid pluribus opus est? Pseudochristianus erat ergo & Ambrosius, dicens: Martyres obsecrandi, quorum videmur nobis quodam corporis pignore patrociniũ vendicare. Possunt pro peccatis rogare nostris, qui proprio sanguine etiam si qua habuerunt peccata lauerunt. Isti sunt Dei martyres, nostri præsules, speculatores vitæ actuumq; nostrorum. Prudetium quoq; Paulinũ, Basilium, Chrysostomum, Maximum, & Theodoretum facis, Artopæe, pseudochristianos: vt liquidò cõstat cuiusq; eorum antea productam à nobis sententiã relegenti. Si itaq; Veteres fuere pseudochristiani, demonstrentur, obsecro, nobis ante exortũ Lutherum, & si vultis, dñatum VVycleff, veri christiani. Postremo subnectit Artopæus: *Pseudochristianorum vulgus, quasi hominum patrociniũ soli suscepissent diuĩ, aut soli iuuare & possent, & vellent, sic ad eos confugiebant, & opem ab eis petebant, Christo ferè neq; in precibus vnquam, neq; in optatis neq; in votis occurrente: ac si, aut inuisos ille nos haberet, aut nostri curam gereret omnino nullam.*

O ingratos. A quibus quæso Christũ didicistis, nisi ab eis quos pseudochristianos vocatis? Et quod tandem non effingent impudentes homines mendacium? Cũ enim maximè Deiparam semper ideo coluerit vulgus christianum, quòd ex ea natum scient Chri-



rent Christum saluatorem suum: qui potuit fieri, ut animis eorum non occurreret Christus? Vter magis Christi meminit, isne qui eum solus precatur, nullum comprecatorem adhibens, an vero, qui vna secum multos asciscit comprecatores? Certè Augustinus de exultantibus ad miracula Stephani protomartyris agens, alio spiritu quàm aduersarij loquitur. Quid erat (inquit) in cordibus exultantium, nisi fides Christi, pro qua Stephani sanguis effusus est? Rursum: Nunc fiunt miracula in Christi nomine, siue per sacramenta eius, siue per orationes eius, vel memorias sanctorum eius. Augustino igitur memoria Sanctorum, & petitio orationum eorundem, usque adeo non obscurat Christi nomen, ut etià magis illustret. Alio spiritu & Hieronymus dicebat: Omnium ecclesiarum populi occurrerunt sanctis reliquijs: & tanta lætitia, quasi præsentem viuētemque prophetam cernerent, susceperunt: ut de Palestina usque ad Calcedonem iungerentur populorum examina, & in Christi laudem vna voce resonarent, Videlicet adorabant Samuelem & non Christum: cuius Samuel & Leuitæ, & Propheta fuit. Hæc Hieron. Postrema illa sua verba desumpsit Artopæus ex Caluino, ipsidem ferè verbis (cap. 15. Institutionis paragrapho 15. & 16.) dicentis, in papismo Deum obsecrari per merita sanctorum Christo præterito. Quod tam procul à nobis abest, ut nullam in ecclesia orationem, qua iuari precibus & meritis sanctorum precamur, cōcludamus, nisi adiecta hac particula: Per Dominum nostrum Iesum Christum etc. Et addit Caluinus: *Neque modò, quod olim Israelitis exprobrabat propheta, secundum urbium numerum dii sunt erecti, sed secundum capitum multitudinem.* quasi videlicet Christus, deorum multorum cultum, quem nec Iudæi, nec Turcæ habent, apud solos Christianos reliquerit. Ecce, christiane lector, sic honorat Christum,

Lib. 22. de ciuit. Dei cap. 8. in fine.

Cōtra Vigilantium.

Fiere. 2. & 11.

PRO INVOCATIONE

stum, qui eius ecclesiam suis commentitijs doctrinis proscindunt.

*Epilogus consonæ sanctorum patrum sententiæ super inuocatione sanctorum.* CAPVT XXVIII.

**H**Actenus ad ea quæ Mōhemius & Artopæus contra sanctorum inuocationē prodixerūt, respōdisse sufficiat. Tu verò christiane lector, omiſſis contentionibus, & nugis argumentorū friuolorum, considera consensum atq; confessum tot tamq; venerabilium patrū, quos diuersis seculis & locis florētes citauimus. Inter quos primo loco positus Irenæus, virginis Euę aduocatā appellat Mariam: Hilarius apostolos, prophetas & patriarchas, nostros esse dicit custodēs. Basilius docet populum suum orare quadraginta martyres, & Mamantem martyrē ex nomine à populo suo fuisse aduocatū. Gregorius Nazianzenus dicit virginem quandam rogasse virginem Mariam, vt periclitanti sibi opem ferret: Ipsemet Cyprianum inuocat. Rursum, dicit hoc munus sanctis animis à Deo cōmissum, vt quæ in honorem eorum fiunt, resciscant. Dicit Athanasium ante se vita iam defunctum, ab alto res nostras inspicere, manumq; pro bono laborantibus porrigere. Ephræm deuotissimè pro seipso martyres orat, vt eorum precibus apud Dominum adiuuetur. Hieronymus connumerans Vigilantium inter hæreticos, inter cætera eius vitia recenset, quòd reprehenderet eos qui martyres precabantur. Dicit etiam (de sanctis loquens): Hi qui cum agno sunt, vbique esse credendi sunt. Dicit Ambrosius: Martyres obsecrandi sunt, non erubescamus eos intercessores nostræ infirmitatis adhibere etc. Augustinus vtilem asserit sepulturam apud memoriam sanctorum, vt defuncti eisdem sanctis tanquam

tanquam patronis adiuuandi apud Dominum, ab amicis hîc viuentibus orando commendentur: & quod moris sit fidelibus, vt martyri animam dilectam commendet precantis affectus. Dicit Iob angelos precari. Chrysostomus narrat imperatorem sanctis supplicare ad sepulchra eorum, vt pro se apud Deum intercedant: Insuper quod ille idem Apostolos Petrum & Paulum, vt protectores orabat. Prudentius, in hac re nimis copiosus, dicit martyres sanctos audire preces orantium, & eas ad aureis regis æterni ferre: Populum quoque christianum inuocare martyres, & impetrare postulata: ideoque ipsemet eorum opem implorat. Paulinus Nolanus sese ac Therasiâ sancto Claro commendans dicit:

*Clare sub æterna pace beatus agis.*

*Hæc peccatorum bonus accipe vota precantum,*

*Vt sis Paulini Therasiæq; memor.*

Rursus epistola 13. de sancto Felice loquens, ait: Cui toties vota mea contestatus sum, & promissa recitavi, quoties à te cauta reminisceris. Maximus dicit, Inuocasti vbique martyrem, vbique te exaudit ille, qui honoratur in martyre. Moderante itaq; eo, qui pensat vota tua, & dispensat munera sua: in tantum vicina efficacis præsentia præbebitur aduocati, in quantum fuerit fides deuota suscepti. Fulgentius, de Deipara loquens: Ideo (inquit) omnes naturæ cursus suscepit virgo Maria in Domino nostro Iesu Christo, vt omnibus ad se confugientibus foeminis subueniret. Gregorius de quadam puella loquens: Petijt (inquit) illa diu à sancto Petro, vt sanari mereretur, & sanata est. Beda ait: Seniores Iudæorum ad Dominum mittere



PRO INVOCATIONE

Vide Ber.  
ser. 5. in fe-  
sto oīm  
sanctorū,  
& ser. de  
4. modis  
orandi.

mittere debemus, hoc est, summos ecclesiæ viros, qui nos ad dominum præcesserunt: suppliciter obsecrando patronos acquirere, qui nobis testimonium reddentes quòd ecclesiam diligamus & quantum in nobis est ædificare curemus, pro nobis apud Dominum nostrorumq; peccatis intercedant. Bernardus dicit: Eorum qui iam peruenerunt, viuentibus solatia nequaquam deerunt per Deum, qui ubiq; est, & in Deo nusquam affectu charitatis absentium. Theodoretus: Homines qui prospera sunt valetudine, conseruari eam sibi à martyribus petūt: qui verò ægritudinem aliquam patiuntur, sanitatem exposcunt. Insuper & steriles viri, & mulieres dari sibi filios petunt: qui verò parentes sunt, integra sibi & propria custodiri, quæ consecuti sunt, dona. Item qui peregrè aliquò proficiscuntur, petunt sibi martyres comites esse in via, vel potius itineris duces: qui verò sospites iam redierunt, gratias agunt, acceptum beneficium confitentes: non qui ad deos se accedere arbitrentur, sed qui orent Dei martyres, intercessoresq; sibi apud Deū aduocent. Deniq; vniuersales synodi, sexta, & septima. Innocet (inquit sexta) christianus sanctos, vt pro se intercedere apud maiestatem diuinam dignentur. Septima: Cū Dei timore omnia agamus, postulantes intercessionem incōtaminatæ Deiparæ, & semper virginis Mariæ domine nostræ: item sanctorum angelorum, omniumq; sanctorum.

*Comparatur sententia aduersariorum cum sententia patrum.* CAPVT XXIX.

**E**T tu Artopæ, omnes hos patres aspice: ipsos etiam atq; etiam deposito tumore cervicis intuere. Itane tādē, iuuenis (te enim discipulum dicis Monhemij) confidentissimè cōsolari te de-

te debes, quia talibus displices: an lugere? Nimis certe petulater ecclesiae magistris insultas: nec satis scite dicis, *Augustini episcopi auctoritate, beati Bernardi eruditi alioqui & sancti abbatis opponimus hallucinationi*: Nec hoc quoque: *Si putant haereseos cauterio inuri Monachium Bernardi testimonio, non paulo vetustior est Bernardo Epiphanius* Haec, inquam, parum scite scribis, cum iam, si oculos aperiās, videre possis & Augustinum cum Bernardo idem docere, & Epiphanium nobis non aduersari. Nazianzenum & Basilium, dum tuae sententiae non satis fauere cognoscis, primo sub rethoricis figuris excusas: & addis, eos in preces publicas non admisisse sanctorum inuocationem, aut ut commune dogma ecclesiae non afferuisse: quā contrarium eorum verba à nobis allata aperte contineant. Deinde, eos nimia diuorum admiratione hallucinatos esse clamas. Quod ut stabilias, Basilium dicis etiam ab episcopo suo Eusebio ob superstitiones quasdam reprehensum. Sed utinam quāenam illae sint, non tacuisses: ut defendendi catholicum & verè religiosum virum Basilium à superstitione (nescio qua) daretur locus. Lego eum contumelia affectum ab Eusebio: verum de superstitione nulla mentio. Lego insuper eum ab ijs qui fidem orthodoxam in eo reprehendebant ob psalmodiam institutam, modumve melodiae, & ob monachorum societatem notatum. Et fortè hae sunt superstitiones quae tibi in mentem venerunt. At nobis & veritati, sunt cultus Deo gratissimi. Nazianzenum autem dicis imperitum scripturarum: idque ex ficto Theodoreto. Sub nomine enim Theodoretici tas catalogum episcoporum, & Caesarum (qui latino Theodoreto est adiunctus): cum nullo modo sit Theodoretici, sed multo posterioris cuiuspiam scriptoris, qui ordinē etiam temporum in recensendis episcopis, non tenet, multaque  
I menti-

mentitur. Cæterum hoc demus (quod tamen à vero alienissimum est), exactam scientiam scripturarum defuisse Nazianzeno; nunquid saltem hoc dogma ei defuit, quod vrges, & clarum in clarissimis scripturis extare putas: videlicet idololatriam vitandam, & quod Deo proprium est, hominibus non tribuendum: & ideo neminem inuocandum præter Deum? Tertiò friuolam rationem adducis, ne verba illorum (Basilij & Nanzianzeni) simpliciter accipiantur: *Et si quis (inquiens) velit vrgeri has panegyricas apostrophas, nonne sacrilegum dogma cudet: anima scilicet beatæ communionem animam peccatricem & miseram felicitari? quasi qui hic adhuc viuentes rogat, credat se illorum communionem foelicitari.* Quartò aliam allaturus solutionem (vt non dicam elusionem) ad eorum verba: *Ipsi patres (inquis) declarant se ex affectu magis quàm vero iudicio sic locutos fuisse: atque inde dicis, Gregorium mirè Basilio suo affectum fuisse: Quasi ex affectu, & non ex iudicio, dicat episcopus subditis: martyres sanctos esse orandos, Quasi, inquam, ex affectu hoc scriptum sit: Virgo periclitans inuocauit Dei genitricem, & subuétum est ei. Denique, in omnes formas te vertens, dicis: Lib. 5. de baptismo contra Donatistas cap. 17, loco videlicet à theologastris citato, ea habet Augustinus, quæ argumentum Mateologorum prorsus enervant, etiamsi id haberent ab ipsis citati patres quod continent. Ita enim loquitur: ô quàm gaudet Cyprianus, quanto serenius in illa luce contuetur, pro quanta humani generis salute factum sit, vt inueniatur aliquid quod meritò ream prebendi possit, quanuis in christianis & pijs literis oratorum, & non inueniatur in literis piscatorum. De hoc ergo gaudio sanctæ illius animæ omnino securus, neq; villo modo meas literas ab omni errato liberam ardeo vel putare, vel dicere. Hæc Augustinus. Oratores nimirum fuerunt iam citati pa-*



*cati patres, Gregorius, Basilus, Chrysostomus, Cyprianus, Hieronymus, Augustinus, in quorum literis, quauis christianis, & pijs, quædā inueniatur quæ reprehendi merentur quod sint erronea: qualia non inuenias in literis piscatorum Petri, Ioannis, & similium. quare his tutò credimus: illis non item. En hereticum tumorem. Te, tuosq; magistros iudicas in scripturis inuenisse dogma, quod tot tamque eruditos, & præclaros patres latuerit. Et quale dogma? vnde videlicet tota ecclesia, in qua præcelluerunt, quosq; ipsa ecclesia vt patres secuta est, accusetur, velut quæ ipsum primum præceptum transgressa sit, Deo iniuria dum eius cultum ad creaturas trāstulit, & Christo mediatori, cū eius officium alteri attribuit. Itāne, Artopæe, apud te omnis fides promissionis Christi euauit, vt hæc non solum cogitare, sed & scripto legenda cōmittere audeas? Et à quibus, dic obsecro, scripturis cōpelleris ab istis ecclesiæ patribus discedere, nisi quæ nihilomagis contra inuocationem sanctorū in cælo agentium, quàm contra eam orationem qua hic adhuc viuentes obsecramus, militare queāt? vt patet discurrenti per singulas. Ad Augustinū respondemus, quod etsi rectè dicat, meritò in literis oratorum posse reprehendi quædam: vt quod Cyprianus contra totam Ecclesiam docuit de baptismo (cuius rei gratia hæc verba scripsit), absit tamē vt ea reprehēdat, quæ per totam ecclesiam sunt obseruata, ac vno ore ab omnibus ecclesiæ pastoribus tradita. Deus intercedentibus sanctis te tam graui errore mortuū suscitet. sin minus: saltem ne alijs noceas efficiat. Concludere libet Augustini verbis: quibus quidem Iulianū ipse conueniebat, nos verò Artopæū & eius similes. Isti episcopi sunt docti, graues, sancti, acerrimi defensores veritatis aduersus garulas vanitates: in quorū ratione, eruditiōe, libertate (quæ tria bona vulgò tribuuntur iudici) nō potestis*

## P R O   I N V O C A T I O N E

Inuenire quod spernatis . Si episcopalis synodus congregaretur, mirum si tales possent illic facile sedere tot: quia nec isti vno tempore fuerunt , Sed fideles, & multo excellentiores , paucos dispensatores suos Deus per diuersas ætates temporum , locorumq; distantias : sicut ei placet & expedire iudicat , ipse dispensat . Hos itaque de alijs atque alijs temporibus atq; regionibus , ab Oriente & Occidente congregatos videtis: non in locum quo nauigare cogantur homines, sed in librum qui nauigare possit ad homines. Quanto vobis essent iudices isti optabiliores si teneretis catholicam fidem , tanto vobis sunt terribiliores , quia oppugnatis catholicam fidem : quam in lacte suxerunt , quam in cibo sumpserunt , cuius lac & cibum, paruis magnisque ministrauerunt , quam contra inimicos etiam vos tunc nondum natos , vnde nunc reuelamini , apertissime ac fortissime defenderunt . Talibus post Apostolos ecclesia plantatoribus, rigatoribus, ædificatoribus, pastoribus, nutritoribus creuit. Ideo prophanas voces vestræ nouitatis expauit , & cauta ac sobria ex admonitione apostolica , ne sicut Euam seduxit astutia sua, sic & mens eius corrumpetur à castitate quæ est in Christo Iesu, catholicæ fidei virginitati insidias vestri dogmatis subrepentes exhorruit , & tanquam caput colubri conculcauit, obtruit, abiicit. His igitur eloquijs ac tanta autoritate sanctorum , profecto aut sanabimini Dei misericordia donante, quod quantum vobis optem, videt qui faciat, aut si quod abominor, in eadem quæ vobis videtur sapientia & est magna stultitia perduraueritis, non iudices quæsituri estis vbi causam vestram purgetis : sed vbi tot sanctos, doctores egregios atque memorabiles catholicæ veritatis accusetis, Irenæum, Hylarium, Basilium, Gregorium Naziænum, Ephræm, Hieronymum, Ambro-

Ambrosium, Epiphanium, Chrysostomum, Augustinum, Prudentium, Paulinum Nolanum, Maximum, Fulgentium, Gregorium, Bedam, Bernardum, Theodoretum, cæterosque socios ac participes eorum, insuper & vniuersam Christi Ecclesiam : cui diuinæ familiæ, dominica cibaria fideliter ministrantes, ingenti in Domino gloria claruerunt.

F I N I S.





Scriptum istud ego censeo cum vtilitate &  
fructu lectorum posse excudi.

Iudocus Rauestejn Tiletanus,  
Doctor Theologus.

**E R R A T A.**

Fol. 1. facie 2. linea vltima pro, orationibus: lege orantibus.  
Fol. 2. fac. 1. sub finē, in margine: lege, Lib. 2. de bono etc. Fol. 12.  
fac. 2. lin. 18. pro orationis: lege, orantis. Fol. 26. fac. 1. lin. 28. lege  
Arhanasius. Fol. 40. fac. 1. lin. 12. pro nec, lege ne. Fol. 50. fac. 2.  
lin. 14. lege, Donati. Fol. 53. fac. 1. lin. 15. lege, aduolui. Fol. 55. fac.  
2. lin. 11. lege, Apostolo.

**T A B V L A**

# TABVLA CAPI-

TVLORVM HVIVS LIBRI: ET

*primū, eorum quæ sunt in refutatione er-*

*roris circa orationem*

*admissi.*

**N**on pro eo quod fide accepimus, ora-  
mus, sed pro eo quod necdum ac-  
cepimus. Cap. 1. fol. 1.

Ex scripturis reiicitur Monhemij sententia:  
Deus dat orantibus, quæ daturus esset  
aliis. Cap. 2. fol. 2.

Orationem propinquiorem esse causam sa-  
lutis fide. Cap. 3. fol. eod.

Non debere quolibet certū esse quod exau-  
diatur sua oratio. Cap. 4. fol. 3.

Quos promiserit Dñs exaudire, Cap. 5. fo. 4.

Quis sit sensus illius: Quæcunque orantes  
petitis, credite quia accipietis. Ca. 6. fo. 6.

Explicatur locus Iacobi: Postulet in fide, ni-  
hil hæsitans etc. Cap. 7. fol. 7.

Rursus explicatur promissio de exaudien-  
dis orantibus. Cap. 8. fol. 8.

Non omnes qui ignota sibi lingua Deū pre-  
cantur, hypocritas esse. Cap. 9. fol. 9.

*Deinde Tractatus De Inuocatione  
Sanctorum.*

**E**OS aduersari cōmunioni sanctorum,  
qui negant sanctos esse inuocandos.  
Cap.1. fol.10.

Inuocationem sanctorum nō aduersari cul-  
tui Dei: & friuola esse Monhemij argu-  
menta, quæ contrarium nituntur astru-  
ere. Cap.2. fol.11.

Sanctos non inuocari velut Christi patroci-  
niū non sufficiat, sed vt patrocinio Chri-  
sti debitè innitamur. Cap.3. fol.13.

Sanctorum inuocationem nō aduersari vni-  
co mediatori Christo. Cap.4. fol.16.

Explicatur germanus sensus illius: Vnus me-  
diator Dei & hominū etc. Cap.5. fol.eod.

Impertinentia allegare Monhemium: & san-  
ctos qua parte sancti sunt, non opus ha-  
bere intercessione Christi. Cap.6. fol.18.

Augustinum docuisse inuocandos esse san-  
ctos. Cap.7. fol.19.

Explicantur Chrysostomi verba, peruersè  
à Monhemio allegata: quòdque ipse do-  
cuerit, sanctos cum Christo agentes, in-  
uocandos. Cap.8. fol.20.

Explicatur Ambrosij sententia: quòdque  
clarè docuerit, inuocandos esse mar-  
tyres.



# INDEX CAPITVM.

- tyres. Cap. 9. fol. 20.  
 Idem ex Irenæo, Hilario, Basilio, & Nazian-  
 zeno probatur. Cap. 10. fol. 24.  
 Nazianzenum citra tropum inuocasse san-  
 ctos, & non dubitasse, quin nostras pre-  
 ces audiant. Cap. 11. fol. 25.  
 Idem ex Hieronymo, & ex alijs monstra-  
 tur. Cap. 12. fol. 26  
 Sanctorum animas in coelo cum Christo a-  
 gentes, nosse nostras preces ad se dire-  
 ctas. Cap. 13. fol. 28  
 Sanctorum animas cū Christo agentes, pro-  
 priè orare pro nobis. Cap. 14. fol. 35.  
 Christū propriè orare pro nobis. ca. 15. fo. 37  
 Non repugnat orationi certitudo obtinēdi:  
 sicut nec ad eam requiritur. cap. 16. fo. 44  
 Argumenta quę fiunt contra sanctorum in-  
 tercessionem & inuocationem, refellun-  
 tur ex sanctorum Angelorum interces-  
 sione & inuocatione. cap. 17. fol. 43.  
 Quō Deus solus scrutetur corda. ca. 18. fo. 47  
 Quem cultum Angelorum prohibeat Apo-  
 stolus. Cap. 19. fol. 47.  
 Catholicos non tribuere martyribus soli  
 Deo propria. cap. 20. fol. 49.  
 Plurimū distare cultum quem exhibent  
 sanctis martyribus catholici, ab eo quem  
 gentiles deferunt idolis. Cap. 21. fol. 51.

INDEX CAPITVM.

Impugnatores cultus sanctorū, imitari gentiles, apostatas, & veteres hæreticos. cap. 22. fol. 53.

Symbolum quod Apostolis inscribitur, esse ab Apostolis traditum, licet hoc non dicat scriptura. Cap. 23. fol. 54.

Multa esse agenda, quæ in canonica scriptura non mandantur. cap. 24. fol. 55

Dissoluuntur argumēta Artopēi, quibus conatur astruere nihil esse credendum, vel agendum, quod in canonica scriptura nō reperiatur. Cap. 25. fol. 56.

Ecclesiā Christi nō delirare senio. ca. 26. f. 59

Non esse superstitiosum, æstimare quibusdā martyribus præ alijs concessam esse à spiritu sancto gratiam curandi corporū infirmitates. Cap. 27. fol. 61.

Epilogus consonæ sanctorum Patrum sententiæ sup inuocationē sanctorū. ca. 28. f. 62.

Comparatur sententia aduersariorum cum sententia Patrum. Cap. 29. fol. 63.

F I N I S.

LOVANI  
Typis Stephani Valerii Typog.  
Iurat. Anno 1562.

